

Литература Дагъистан

16+

Гьалмагъдеш

ЛИТЕРАТУРНО-ХУДОЖЕСТВЕННЫЙ И ОБЩЕСТВЕННО-ПОЛИТИЧЕСКИЙ ЖУРНАЛ

3/2018

май - июнь



90
дус

Рашид Рашидовлис



Гьалмагъдеш



ЛИТЕРАТУРНО-ХУДОЖЕСТВЕННЫЙ
И ОБЩЕСТВЕННО-ПОЛИТИЧЕСКИЙ ЖУРНАЛ

Учредитель: Министерство печати и информации РД

РУКОВОДИТЕЛЬ - БЕКИ РЕДАКТОР
Мурад ГЯХИМАДОВ

ЖАВАБЛА СЕКРЕТАРЬ
Т. ЗУРГЬАЛОВА

РЕДАКЦИЯЛА КОЛЛЕГИЯ
XI. Къурбанов (журналла редактор)
Къ. Мигърабов
Т.Сягидов

ЖАМИГИЯТЛА СОВЕТ
А. Гябдулманапова
И. Ибрагъимов
Ш. МяхИяммадов
Х. ХИябилова
Х. Юсупов
И. МяхИяммадов

3
2018
май - июнь

Кел бази гъачам
дурабулхъан

Выходит один раз в два месяца

1952 ибил дуслизиб
акIахъубси саби

Журнал основан в 1952 году

Государственное бюджетное учреждение
Республики Дагестан “Редакция республиканских литературных
журналов “Соколенок” и “Литературный Дагестан”.

ЖУРНАЛЛИЗИР ЛЕР:

ПРОЗА

Къасум-Бег МИГЪРАБОВ. Шахли дигубти къар.....3

ПОЭЗИЯ

РАШИД РАШИДОВЛИС – 90 дус.....22

Къасум-Бег МИГЪРАБОВ. Берцуди23

Рашид РАШИДОВ. Назмурти.....23

ПРОЗА

Хадижат ХІЯБИБОВА. Чарбухъни.....30

Ибрагъим ИБРАГЪИМОВ. Цализиб ва хилизиб.....41

МЯХІЯММАД ТАХСУРМАНОВЛИС – 85 ДУС.....56

Гиса ГІЯМАРОВ. Хіял-табигіят хіялалси.....56

Хіябиб КЪУРБАНОВ. Чялма савгъатбираси.....57

Гіяли-АсхІяб МЯХІЯММАДОВ. Маргълизив лукантала.....57

МяхІяммад ТАХСУРМАНОВ. Гилмула дяхІимцала.....58

ПОЭЗИЯ

ШапиГ МЯХІЯММАДОВ. Наб калунси ца саби.....61

Тавсултан СЯГИДОВ. Базула хив.....66

ПРОЗА

АМИРБЕГ КЪАДИБЯХІЯММАЕВЛИС – 80 дус.....71

Амирбег КЪАДИБЯХІЯММАЕВ. ХіябдехІ хинкли.....71

Нурулгъуда РАЖАБОВА. Цинала дубураван.....76

ЧИЛРА ВА СЕЛРА ХЪУМАРТУРЛИ АХІЕН

Аминат ГІЯБДУЛМАНАПОВА. Дубуртазиб аклубти игитунни.....81

ЗАМАНА ВА НУША

ПатІимат МАЛЛАЕВА. Заблиубад бебшили.....86

КІЕЛ ХАБАР

Набигуллагъ СУЛАЙБАНОВ. Дяхънушачиб. Бикъруми.....88

ПОЭЗИЯ

Мургузали МУРТУЗАЛИЕВ. Назмурти.....94

Регистрационный номер ПИ №ТУ05-00369 от 23. 12. 2016 г.
Выданный управлением Роскомнадзора по Республике Дагестан.

Типография: ООО «Издательство «Феникс-пресс».
Адрес типографии: 367018, РД, г. Махачкала, пр. Петра 1, 61

ГЪАЛМАГЪДЕШ №3 2018 г.

май–июнь

На даргинском языке

Выход в свет 19.06. 2018 г. Тираж 352 экз.

Заказ № 212 Цена свободная.

Печать офсетная. Бумага офсетная.

Формат 70x108 $\frac{1}{16}$.

Усл. печ. л. 8,4.

Усл. изд. л. 8,7.

Редакция и издатель: Государственное бюджетное учреждение Республики Дагестан “Редакция республиканских литературных журналов “Соколенок” и “Литературный Дагестан”.

Адрес редакции и издателя: 367000, РД, г. Махачкала, ул. Даниялова, д. 55.

Электронный адрес редакции:

litdag@mail.ru

Проза

Къасум-Бег
МИГЪРАБОВ



ШАХЛИ ДИГУБТИ КЪАР

(Хъарахъуд)

- СейкГуси...
- СейкГуси?.. ХЕд ну карушес дигули виадли, цараван карушаба гъатИ! ХІуни балулрив даг нуни сецад гъундури ахъирал!.. ХІу виадли, гъм... хІела баркъуди сегъунти дугъбачил бурусилра балули ахІенра...
- Нуни балулра хІу хІерли кални. Ну хІечи къалабалира сайри, амма, хІу рирхай, аги-къяйда илкяйда детаур...
- Ге, ге... Нуни балулра илди сегъунти сарилра...

**Чинар саррая хІуша?!
Дерхъаб дикГулрав чинар?!
Диадалли – дерхъахъес,
УмеГ бицІая набра!..**

ГІяхІти аги-къяйда сари, ахІену? Яра ну ралкІлирав?.. Нуни хІези дила ца масъала арзахъес тиладибарра, хІу виадли...

– Гъу, ну виасли... Жузлизиад касили назму, ну гІяйиблаирулрав? Илар ГІяршличила, урхъуличила гъай лер. Нура илав виэс гІягІнилив гъатИ?..

Хатирли, симкъла аргъили, буруси къябаиб, иличивяхІ ласяхъиб. Илала гІиркъмачирад нургъбала халати кІунтІри гердикІулри.

– Черрерхи, – иб илини, ил сунечиряхІ ритІикІули. – Гъарли-марли ну къалабалири хІечи гІяхІси хабарличил, амма бетхІеур... БекІсигъуна, – Хатирли илала нургъби хъатли душкиб ва виштІасила къянкъ ушкxІеливан, удибад тІулбачил илра чІумабарили, иб:

– Марисуд, дила риштІал... Марисуд, хІед къампетра лугас, начира исис...

Аргъибси хабарлира масхаралира гъав барскабарибси ил ахъли дукар-ряхІиб.

– Итни бархІи документуначил дукъес гІягІнили саби, так что, хІядурри... Нуни риадли, мубаракриури...

Харчли аризурли, илини някъби гІяйдуциб, лаг арцурси чІакаван, ва лебилра сунела чархла декІдешличил иличи хъябруцрикиб.

– Баркалла... дила ахІерси, дила марси... гъамси... – кІунтІби азаддухъ-

унхели дурадиркулри илала дугъби... Ванати урки-уркиларадти, хясратси дигайла хйкатли буцибси чархла дугъби.

Амма илгуна агилизир тамай дурустира хедирар илди, хятта бизили ва тгямли зайдикли диалра...

* * *

– Хези нуни азирна хейгулри эс рираси, Хасай. – Баинатлис чевхеркуси ил анцукъири. Гъачам ил, хабарагарли, хянчиличи ляркххели гунчив гевилри, гур биалли – больницала гълав, автобус ташбилзуси мерличив. – Ва нуни хези илкъяйда эс рираси, ху хейгухелицунра ахен, наб дигуси, жанничивра наб дигуси левхели сарра... Нуни хед хапли ху наб гелавадикахъес сабаб гирав: наб гъанбиркуливан, хуни аргилри нушала ургала бижгурли или. Или биаллира, хуни багъес гягнели саби, наб кшу аvara хейгахъни. Гямрули чебаахъибгу, нуша лергер деклрти адамти диъни.

– Ге, бархъси саби, – иб илини, машинала халаси умху баршибси мява туйчи чегурли ласбирули. – Дила игъбар бетаур итхели нуша беклил деклрти адамти диъни хези аргъахъни ва илди, хуни чердикибти гямру, хекли хечи лайкъти диъни къисматли якъинбарни.

– Ге, гъариллизи иргъаху къисматли...

– Иргъаху, амма гъарил лайкххеркур, туркла масван, вачарла вяхличи.

– Нуни хела ил нясси бугътайс жаваб хелугас, амма илгуна секлал хези хебурили хебалтас. Хуни пикридарибти кшу аvara нуни къабулдарили риаси, ху илкъяйда гъаххеклади, гъагъайра набзи...

Балулрив селизибал хела игъбарагардеш?...

– Дила игъбарагардеш!?

– Ге, хела. Ху нуйчив, цархилличив, чи-дигара виабгу сай, гяхсира ва чевхси сайра или пикриикулри, амма ил пикри хезиб лебси гъарли-марли илгунахели ахенну, ху давлачевхели саби. Илкъяйда пикриикес хуни хед гядат кабизахурлири. Лебилра адамти цадехI унзалабад абицххута-зивад ахенри ху, чизи-биалра «Ху геларти унзалавад ацIи» биклутазивад сайри. Хятта ил ихтиярра хуни хела гякхуличил сархиса ахен, дудешли бучили гибси масли гибси саби.

Хуни мурталра хейрид: ну итичив бархъдешгевси, духуси, гяхси ва сахаватси ветарус. Амма итичив ну давлачеввирус ирид хуни. Илди тамхкардеш лерси адам игъбарла вегу гатIи? Гъу, бура, саю?..

Хела кялгIя леб, мас-хазнара бургар, амма илди хела нешлира къабулдирули ахен... Ил херрирули ахен илар.

– С-с-е-е! – вавъиб илини ва, чевхъи Баинатла хъяйхъяй буцили, сунечирхI тямхратур. – Хушагунти, туркла масван бирцути къехIбаби или биклес бирутив набзи?! Ху нуни рухIнакайури, хасара харабат...

– Агъ, хела келра някъла тулби субхIяйс каргъла, клукIай! – иб илини ва, гелархI къурдрарибхели, кахерикес багъандан кайцуси ганзличил илала вяхлизи тура дяхъиб. Риуцад урухварес ибси пикри бакIибси илис сенрил бусягIат Сабур гъаникиб, явлухъли дяхIличирти шутри ушкули, ца заманализив машиналичивхI гъамирухели, иб илини:

– Илгуна гъабза виадли рахли ху, ташизи камси замана, хечи Сабур гъавикIур гъамли. Хушагунти чумра клукIайлизи чула мер чебаахъибси гъабза сай ил...

Серил эс дигуси илала мухли аьбяхъили гЯхЦадхИи калун, машинала хИна кайибХелира, ил бузесХеиб, гГур биалли, илавад дуравхъи, руржуси тАмаличил иб:

– Се ихтияр лебли набчи бугъган чебирхълри гьатИи хИуни! Дила неш се рикИули хИези?!

– Вашен, кИукИай! Мурул адам виадри, хьунул адамличи някъ ахъХе-бурцади хИуни. Багъи, нуни иш анЦбукъ хьумуртуси ахИен! Я хИед танбихИ хИebarили хИеруус!

ТАма-гьамалис чумал адамра цалабикилри. Илди Баинатли гьала-гьала хИасибХебариб, гГур чебаибХели, илдала хИераназирад гьарахърикес къала-барикиб.

Илини хИянчи таманбиубмад, сеннира муруйчи рукъес къасбариб. Ил къасличил ил барХи ахъайчи рузра рузи.

Сепайда, бикИуливан, адамли къасбиру, Аллагъли къадарбиру. Хатир хьуливан аги. Абзур барХи ил сунени дурути пикридирули рузусири, хИятта ил дагърила хИяз хИянчилисра диргалабулхълри: суалти дирхахълри; суал хьарбиухИели, рахъХи пикририкИулри; Хатирлизи бурес хИядурбарибси пикри дурабиркулри... Ил барсдеш Саят Иминовнанира хИасиббариб, илба-гъандан, хИянчи таманбиубХели, илини иб: «Бархъли бирулри, Баинат, диур къугъни. Духуси хьунул адамли, сунени цаибил ганз кайцу. ХИушала урши лев. ВиштIаси Сарим. Се сари къугъни, илала хумардешла гьалар?.. Рукъен. ГИяхIсаягIят биаб!»

Сунес биалли эс дигулри:

«Нуни дахълал дугурби деркИира, чуйнара барХи алкИули, дуги бубкИути манзилти чедaira. Илди цагъунти хИедири, амма пикридикИулира дири. Пикрумани къацИруцили, уркИи цIализибван рурцIухИели нуни илдазиб барсдеш чехИебиира: хИулбала гьалар чIянкИли рангани, гИядатла тIамри, берХИила нурла къяжа сарри... Илкъяйда шявли илди суратуни чедиухИели, нуни аргъира, ну зягIипли риъни. Ге, сарри, сенахIенну гьими ахИен ил, амма илала цаибил лишан саби...

Амма даг нуни тамашала дуги беркИира. Ну гъайрикИира иличил, Хатир. Нуни чебаира барХи алкИуси манзил мусисиртличир ванзара закра цIапIакунХели илдани алкIахъути ранг, делгИути диги ва хИялимдеш. Ил сягIятли набзи дахълал секIал дуриб. Илини ну черсаргъахъира, наб я паргъатдеш хИелугуси, я набзи бамсри хИейхъахъуси гьанкIлизирад... Ва нуни аргъира берцуди дигайлизиб биъни... Нушала дигайлизиб...

ХИед хИейгулрив набчил чеваргъес ва набчил варх сагъизс?..»

БяхИличибси сягIят бузули ахИенри, илис батарейкаби асесра илалара чара агарли биъниличила ил пикрирухълун, илини аргъиб, абзур барХи илизи дурес пикридарибтира ца-ца девли детихъни. Амма гъав бурес агарли ахъбариб белчIунси назмули. Ил сунес белкIниличичи илала ташмишдеш аги, сенахIенну илизир Хатирлира сунени чебаибси савли чебаъниличичи ил рирхаур.

Жузи кадихъибси шкафла ца къасиличи ретухъи, илини чула бархси су-рат хИербариб. Ил къасиличиб лебри лебГЕб жагаси гьумла сягIят. Илини ил бекИудибарибмад, дибГIянти цIуба гьум удидяхИ чухдехълун ва ил, тамай уркIрулхъахъули, лихIбазир къутIла тIама чехиб.

Хъулиб къалли бузуси цалра сягIят агара, – пикрирухълун ил, алавчар хИеррилзули. Гьарли-марли сягIят аги. – Села къутI сари гьатИи ишди? Яра ну мехIуррирулрав?..»

Илала пикруми унзала мегълизиб ласбухълунси умхълули къябаиб. Се ирусил хИебалули цухризурси илала гьалав Хатир вагъариуб ва, чебиусиличи вирхаэс

хІейрули, амма Баинатла уркІилис къабуддикести хІялани гъайличил ва сунела чархла биркІантачил парчаэс ахІенну, чедаахъесалра хІейрни багъурли, лерилра, дучес виубти хІулбукІри дакІударили иб:

– ХІу?! Тама биалли илизи бикІулри: «Гъамиину, хъябруцуца. ХІеризи иличи...»

– Пе. Ну... карцІ... ну тама-а-шала савлили сагъра-арра, Хатир... Илини рархъира ну...

– Сав-ли-ли! – биркІантаци дев бутІиб илини. – Се савли сабри ил? УркІилизисби тама биалли бикІулри: «Агъ, се гІяхІна барилри!.. нура илкъяйдарину, зягІипли, изули, висули... СенахІенну хІу ахІи дигахъеси агарану... ХІераргира ва агара. ЦадехІ къунбира къугънира дуили сари цабехІла»

Илис сай хъули чарухънилис сабабли биубси ихтилат гъанбикиб.

«ХІу хъаллавиублири, ахІенрив? Гъайгъайра, сайри. Амма набзи викІулри, дигахъулри или. Хъунула дигахъулрив?.. Сен лехІкахъилри? Гъу, дигахъули биаб... даим гъуцІикІулра викІулри набчи, сенахІенну берцуди саррану. Селичи викІуси... гъм, алхІят бархІи викІусив, яра хІялани-хІязла викІусив. Се викІалра, ишаб чисалра якъинси ца хІякъикъят саби... ХІед ну гІягІнилира хъунул адамван... Илизиб селра вайси агара, вари! Ну цараван пикририкІулира хІерургус, амма гъар секІа сунела мягІна, къалип диэс гІягІнитира сари къалли, ахІену?.. УркІбала вягІда... бухІнаб бихуси, гъариллис якъинси...

Вари, хІед гъанмабиркахъид ишкъяйда, кІидехІ гІямруличил хІерируси ца хІуцун сайри или!.. бахъалгъунти илкъяйда саби. Нуни хІези гъачам бурра, ну милицали рузухІели, набчил бузути бахъалгъунти, асубирар лебилрара-сера, – илкъяйдари или...

... Се?.. Дигай!.. ХІела жайчира дукармакІуд... Илди, дила ахІерси, наб гъанбиркули саби пикридарибти яра поэтунани сари, яра илдигъунти, чи биалра саби мискин-пакъирта сари, хъунул адамлис лайикъси хІекъ бедес хІебирутани...

... Хъалибарг... дурхІни!..

... Бура хІебиалли, сен хІу хІейрулри хІела хъалибаргличил, уршила мякълав уэс? СенахІенну, хІура или викІулри, хІед нура дигахъула... Ну! Дила чарх... Дила къугъни ва къалмакъар далли...

... Ну мунапикъ?.. Ил чи сая? Се ибси ил?.. КІибхІяндеш лерси!.. Се-се!

... Ратаба ну... тиладибирула... Илдигъунти уркъубяхъуни чекасес хІерирус нуни. Чизирадалра, хІята ил хІезирадра... СенахІенну нуни хІези бархъдеш бурра, дунъяличиб лебси, мурул адамра хъунул адамра ванзаличиб акІубла кабизурси гІядатличила ва бархъдешличила, хІу виадли... ХІуникІун, ну къарширикайчи итуладарибти турсикІ-майкалра чегъурти ахІенри... Се сарри итди хІуни дихути гІярбачила сиркъни... Гъу, диур... диур... дуги гІяхІна бакІаб... «Или биэс хІебирар. Ну умутчевли вирхула хІела уркІи илди хІуни гъанна дурибти гъайличи бирхули саби или. СенахІенну хІедирар дигай хІедиэс, хІедирар хІясилдеш, хІясаддеш хІедиэс... Илкъяйда хІебиалри, хІеризера хІяжатдеш аги. Илди агарти диалли, сен адамли балу-балули бекІа чекайсули, ил чевяхІирули ва сецад хІейгеси биалра, увяхІирули?.. СенахІенну дигайлизиб илгъуна цакакъ леб...

...Набзи хІу или рикІули, гъайгъайра, набзирти хІечи алкунти дигай, нуни бурибтиван, хІятта сари гъанни бекІа чекасесра лайикъти, хІедиъни хІуни балухІели сари, ил цаибил... КІиибилгъунара, хІед дигулри, нуни се

бараслира, илала къадри гЯшбарес, хІу риадли, гьатІира чихъли ва черяхІти шабагъатуначи лайикъси риъниличила ну пикриикІахъес... Ил дила бекІси мурадли биахъес – хІела мухІлилабад дурабикибси баргарахъни...»

«... Набзи се-биалра хІебарахъили, ратаба ну... БухІна битмайкІахъид хІедра, гІур набра дис...»

– ХІу разили ахІенрив, гьатІи, нуни иш секІал барниличи?.. Гьа?..

– ХІечи ну разиагаррикили хІебалас нуни, – иб илини, иличибяхІ ганз кайцІули. – Черрерхи. – Илини хІер дяхІличибад къяшмачи гІяршбариб.

– Ну черрерхес хІуни барибси лебу? – сунесра хабарагарли дурабикиб илала ва, гьунар агарсиван, ляжи шайчи буцили, илала михъирличи хъаррихъун ил.

– Агара рикІулрив хІу? – гІяшли иб илини.

– Се бируси нушани? – биса дархси тІамаличил иб илини. – Се авара даррал, биубси агаркъи. ЦІахли къалли...

– АхІен, – иб Хатирли илала нургъба дицІибти хІулбази хІерилзули. – ДигухІели, селалра цІахдеш лебси ахІен.

– АхІен, – пикрибариб илини ва, илала накъбазир рагъарриъни аргъили, дулай някъличи сурбухъунси сумка баткаиб.

– Иш, нушала дигайла шара, багъадри хІуни сецад карцІлил хІечи, хІела кегІебси чарх чехІебиули, илала урхІмешуахІенси, савлила цІуэрили ва дагъри хІяйрандируси тІем ишаб агарли.

– Илди чардурхъи сари, Хатир, хІечи карцІдиубли, иштяхІли парчдикІули ва... – Илала буруси Хатирла кІунтІба къицІбариб, юх, къицІхІебарибну, гушси хІясратдешличил бержиб.

– Итди хІясратти ва милгили дила чарх урцІабарибти лерилра итди дуги-хІери иш ца дугили черихъис нуни, дила риганай...

– Дигуси бара... дила дигуси...

– Шараличирад урцути арцантиван, илдала палтар гъала-гъала бурхани арцур, гІур биалли чІябарличи кадикиб...

* * *

«ХІяжатси чебаэс гІягІнихІели, цацахІели даршдехІ хІулби дусули дирар, хІяжатагарси чебаэс – цадехІ саркъили». – бикІар иллухІланти. ГІямрули тасдикъбарибси ва адамтас якъинбиубси бархъдеш бургар ил, хІебиалри илкъяйда хІебикІину. Иличи рирхаэс чебуркъиб Баинатлисра, сарира хІекъли талихІчерлира ва гІур селра хІейги къалли, ишкъяйда калахІелри рикІуси манзил...

Сунела гІямрулизиб бегІла талихІчебси дуги беркІила жумягІра дикили ахІенри, итди, гьаларван деркІес чебуркъибти дугурби хъумартахъести хапли дакІибхІели.

Савлиличибад илала итира гІяхІси гъав бегІла сунес дигуси гІебшнила зярхІси гъавали ва дебали декІардарибти галгала кІарачибад ванзаличи кабиркуси умудешли гьатІира ахъбиуб. Урши дурхІнала анхълизи укили, хІянчиличи аркъуси гьунчир ил хапли чебакІибси маркалиура рикиб, амма ил хъурали раиб, харидешли бицІили, дурара чахъбикІуси уркіили тяхІудеш балули ахІенри, анхъ больницалисра гъарахъли ахІенри.

Кункли гьар секІал детарули, зягІиптала гъав ахъбирули, бархІи арбякъун. Саят Иминовна абзур бархІи, дурхІни биркъуси хъулирри, дурхІнас баибти бахъал лебли. Илис кумеклис рархъилри жагъил прахтикантка. ГІяхІцад на-

сихІятуни илисра дуриб Баинатли. Кабинетлизиб уб агарси шала чебиулри илини, цараван тІемдикІулри улкїайтачирти вавни, тамашали умуси ва гІядатла гьар бархІилизиб сунес гьанхІерути бизидешуни дихули дурабад бухІна пухІбулхьулри цІуэрира. Севан хІулкІулирил ил, уршиличил рархли ахІерси муруйчи гьамли чаррулхьниличи. Илди пикрумачил ил хьули рухІнара рухьун, амма илдас лехІдеш гьунибаиб. Илав чилра левсигьуна ахІенри, ва ил гьанбик кьизбухьунси Баинатла чархкадли урехила рамч аязберхур, амма тамай ил гьанбикличи рирхаэс хІейгуси ил гІела хьули, дабрира черхІедатурли, илав усули ургар или гьанбикили, рухІнарухьун. Сепайда, илавра ил аги. ВаргхІергиб кІухнилизивра ва балхунничибси чарпайра бацІли баргиб. Илини чарриубли жаняхІлизи дабри чердатур. Хумарти илала хІулби чедаили, виштІаси Саримли иб:

– Неш, дудеш агархІели пашманриубрив хІу? Чинава ил?

– Лявкьян, дила урши. ХІянчиличив кали ургар, дирути дахьал херли... Ляв... лявкьян... дила мургьи.. – Илала уркІи михьирлизи кахІебурцусиванри, кьакьати пикрумала децІли халабаахьибсиван.

Илини, сунечи хІерикІули, кІентІ бируси урши хІясибвариб, ретухьи ил авциб ва дяхІличи чуйнарил байдарили, ванати палтар чердатур. Чекайхьайчи сунела букІула, гІебшнила плащра сурбатур.

– Ваши, урши, кІухнилизи, хІед каш кабирхьисну, хІед дигуси, гречкола.

– ХІейгулра укес, – иб уршили.

– Сен?

– НукІун хІу ракІес гьалав анхьлизив укунра. Кашра беркунра, компотра держира...

– Чяйла бержа.

– ХІунира дужиду, неш?

– Дужис, гьайгьайра.

– ХІебиалли нунира дужис.

– Дебали гІяхІси. ВетацІину, някьбира дирца, нуни чяйник газличи кабилзас. Илини гьар-гІергьили илди хІянчи дариб ва, уршиличи хІеррикІулихьалли, Хатирличила пикририкІули карииб. Чяйникли, ружери бакІни балахьули, шятІ белчІунхІелира, ил иличи пикри бяхІчихІейули, цаагили уршила пашманти дяхІличи хІеррикІулри.

– Неш, – викІулри илизи урши, шятІбикІуси чяйникличи тІул бяхІчааили, – руржули саби... хІеръа...

Ахирра ил пикрумазирад азадрухьун, савли дарибти чяйла кьарлизирад картІили, уршилис кадихьиб, амма, я чакар, я кьампетуни, я мурабба кахІедихьиб. Пикрумази сагали гІеларикибси нешличи хІерикІули кали, итира берк-бержличи иштяхІ агарси ил, селра хІеили, телевизор лебси хьули арякьун. Телевизорла тІама аргьили, илар Баинатра рагьарриуб.

– Чевверхи, дила ахІер, хьумкартурра, муридешуни кадихьес, – иб илини, илала пулт касили, бячІи байбирули. – Ваши, кадирхьисну...

– Нуни хІези буррагу селра хІейгулра или... хІечилри нуни илди дужути, хІуни риадли, хІед кахІертІири... Гьанна хІейги... Мультик чебаили, калхьас, – иб илини, телевизорличи ласирхьули.

Уршила кьакьадешличила пикрирухьи, иличи уркІи-уркІиларад пахрула пикруми акІни хІясибдарибси манзил илала хІер мурул лукІуси устІулличи

бархъбизур. Илар илини мухчара кІапІира хІясибдариб. Вайсиличила сегъунтилра ташмишгъала агарси илини кІапІи касиб ва ручІес рехІрихъиб:

«Гъачам шин дукибси ругерикад гІурра дукес вируси сай» бикІар адамти. Илис бикъри саби ца бархІи нуни чебаибси сурат. ХІу, хІурматла абдал, сукъурли хІериадли, яра селалра авара хІебирулрив?

Ургуд, хІейадри хъунул сунела цаибил гел... – Баинат, дев белчІес хІериубли, декІли симкърухъун, кагъар сунес хабарагарли тІулбау гъунчІбариб ва кІелра някъ михъирлизи дяхъиб. Илис гъигъ биули ахІенри, чарх руржесбииб. Илкъяйда сецадхІирил кали, шайчибад шайчи гъакІбирули бекІ, уршиличи хІерризур. Сунечи вякъизурси ил илини итил хъули арукиб ва вегІватурли бурушла каркъиб. Сарим илизи, серил бурули гъайикІулри, амма нешли илала иргъуси аги.

– Усен, урши, усен, – дагърили ахІи, ити, мухІлили иб илала, ва гъунчІбарисси кагъар хІяршбарили, диркъбариб... – Гелешмешлис редилрив? – гІяшли ручІесрииб ил. – Илкъяйда хІебиалли, илала «жипла» рухІнар...» Баинатла хІулбас цІударбиуб, хІурпри дацІибхІеливан, хІеркІдухъи детахъиб.

– Ва гІязиз Аллагъ, се баришара?! – иб илини сунела ляжубази кІелра хъат дирхъули. – Се багъандан?! Се дигули?! НуникІун барисси агара, Ха-а-атир!.. ГІязиз чарх цІали бигабгу, рахли леб биалли! Ну хІед умулира!.. Умули!..»

Илала тІама аргъибси Сарим унзала унабурхІличив тІашизурли висулри. Иличи ретухъи, Баинатли ил ахъуциб ва гъатІира ахъли агъиили бурушличи карикиб...

– Се баришара, Аллагъ!? – иб илини, майаливатурси урши хъябруцлизивад азадвалтули. – Сен адамти илцад къяркътира? Сен?..

Се барили маррирусира ну, сецад умули риасра?.. Секъяйда?.. Аллагъ, тилади саби хІези, кумекбара... Кумек...

* * *

«ВегІ сегъунти хІулбачил хІерикІалра, вегІличира илдигъунти хІулбачил хІербикІар» бикІар адамти. Ил бурала марбаресван, цаван дунъяличи хІербикІути Хасайра Шагъизатра шагъарла дархибти гІямрули къаршибикахъила дусра-сера биублири. Чумал парикмахерскаялара шагъарлизиб вегІла бурибси «Венера» бикІуси жагадешла салонна регІ ил бахълис хІяжатлири, иличи бахъал хІяжатбиркулри. Лералри ил республикала хъархІерагартти профсоюзунала комитетлизирра, чІянкІли гъанна ил председателъла заместитель сари, гъаларван культурала, печатъла ва информациябала хІянчизартала профсоюзла комитетла бекІ ахІенрину.

ЧерикІла яшавла адамтани, хІатта шагъарла дурабтанира, илкъяйдали хасти органтазиб ва мягІничерти къуллукъуначиб бузутани гІяхІил ралулри ил, сенахІенну чарх-бекІ къулайси даражаличи диркахънила дурар, илала салонна исбагъибани илдас лергІер дигІянати гІяхІбаркъунира дирулри. Илкъяйда рикІи ил илдази, сунела хІянчизартази: гІяхІбаркъличи дурарухъен, къуллукъбарес рукъен хІерикІину.

Галгала ахъдеш илала дяхІцІиличибли бала, адамла – илала хабарличибли бикІар адамти. Шагъизатла хабар тахшагъарлизиб машгъурдешла даражаличиб саби.

Сунела вегІебш, севан бархълил иш дунъя лебгІеб къакъаси саби бикІутира. Ца ити вайкъас кахІебуцили, буриб Хасайли Шагъизатлизи дугела къанси

замана, дигайла гІяхІбаркъла хІязлис гІергъи, бетаурси ихтилатлизиб сунела шан рурси сунени гъимрукІахъниличила. БекІлил хабар агарли багъур Хатирла хъунул Баинат мурт саррил Хасайла гелешмеш риъниличила. Амма Хасайлара Баинатлара ургаб биубсиличила илини къас-къасли хъаррикІули багъур. Илди, хабар агарлира къас-къаслира диубти анцІбукъунас гІергъи ганз кацІес сабри калунси, ил Шагъизатли кацІра кацІиб. Баинатли белчІунси кагъар Шагъизатли белкІи Хатирличи баахъибсири. Илизибси багъахъни илис халаси цІакъла бяхъцун ахІенри, ил буресагарли къутІкъуси ва чекасес хІейэси балагъла анцІбукъ сабри.

Сари рархъратни багъандан, чумра суненира батур риалра, ил Хатирличирад черрерхес рирули ахІенри. Ил сунени ветаахъурси, сари пайдаларарили ахъиубси виъниличи умут илала уркІилизи сунечиб илини ит цаибил дуги беркІибхІейчибад хъурабиубсири, хІятта итхІели ил бархбас сунени бахълизибад дигІянбирули риалра. ИлкІун урузкІулри, балу-бирхутани ил баркъуди мучлахІебаресгу или, ва илди къакъла гІелаб сунечиб дукаркІар или.

Дигайла хІязаназив ил итхІели хъяша сайри, амма илала хІедумсути хІясратдешра, хІярхІхІедирути карцІира сунесра гІягІнилири. Ил буйрухърикІес рирулри, сари ригахъесра илини илис ихтияр бирулри, амма гъачамлис сунела пикри аги ил дигахъес. Гъанбиклизибра балли аги.

Сепайда, гъар секІал ургІерли детаур. Тамай хІебагъурли калири ил Хатирла тІабигІят. Илбагъандан, гІядатла бархІи устІулличиб, сай аркъниличила ва ил бирни багъандан сунечирад черрехни тиладибириси кагъар белкІи баргибхІели, илис хабарагардешцун ахІенри, ил сари бекІлил хІерли ахІенси халаси децІла анцІбукъ сабри.

Хапли илини аргъиб ил сунес дигни, ва илкъяйда, мучлахІерарибсиван, лайракІили хІеруъни. Хаслира илини, сунени хясализивад валцІунси харгали. Чи сая сай, хІярга-мага саю? Чилири сай, сари хІериалри, валуси? Чилири сай адамтала урга дураибси? Пагъмучебти адамтачил тъянишварибси? Ил, агъ, рахъ умутчерли рирхулригу итхІели Хатирли ил секІал барес гІягІнили хІебиъниличи, хІятта ил барес илала ихтияр агниличира. Ил умут буйрухъбикІулри илис дугелира-хІерелира. Ил умутли кацІахъиб илизи чумал хатІала ганз, дарахъиб чумал мехІур баркъудира. Илдазибад ца сабри поликлиникализи, сен сунела дурхІя атхІелкІулил ахтардирарахъни. Ил баркъуди барниличи ил пашманриуб, амма цархІилтаци, хаслира иличила чумал къяркъти макъала делкІахъниличи, ил левси сяхІбатличир мучлахІейрути чархараби дурниличи, ил пашманхІериуб.

Амма илди къизъалали иличи асархІебариб, хІятта бекІлил чехІедиусиван, хаслира Сапаршала макъалаби. Ил багъандан, гъанна чумал дус ил гъими уркІила бухІнаб дигІянбарили, хІятта лайикъси мер бикайчи кариибсиван, калун ва ахирра ил аги бакІибхІели, илхІелира сари бекІлил хІерли ахІенси манзил, сунес хабарагарли, илини ил агиличил пайдалариэс къасбарили, ил кагъар Хатирличи баахъиб.

Ил касибси Хатирла варглизибад рурцІуси къакъадешла рамч, гъала-гъала лаг парчбухъун, гІур биалли, бекІла дагърила ари тамай гІянчІбелкІи, катхІел, гумлачи кабаайчи, дуцІбухъун. ХІули липІла манзиллис илала чарх майали кІапІбариб, гІур ил бяргІиб ва лугІмесливан чархличи чекадерцІиб. Кабинетлизиб тяхІулири, амма илис буцІарлири ва гъава биули ахІенри. ИлигІив яра гъавалигІив дуравхъунал яра, чархлизи кахІебурцулрил, ил къакъализив

вагъариуб. Адамти чебиулихъалли, илини илдала дяхІла лишанти чехІедиулри, сенахІенну илди буцІарси гъавали гъаласайути гъанбушуниван, диргІядиргули аргъала, куртІдухъири. Илгъуна агилизив вакІиб ил хъулира. ГІур биалли, илавад къяшма дурасиб, сенахІенну ил манзил ил дагърила ясир ахІенрину, чархлизир ара-сагъли лералти цадехІцун биркІантала – къяшмала ясир сайри. Насибат, гІебшнила хъяни аргъван вамкъурси ил чеили, гІядатли биубли, унза абхъибмад хъулиряхІ ратхІерихъибну, виштІасилисван гъадатурли кІелра някъ, хъули ил живариб. Хъа дайла раили, ил Хатирличи хІерризур, гІур, ил дивайчи кайибхІелицун, багълали мякъла гІяшриули ва удирад вяхІла хІеррикІули, цазаманализир иличи хъячра риркули, иб:

– Се биалра биублив? Гъа? ХІела вяхІ дагъес агарагу...

– Селра, – иб илини, дивайчи къакъ гІинибирули, илала къакъдирхъла чедирад някъби гІяйли кадирхъули, – бекІ изули саби, мехІе дурадиркутиван.

– БекІ? Даг бержирив?

– ХІебержира, амма гъанна бержес дигула. ХІечил...

– Набчил?..

– Ге, хІечил. ХІед хІейгули риадли, мабужид, амма дила мякъла карии.

Наб ил баибси саби.

– ГІяхІси коньяк леб... ца шупирли хиб.

ХІа-хІа-хІ!.. Дяшбаш касира... – ил малхІямли иличи хІеррикІулри, хІулби биалли талихІли ухахъулри. УстІул биршухІелира ил разиагарли гъайрикІулри: ГІялимуртузли ца хІянчизарла сяхІбатличиб, ил акІубси бархІилис багъишлабарибси, белчІунси назмуличила, илабти хъунул адамтачила ва сунени кабинетлизир бусягІят дарибти дарсдешлумачила. Ахирра илини ил баршиб ва сарира мякъла карииб.

Хатирли халаси каниличилси «Багратион» абхъиб, диштІати, коньяклис дарибти пигълумази картІили, алгъай някъли сунечиряхІ ил гъяжрариб ва, ахъбуцили пигъала, иб:

– ХІела арадеш, хІед талихІ ва гъарбизуни ва баркалла!..

– Баркалла?! Селис?

– ХІед баркалла! ХІу лернилис! ХІела дигайлис! Ишкъяйда аргъеслив?

– Илкъяйда – гІе, саби... нуни хІела арадешлис бужула...

– Дерхъаб хІебиалли!

– ХІу викІусиван биаб!

Ца-кІел пигъала держибхІели, Набисат тамай уркІи хІяйбатурли, дукаркІулри, иличибад хІер чебхІейсули, рахъ разириубдешли, хъули кахІерурцусиван хІулкІулири.

– Ца гІяхІдеш, гІяхІулали хІу вакІни, наб сецад вайтІарил, хІу гъимукІили или. ХІу левгІев жявли гъимуркІулри, цацахІели къалли, се биалра бурес бекІхІериубли лералли, хІу пархулхъулри, бурибсиличила пикрирахъевхъи. Гъарил хъунул адамлис дигути, гІядатла секІайчила сарра ну гъайрикІуси, хІу виадли бусягІят чІархулхъулри. ГІур чизи рикІусира ну, хІу виадли наб дигуси?

– ГІяхІси, гІяхІси, черрерхи, бирар хІу рикІуси тавхана ишаб, – илини улкъайличи някъ бяхІчаиб – иличибадли сабри ил чебат-хъали бируси.

– Баркалла, дила иганай, ну жягІял банклизид гъаррикІус кредитла хІекълизир. ХІянчиличибра ГІялимуртуз Билаловичли буриб арцла шайчиб кумек биэс бирар или Министерствотола шайзибад. Агъ, сегъуна гъарбиз бирил, эгер

ил биалри. – сагали чІянкІли сунела зугІлумачила гъайрикІни илини хІясиб-бариб, амма ил пикри бакІниличилара шакІерикахъили, илала тІабигІятла хасият бургар или пикриухъи, някъ шишаличи арбухиб.

– Сен биалра, наб гъанбиркули саби хІу чичи сайрил дебали гъимукІилри или. ХІела гІядатла агиличи хІейкили гъаннара левалри. Дила хала нешлира балли челябкъла сегъуна бирарал гъалахили бурес бала. Набра гъанбиркули саби, илала ил палчидешла пагъму набзигра леб или. Вирхаи хІу, цацадехІ секІал нуни, се бетарарал гъалахили далулра. Иш хІянчи биркни нуни балулри, гъачам муэрлизиб хала нешлира буриб. ХІякъикъатлизирад рердили, дебали мурхъли пикрумази аррякъи, чехІедиути цІакъаначил бархбас кабилзахъулра цацахІели нуни. Медитация бикІар илис. ЖъавхІейчибад Индиялизиб йогунани бузахъуси тяхІяр саби, чархлара рухІлара цабалгундешличи бакІес, тамай паргъатбиэс багъандан. ГІилму саби ил, гъаннара адамта тамай бяркъес бекІхебиубси.

Яра хІу хІерхулрив? Нуни чебиуливан, хІу нуни дурутаци лехІихъусигъунара ахІенри. Дургъбас гъалав ва илдас гІергъи вирусире ца Вольф Мессинг бикІуси Польшализив акІубси жугъутІ. Илини адамличи хІеръили, илала урла гІямру ва челябкъла далули уибси сай, амма дебали язихъли, азадли хІериеэс хІейубси, сенахІенну гъариллизи бархъдеш бурес вирусире ахІен. Масала, секъяйда челябкъла бурусире илини Сталиннизи яра Гитлерлизи? Илди кІилинра пайдалаварибси сай, амма Германиялизивад вебшибси сай, фашистунала зулмурти хІейгули. Сепайда, Советский Союзлизибра илини ил азадеш баргили ахІен. Амма къуллукъбирули калунси сай Сталиннис, НКВД-лис, хІятта Сталина урши Василийлиса.

– Чинар далути илди хІуни? – Хатир иличи иштяхІличил хІеризур.

– Компьютерлизирад, гъайгъайра. Нуни къалли пикрихІебарра ил хабар.

– Сагаси Мессингла арадешлис! – иб илини, пигъала ахъбурцули, амма, масхара гІяхІхебизурли, ил цархІил шайчи ласряхъиб.

– Сен гъимрукІилри, ну вирхулра хІела пагъмуличи! Черрерхи, рахли гъимрукІахъили виасли. Раши нушала талихІлис бужехе! Къабуллирив?

– Къабуллира... Ил багъандан дерхъаб!..

* * *

ГІусбан-ази хІяриихъила хІябри гъатІира къутІкъуси лехІидешли дицІибти-ванри. ИтхІели, ахъти къарла мурси, вайлиу адаили, шайчирад шайчи гъакІ-дикІи, кам-хъяшти галгубачир пукъни дири, шаха гІинцла зумати къялубази дигІянбикили, заки чІяв-чІявтира дучІули дири. Пукъара илаб, хІябрала ца дублаб, вацІала тІутІани жунабла галгуби чула чІумати хъябруцлизи дуцили, дура шалара хІейхъахъули, мицІирси хІяри барибси мерличиб бири илдала. Ге, гъар дуслизиб хІябкІапІралара анкІи-къарлара ургаб пукъа лушулри илдани гъанна чумал дус, цалис ца марти, гъачам дуцибти хъалицІалис марти чякнани. Манзил-манзил иларти галгубачирад заки урцули дири булбулла макъамитира. Ил тамашала чебаэс хІейрусире, амма сихІрула макъамтачил тІабигІятра адамла лихІира лъавдирусире арца далуйти, сецад вайси гъавличив виалра адам, илала ца кабигъла далай ахирличи бикайчи лехІахъалли, ил ахъхІебиэс чараагарси саби. ЧІянкІли сай адамла сабур биалли, ил таманби-айчи лехІахъес. ИлкІун илала ахир агарси саби бикІар ва, гъачам белчІунси макъам илини тикрарбирусире ахІен. Сагати ва сагати дурчули ва цалра тІама

гЕлахЕбуцили, лерилра сахаватли чяхИван дурайули. Тамашала арцан аХЕ-ну гьатИ ил, гЯмрула бекИси кьилли – лебилра пагъму, чИи-чИили, адамтас харжбирни буцибси.

Сепайда, адамра илкъяйда хЕриахъес! Илала гЯмру мяштИдирулицун хЕрхЕйрули, илала баркъудлумира гЕрасахъес. Гъайгъайра, илдигъунти адамтира леб, агарти биалри, сегъуна цУдара дамгъа бирил инсаниятла къаманачиб...

«Марлира, ГПусбан-ази арукъниличибад акЉублив ишабси барсдеш? – пикриухъун Сарим-ази, мегъла, чЯгъдухъунти унза гъаргдирули, хЯбрази ухИнаулхъули. «Чархдиркъуни гЯвадакес гЯгИнили сари, – гЯшли иб илини, суненира хЕбакъесли, белики ил пикрицун бурги, – бахъ ахъли чЯрдикЉули сари, хЯбрала агълула гъанкИ бумцахъули...»

...ИтхЕели, ил пасихИси къайим левхЕели ишаб разидеш бири. Адам пикриулхъахъуси, рухИ уржахъуси аги бири. Баракатла адам уили сай ил. Ге, бикЉаргу, адамти, баракатла адам аркъухЕели, иличил баракатра аркъули бирар или... Ил илгъуна вири, адамла уркИ балуси, илала уркИбирес балуси, дигили буцес балуси. Амма гъарил вируси аХЕн виштИасиличил дудешван виэс, зилантачил – узиван, халатачил – уршиван. Ил барес виубси ургар гъарли-марли талихИчевси...

Гъаларван дердили, амма хЕдучибти къарла тЕм аХИ, гягИ пухбулхъулри дугила цУэри бухъалри. Гъамли, ахъли-деклар аХЕнси хЯрзилиубад даимбарили сунела гъала хЕбла дяхИ – шиннира гЕбшнила марка – шиннирацун къалабабуси царугси, азгъинси, амма разиси дуцИ, Артузен кабухъири. Иларадли манзил-манзил, цУэри сунечи хЯршбухъалри, дихулри илала вихирла тАмара зярхИ-зярхИти шимшала тЕмра. Дубуртачибад маркала халахЕркИ кабухъи гЕргъи ил тЕм хЕбирар, сенахЕенну гъалакти шинни илдала ца тИзра хЕбалтану хЕркИла хандахълизиб. Илди урхъуличи арху илини.

Сарим-азини илди тЕманира хЯсибдариб ва гъала-гъала белчИи алхЯмра, дурили балгнира, Салиматла хЯбличивяхИ ватихъиб. ЦЯбдешла махмурла бершализибра, сецад хЉулбала нур шявлихъаллира, илини хЯбличи гъуни бурги. Илкъяйда бариб илини гъаннара, гъалабяхИ буцили, манзил-манзил ванзаличи, хЯтта къарра черхЕргъахъесли хЯршбирули, ватихъиб ва хЯбла мякъла ваили, сунени муртрил ила хибси уталичи кайиб. Дугели чула гЯмрулизи ихъути цУрцБалара, гъарахълирад чедихути дугила арцара аХИ мицИр тАмри аги. Манзил-манзил хЕркИлира саби лебни балахъулри.

...– Черрерхи, дила Салимат, хЉу русухЕели вакИили или, – иб илини пикри-тАмаличил. – ХЉу чераргъахъес дигули аХЕнри наб, амма къашмани хЕчи кира, умут бурги хЉу русра хЕрусели рургуд или. Агъ, севан гЯдаблил наб, Салимат, багъадри хЉуни? СейкЉулра гъари, ну, хЉуни хЕбалули рируду иличила, дила гъар гъигъра, гъарил ганзра мурталра далусили?

Дагличивад ишкъяйда сайра, къашмачив, тАшли усули дуги-хЕри дуркЉулра. Рахли кайхъи усаасли чевхЕргъишагу или урухкЉули хЕйасли? Ургус къалли... цахдеш аХЕну?.. ну гЯрала хъулибси бецИван хЕйасли? Чарх ишабхъалли, дила уркИ гъарли-марли хЕчил саби. Сагалира бурулра хЕзи, даг лебгЕб кахси гъанбикли, гъанкИкЉули кайибси ну чеваргъахъира ва дила паргъатдеш кЉунбацИиб. ХЕбалас чичил сабил – Хатирличилу Сабурличилу – амма илдазивад чичил сабил, се биалра бетаъни набзи буриб ЧевяхИл Аллагъли. Тамашала гъаргбаркъ сабри ил, ну чеваргъахъибси...

Юх, чебберхаб дунъя, шанти, ну гевурцути малайкуни ва ЧевяхИл дила Аллагъ, вахъ харили, пахрума виркьули хЕрирули кални бангъандан. Вахъ талихИчевлира или пикриикИни багъандан. Ил, кисализибси талихИ бурги дила, някъбазиб ахИ. Гъанбиркуру, сейкИл Гусбан-ази: «ТалихИагарси адамли дерахъес палтар чердаталли, берхИ дигИянбиркур». Ну или викГуси, Салимат, сезаманалра алавчарли урехила аги, гъара, хъям лерни багъандан ургус. ЦабехИ кеплизиб саби, цархИлти биалли – муръала хъулибван... Сецад уршби гЯхИл, бекИахъудилизиб тухъли, къуллукъуначиб – чIумали, илди алав азирти-азирти талихИагарли, вайтIа ва миски биалли, вегI талихИчевлира викIес вирару гъатИ?.. Аждагъали шинван дуцили сари бахъалгъунтала уркIби бирхаудиагрили...

Нуша, гъанбиркуру, Салимат, севан пахрума диркьирал Сабурла къайгъначи? Хаслира – хIу? Хатирла бузери ва умцIлаби къалли бекIлил чехIедиули риради...

Халаси кIалгIялизив сайра ну хЕрирули, дила хъунул... Амма, гъанна нуни аргъиливан, наб гъамадли ахIен. Мургъила биалра рахажра, декIси бирар къалли. Ца гIахIдеш, илди, нушала уршби сахаватти акIни. Хаслира – Сабур. Илини гъар секIал сунела шанти хIясадли хIебиэсли, сунела лебсила бутIа илдасра хIебедили хЕрирули ахIен.

Вари, хIед гъанмабиркахъид, ну илала баркъудлумачи ташмишикIулра или. ХIятта виаслира, нуни балулра ил сунела ВагIа марси ургъан виъни. Бархибси, белгидеш агарси манзил ВагIан илдигъунтачи саби хъарихъуси.

Пикрирухъен, дирехIев гъатИ нуша пахрумахIедиркъес, эгер илдани чула цIакъанира пагъмура кIантI-кIантIли улкара халкъра гъанни харждирули биалли.

ЧIянкIли ну, дила рархкъя хъунул, дила къайгъичерси жан, (хIерагу, хIу мицIирли, дила мякълархIели, гъачамалра хIедурибти гъай гъанна дурулра нуни) ну иш дунъяла адам ахIенра. Ну ишав имцIасигъунара, сенахIенну нуни хIедалути хIязанар дунъяну...

Се дунъя бирусси, шинкъби гIятIаибси, авлахъуначир дирхIути урчи, сагначир бевдикIути бугъни агарли диалли?.. Азадли сари авадан хъуми... Илди вацIа-къадали дуцибхIели, илдазирад хъуми дарес бузули чум иллухIай чула арадешра жанра харждарибал! Чум гIахIгъабза туснакъунази арбукибал!

Илди гIязабтазир дарибти илди гъанна пайтлигу гъари... ИтхIеливан гIярмиялизира бикули ахIенгу нушала жагъилти... Сен?.. Се бетаурли? Нушачи хIебирхули? Ца улкаланти ахIенрав нуша?..

Гъугу, се сари нуни хIези дурути, нукIун вакIибси хапли уркIилизиб акIубси урехиличила бурес сайри. Дила пикрили, ил секIал Хатирла хъалицIаличил бургар бетаурси, Салимат?.. Юх, бургар ахIенну, илалайчил саби. ИлиникIун балуси ахIен паргъатси дунъялизив узес. Илис сеннира бархибдеш гIягIнили саби...

– ... Берцахъа ил, Сарим, ва-а-ари, берцахъа... Ил лайикъли сай умуси талихIичи. Дила дигиличилара илдази бура, хаслира Ба-и-инатлизи... – аргъиб илини сунела мякъла кариили гъайрикIусиван, Салиматла тIама ва Саримла уркIи хIекъли бизили-ванаси, хIяйвалтахъуси хъулана буциб.

– ГIяхIси, Салимат, – иб илини ва, цIумдухъахъи къукъубала биркIанти, айзур.

– Чи сайри?! – чехиб цѐлдубала гѐлабад ахъси тѐама. Сарим-ази селра хѐели, унзаличивяхѐ ватихъиб. Адамти кабируси бурхлиу ваибхѐели илис Сягѐид гѐвваиб. Гъанна хѐябрас къараулбируси ва хѐяб укъантала халал сайри.

– Мер хѐядурбиурлив яра хѐебикесгу или урухкѐулрив? – иб илини ва ахъли дукарвахѐиб.

– Наб, азила, жявлил замана баили саби ишав паргъатиѐс, амма хѐугъунти, ярга буи, гъаласабулхъути камхѐебирули, ачамлис левалра. – иб илини, ва, къаркъакурсиван шипѐвьяргѐибси къараул ватурли, вирусиван малхѐямли гъаргдарили унза, дуравхъун.

Ши бусулихъалли, паргъатли ахѐенри. Гѐядатлибиубли, дубурла шими тамай паргъатли, чилалра ва селалра тѐама-гъама агарли камли дирар. Илкъяйда сабри ил дугира. Шила хъар шайчирадли, Гъала дубрила удибси Верхъала муза шилизи, тѐп бурхѐубси гъаликѐван, бухѐнабухъунси мерличирад бензинничиб бузуси расла тѐама чедихулри. Хивла галгализирад къандахъунас арани яра пурпилизирад паркетлис уркъли дируси виѐс гѐягѐнилири ил. Къакъурбазир цѐуѐрили ита-иша хъусдирхъути газетабагѐир ва цархѐилти дугути кагъуртагѐир умцѐути умхѐала пурхла тѐамара урга-ургади диулри Сарим-азила лихѐбачи. Илала пикрила дурар кахѐелун чула хъулрала гъала кадихъи, дергунти кѐаламдирути хѐяйвантала цулбала къуржлара. Кахѐебихъи лебалри гумайлизиб чумал жагъилра. Илдази салам бедесра хъумхѐертур илини.

Хъа гъала ваили, ил къапула шайчибси чимкъличи кайиб, камси гъигъбатурли, чуйнарил дѐхѐличирад хъутрира хѐяршдарили, азбарлизи ухѐнавхъун.

– Жѐягѐял шагъарлизи аркъѐс, – иб илини сунези сунени ва, гѐядат бирули, Сабурла хъули айцѐус или ватихъиб, амма чумал ганзухъ кацѐс бекѐхѐейубли левалли, гъала-гъала илала аргъайзиб Сабурла «чевверхи дудеш» бикѐуси сипат гъалабизур, гѐур, тамаша ахѐену, гъалабизурси я Хатирла, я Салиматла сипатуни ахѐенрину, сунела марга Пѐярулла сабри, сабира, сен ну къасапханализи бедира, Сарим, бекѐлахъѐс хѐебатурра бикѐуси...

Илини балулри цацахѐели Дигаят районна больницализир кални, хаслира дебали урехила операцияби лерхѐели, амма ишбархѐи я савли, я даг бархѐехъ Дигаятли илизи селра ибси ахѐенри, я сари къанни ляркъниличила, я бекѐлил хъули хѐякъниличила. Районна поликликала бекѐли каратурхѐейчирад, ва, сари сезаманалра хъули чархѐерухъи хѐеруъни лебтанилра балуси манзилличирад гъанна чумал баз дикилри, ва ил низам илини мурталра буунси ахѐенри, сари ила хирургли каратурхѐейчирад, амма Сарим-азини азбарлизиб Дигаятла хѐунтѐена «къакъажужу» чехѐебаиб. Илкъяйда викѐулри ил, Сабурли шилизи дудешличи хѐеруди бирахъѐс багъандан кили, районна больницализи рашахъѐс «КИА» машина илис асибхѐейчирад ва гъар жумягѐлизив шел бархѐи сунела дигуси Сарим районна халал шилизибси дурхѐнала анхълизи викухѐейчирадли.

Азбарлизиб илини Дигаятла «къакъажужу» чехѐебаиб, анхълизи дуравхъи хѐеръибхѐели, илдада хъулрала улкъайтира ухули ахѐенри. Цѐуѐрила гъигъли-ласли сегъунти-дигара тѐемани дихулри ил урдализи, Иллухѐла шилизибси, бегѐла адатани чеббикѐибси юртван чебиуси, Сарим-азила уркѐилис бегѐла дурхъаси ва, саби багъандан жан гѐяббасилизи хѐедарили дедес вирусѐи, или дурхъаси, Сабурли уркѐила дигира, дубурлан дудешли гѐяхѐдеш барѐс дигуси уршила уркѐила шабагъат дурхъали чебаахъѐс багъандан барибси кѐалгѐяличи анхълизивад хѐеризур ил. Азгъиниуб ил чумал дерхѐличи ласбируси

ганзиличивад аџес. Заира ратурли аррякьи риалри, илини шала балти. Амма ишбархИ дурхъаси алхИят бархИ сабри ва, Дигаят жявлил сунела русиличил, хъулир риэс гИягИнилири. Амма я улкяйти алки ахИенри, я азбарлизиб Дигаятла «КИА» аги.

– Юх, наб ишкяйда арукъес дигули ахИенра, – иб илини, сагали сунела устаханализи чарухъес хъулухъи, амма дагрил, ахИи ишбархИ савлирил адердили хИяриличи черяхИкахъибти духъяна арши-къарла къачИибачи хИеръили, амма гъарилла ранг хИясибдалири, азбарлизи чариуб.

«... ЦадехИ хИекъли шинишли сари, амма цадехИ жявлил деръубли, къуна детаэс хИядурли сари, – пикриухъун ил ва, жявлил сунела устаханализи ухИнахИевхъниличи пашманиубли, илавяхИ, иштяхИ агарли, валкИхИейкИули, я сакИубли, я сакИубдеш се сарилра дагъес хИейгули, гИядатли, унзаличи ваэс цIакъ баахъагу или Аллагълизи улгули, ухИнавхъун, ва гъалав Баинатла дудеш гъала тIашкайзурли чеиб илини...

– Диургу, дила Сарим, ишиди авара, – аргъиб илини АсхИябла тIама. – СецадхИи шайчир дуутира нуша селра хИебиубсиван? Нуша къалли ца ити дакИибти, шахли дигублихъалли аварагагарти къар ахИенра, кIел дарскъа ва дунъя умубарес дигути пергер жинсанала вакилти сарра. КIел цалис ца дигути уркИи цаладяхъес хИедирахИелли, дила къурдаш, секъяйда иш загИипси дунъя арабирутира нушани? ХИятта лерилра нушала къаманала вакилтачи ил умубарести ва чебяхИбарести чеблуми чедаахъибти диалра...

* * *

Дудешличил биубси ихтилатлис гIергъи Хатир хъули чархИевхъун, илини чIумали буриб виалра, сунечи хъалибарг хИерли саби или. Аркъяс или сунени Хатирлира дудешлизи гъай бедиб: «Аркъяс къалли, дудеш, хъули хИявкъи, чина аркъусира ну! ДуравхИелира хъуливра ну...»

Сарим-азини мурталра бали сай дахъал гъай дируси адам хИейъни. Илис лерилра гИямрулизир дугъби гИягИнидиркути гИядатла зугИлуми арзес ва адамтачил гъайикIес дири. Гъачамалра я пикриухъунси ахИенри ил, хаслира гъар бархИила гИядатла хИянчилизи вархили, цархИилти, лергIер мягИничерти масъултачила бекIлил пикрихИейкИули гИямру дуркИухИели, дугъбазиб тамашала мурхъси ва вегIлис гъанарусиличибра цIакъси гъунар лябкъниличила...

Гъаладилзути зугИлумала къадричердешли аргъахъиб илизи, гъайлизиб лебли биъни ил цIакъ. Адам вирхарахъуси гъунар лебнира бали урги илини, амма уршбани алкIахъути, цунухъунхИели гIеркъати дугурбани хъардиути суалтани ил илдачила цараван пикриухъахъун.

Илини аргъиб адам вирхарахъуси цIакъ чузиб агарти гъай бекIлил хИедурили гИяхИил биъни. Ил пикруми галгубачил мешудурцес вехИихъиб. Ца ити дурути гъай илини хъяшти кIарачилси, байхъу – беръубси галгаличил мешудуциб, бекIлил пикри агарти къалли – къадубачил. Гъайгъайра, дахъал гъайла пикри берхъибси, берхИила шалара бухИнахИейуси галгаличи мешубирки илис, амма ил галгара илцад къабулбареси ахИенри. Ил умутли вирхаур ил зумати кIарачилси ва сахаватли делсунти къялубар хИебиалра, сунела кабизличил, иштяхИдухъести духълумачилси сеннира биэс гИягИнили биъниличи.

Дугели кайхъунхИели, гИяхИцадхИи ихтилатикИули калунси АсхИяб гъуниватурли, илини Хатирлизи дурести пикридалириб. Амма илдазиб урши пикриухъахъеси цIакъ хИебургули, лерилра пикрумазивад гIелумизур. Аз-

барлизи чуйнарил дураухъун, ацѣиб сунела урѣилис ахѣрси анхълизира. Ца гѣяхѣдеш гѣянручѣла манзил, цаѣбти дагънани шантази шала алѣниличила балахъухѣли Дигаятра чаррухъун. Азбарлизи машина бухѣнаибмад, ухъна, анхълизирад дуравхъи, илис гъуниваиб. Някъбазир русуси Заирала андаличи някъ кабихъили, зумати нудби ахъдуцили, ил уршила хъуна дяхѣличи хѣризур.

– Кѣл машина къячѣдикили дубурла къячѣикѣличир, дебали вайси агиличиб верхѣл адам больницализи киб, дудеш, – иб илини бамсурси гѣамаличил. – Рурси багъандан раѣибсира гъаннара, хѣчир ралтас или.

– Валлагъ, дудешла, хѣзибад лябкъуси бара, русиличилара пикрима-рикѣуд. Ишичил набра бахъ къулайлину.

– Сен хѣвсулри? Изуси, улукъуси лебу? – Дигаят ганзиличиряхѣ ратрихъиб, амма машинала бухѣнабси телефонна зангъ аргъили, руси ухънази редиб ва къалабали телефон хапбариб.

– Лехѣхъулра... – иб илини, бекѣ машиналабад дурабалтули, итил някъ-ли дяхѣличи чекадакѣибти гъез гѣладяхѣ урисули. – Ца сѣгѣятли рирусну, ца гъатѣи бара изала гѣярхѣбируси... ухънани Заира чедирти хъулрази аррухиб. Регѣратурли, бурушла караркъили, дуравхъунхѣли, Дигаятла машинала шалми илини гѣинизла мякълар, ита-иша дулхъули чедаиб. – Ара-сагъли рааби, – иб илини гѣяшли ва гѣелавяхѣ чариуб. Заира журугриубли, хѣяздухъесли паргъатли, рухъухѣеливан, бара чѣипѣдирули кѣунтѣби, муриси гъанкѣлизи рертурлири.

«... Илкъяйда разили, паргъатли дяхѣ калаб хѣела...» – пикриухъун ил ва, кѣнтѣиси уталичи кайэс ибси къасличил балхуйчивяхѣ ватихъиб.

Берхѣила нур гъачамлис акѣубли хѣедиалра, шалала назикси хѣярза бара алѣулри ва руржуси шангличибад чебхъла чебасибхѣли пухѣбулхъуси хѣурумличи мешуси илала гъигъ, жура-журала къалипуначи биркули хъарзабла мусидирихъличиб ухънала хѣер битѣакѣибси ранганала хѣяз сабри.

Мер-мерличиб сунела дяхѣимѣцѣала лямѣцѣбулхъахъули, Артузен катхѣл, Таркамала диркъличибяхѣ, цѣухъухъири.

... – Сейкѣусил хѣези, урши, нуни балули ахѣенра, сенахѣенну масъала чили-биалра бурили, буйрухъбарили ва маслигѣятбарили ирзуси даражала ахѣенну. Урѣила хѣяланала, мардешла ва хъалибаргла балгундешла масъулти гъамадли ирзути хѣедиъни балулра... Балулра, гъайгъайра, илди гъарил адамли сунеласун ирзнира, сенахѣенну илдачила гъарилла сунела, сай вегѣси пикри лебсину. Сунела хѣяланала цѣала цѣакъ хѣясибли ва илдала мурхъдеш хѣясибли... Дарманагар изала бирар. Юх, ил изала викѣси изала ахѣен, вегѣла паргъатагарси дунъяли алѣлахъуси, хѣясилдешла цѣали алѣлахъуси гъанбаш саби ил. Уцѣариубсилис гъанарусигъуна.

Хѣясилдеш – гѣе, дигайла бегѣла чебаэси, илди лернилис бикъридеш дируси бикъри саби. Илди хѣейалли чи децѣикѣара, чи висара ва чи хѣясилдешла цѣали игув...

Талихѣла лишан саби ил. Ва цазаманализиб гѣязабра саби, хѣу талихѣчевси виъни манзил-манзил хѣези гъанбуршуси, яра бекѣлил иличила хѣези хъумхѣртахъуси...

... Гъаригу, урши, пикриухъен хѣу мурхъли, гъар секѣал умцантацир дитѣикѣули. Се саби хѣед гѣягѣниси? Сен, хѣуни черрикѣибси риалли, сари агарти гѣямру кепеклизи хѣедирули хѣерирули раргибси ил хѣуни гѣязабрукѣулри? Нуни гѣяхѣил балас Асхѣябхъала къам. Кабизалачебти, гъаршла гѣянжила

тЕмра, чяхІ-заблара, дяхІи-пухІлара къадрира хЕдалути ахЕн илди. Илдас илди ца ити тІабигІятла анЦбукълумицун ахЕн, илдани гІяхІил бала илди Аллагъла уркЕцІи лебни адамтази аргъахъес илини гибти магІишатуни диъни.

ХІу вирхулрив Баинат хЕд марли хЕриэс рирниличи? ХІуни балулрив, хЕзиб илгъуна пикри лямцІлис акІнира илис гІязаб биъни?..

ХІу лехІахъи набчи, лехІахъи... Ну иша вакІибси хЕчи лехІахъес ахЕнра, дила дурести лерли сайра. Илбагъандан, дила урши, хІу лехІахъи.

Сунечила адамти сели-дигара бугъабгу саби, чІянкІли набчила гъайбикІалли, или пикририкІару Баинат?

ХІу шайчив ватурли, хЕзиварили чи биалра ил, Хасай бихъибси няс – дигара кайсехЕ, аварали риркъур викІулрив хІу? Рахли илди авара балу-балули, хЕд вайбарес багъандан дарибти хЕдиалли? Илди акІахъеси аги акІахъубрину хІуни, адамван, баришли хЕрхЕйубрину... ХІу лехІахъи, дила дурути лералну. Илини се бариб риалра, хІу гъамварес ва бархбас гъатІира уржахъес саррину дарибти. ХЕла, пикрибарибси, гъанбашуна ва умцІлаба баргибси дунъялизив гъарахъикибсиван гъанарули биъниличи сен вирххЕурри хІу?

Кункти аварала хъунул адамлав гъатІи илала тІабигІят? Илала баркъудлума ва дурути пикруми?

Яра адикъурти жаланазибад тІягІям кайсули, сунела черяхІдеш чебаахъес дигусигъунав гъатІи ил?

Нуни балуливан, илкІун хЕзи сунела нургъбира чедаахъес урузкІуси хъунул адам сари...

Илди биалли, хъунул адамла нургъби, тамашали халаси, хІятта сихІру булан лерси, цІакъ саби. Илдани гІягІнити аги-къяйдализир халаси цІакълв ярагъван пайдаладирути. Амма ил секІалра хЕбариб илини...

... Ягъари, хЕла сабур лебу агарав?..

Ахирра-ахир, дила хЕзи ца суал саби лебси... ХЕд хъалицІа дуэс дигулрив?..

– Юх, юх, – Сарим-ази уталичив жункъурухъун, – илкъяйда хъарбаэс балхЕбиркур. Гъалакиубли, дижгурти ярагъличилра виалра, хямкасахъили вайси жаваб чарбаралли, гъар секІал дулъан. Или биубли гІергъи, сагали ихтилат къелгЕббикахъес лебгЕб къиянни бирар. Илбагъандан...

Ил манзил черсаргъибси Заирани ухънала пикруми къябаиб. Ил иличи къалабаикиб.

* * *

ИкІди пикридарибти дугъбазирад Сарим-азини уршилизи дайхъалара-сера хЕдуриб, сенахЕнну илини аргъиб илди гъай уршиличи асарбарести хЕдиъни. Илис гъанбикиб, хІятта селра бурра хЕбурис или илизи, чІянкІли хІулбази хЕризурли, ца-кЕлцун дев дурис.

«Дуунти хъалицІаличил дила муръаличи секъяйда тІашилзада хІу?»

ГІур къанни илди дугъбазивадра Гелумизур ил.

Савли айзурли, сунела устаханала улкъайла шайчибси гІямзила сурбатурси варгъиличи сенрил хІулби хЕрдиур, касили ил, чуйнарил пяхІбариб, гІур, авкабарили, шалкІубуциб ва хъуливад дуравхъун.

Автобусличибти иличи суалбареси хЕрличил хЕрбикІулри, амма чиллра-деклар селра хъархЕбаиб. Илкъяйда, шалкІубуцили ил вакІиб урши узуси мерличи. Илаб, уршила кабинетла гъалаб илини бергараг азадбатур ва, хъуцІрумачи гугбатурли, кабинетлизи ухІнавхъун.

Илгъуна баркъудиличи хІерли ахІенси Хатир, харчли айзур, гІур дука-
рирхІусил, гьинчІилзусил, яра се-биалра цархІил баркъуди бирусил хІебалуси
ил шипІвяргІиб.

– Ассаламу гІялайкум, урши! – иб ухънани, уршилис някъалра гьахІеба-
турли ва тугъли гІашти утназибад кайэс ута чеббиркІули. – Сен сайри?

– ВагІялайкум салам! ВайтІа ахІенра, ду-у-удеш... Гъм... гъм.. .. гъм...
ХІу вакІили рахли? Илкъяйда, тамашали...

– Тамашали? Гьа, варгьиличилав хІела гъай?.. – илини чуйнарил агарси
хъехІ, мухІлиличи чебуцили хункІ, ила дурабушиб. – иш, дудешла, наб чуй-
нара бурхлира бурушлира биубси дила кумекчи саби. Гъанна ишди дузахъули
ахІен, амма лайбакІес хІейрулра, адаббилзули. Ишини чуйна ванаваррал
ну, чуйна дяхІи-маркализивад ахІерваррал. – Камси замана лехІкахъили, ил
сагали даимиуб. – ГІур хІу сен сайри, сен саби хъалибарг? Урши? Хъунул?..

– ВайтІа ахІен, дудеш.

– АхІену?

– АхІен.

– ХІед набзи селра эс хІейгулрив, яра селра хІебурилихъалли, дила архІяла
мурад аргъили, гъабзали барес гІягІиниси барес къасбириду? Наб дахъал гъай
дурес дигули ахІенра. Илдани цацахІели адам шайчи, хабар агарси урдализи
арику...

Нуни балулра хІу хъули вашхІешни. Амма балулра, хІед хІейгули гІергъи,
чилилра укьяхъес хІейрнира. Эгер хІед ахІерли диалли инсап-хІяя, паргъатси
талихІ ва нясхІебарибси у хъули чарулхъад.

Цараван биалли, секъяйда дила муръаличиб шантазибад алхІям сайсусири
хІуни?

Их, васиятгъуна пикри саби дила. Аргъирив?

– Аргъира, дудеш...

– ХІу хъули...

– Аркъяс къалли, дудеш, хъули хІявкъи, чина аркъусира ну? ДуравхІелира
хъуливра ну... чІянкІли илав набчил хІеризэс дигуси агара...

– Нушани, дила пикрили, цала цали аргъира, урши...

– Ягъари, дудеш, варгъиялра бати ишаб, – иб Хатирли, хапли айзурли,
хъуцІрумачиб варгъи балбируси дудешличи хІерикІули. Яра хъули архехІе,
ваши дарх аркъехІе.

– ХІу укъен, урши, ну... гъм, къунзухъес дигулра шагъарлизив. Варгъичевси
мурдала памятник вокзаллизиб ахІену?

– Саби.

– ИхавяхІ аркъяс. Белики бархІехъла электричкаличив Къаяла станци-
ялизи ваайчи арукъесра асубирар. Гъугу, хІу набчила пикримайкІуд, нуни
дила гІямал бирис, хІуни виадли, нуни ибси бара, – батурли хъуцІрумачиб
варгъира, ил дуравхъун.

МяхІяч Дахадаевлис багъишлабарибси памятникличи гІяхІцадхІи хІе-
рикІули кали, (илис, тамашабиубли сунечи хІербикІути гІяхІцад шагъар-
лантира хІясиббиуб) ил вокзалла юртлизи ухІнавхъун. Бахъал адамти лебли
биалра, илабси умудешли, ванадешли ва низамли ухънала уркІи разибариб.
ШалгІердулхъути поездунала лугІи камлири. ХІябал бархІили гъачам ар-
къулри Бакулизибад Москвализи. Гъар бархІи Москвализи башулри илабад
ва ила итабадди чарбулхъулри. Тифлисла поезд убкасилри. Аги бархІехъла

електричкара. Ил савли Дербентлизи арбашулри, хѳери гѳергѳи биалли, чарбулхѳулри. Лебри Дербентлизибад Санкт-Петербурглизи жумягѳли гѳачам башуси поездра.

Амма адамтала лугѳи камли ахѳенри ва гѳаларичир дахѳал лерри гѳар журала берклуми ва самсаби дирѳути диштѳати будкабира. Бизиси тѳем башулри ахѳли зайдикѳути макѳамтачил бархли безиагарли гѳаргдирули-кѳяпѳидирути ресторанна унзалабад.

Ухѳна, цаибил дерхѳличи увяхѳяхѳес дигули, ганз чедибси цаибил чѳалаличи каѳѳили-кахѳецѳили левли, милиционертани тѳашаиб:

– Чевверхи, дудеш, асубирару хѳела документуни!

– Се документуни?!» – иб илини, ца гѳатѳи ганз удибяхѳи кайѳѳули. – Хѳушаб се дигулрав набзибад?

– Селра, дудеш, амма шагѳарлизиб кѳачагѳуначи кѳаршиси дѳяви бузахѳни-ла хѳекѳлизибси хѳяракатла хѳянчи бузахѳули саби, хѳу виадли, ил варгѳиличил бегѳла ташмишбарестазиладли сайри.

– Ну хѳубзара ва мирхѳичи адам сайра, дила уршиличи вакѳибси, – иб илини ва чумал ганз гѳурра удиряхѳи каѳѳиб.

– Тѳашизурли, кѳалабали някѳби ахѳдуца, яра нуни хѳед кѳяйкѳирис! – иб палтарла ухѳнав дигѳяникили, хѳятта дѳяхѳра ѳѳудара дѳяхѳликалиу дигѳяндарибси милиционерли.

Се бирусил хѳебалули ухѳна ганзила дайлав тѳашизур.

ѳа милиционерли, автоматла хѳяра хѳурсбарили, варгѳи хѳуѳѳрумачибад убяхѳубушиб, цархѳилли, автомат сунела кѳакѳла гѳела лайбаѳили, ухѳна умѳѳур.

«Бегѳмиван хахамварра, – пикриухѳун ухѳна, бекѳличивад кѳяшмачи бикайчи».

Саби умѳѳуси селра хѳебаргибхѳели, кѳукѳялизивад халалли илизи иб:

– Чевверхи, дудеш, иш нушала хѳянчи саби, амма хѳура тамашали вегѳиублири. Варгѳилиуб кѳалли сегѳуна-дигара баргберд дигѳянбарес вируси сай. Нушани чѳянкѳли нушала хѳянчила тѳалабуни сари дурадуркѳути, ва ил чеблалли нушаб бихуси разидешра агара... – Илкѳяйдара или, хѳябал милиционер вокзалла заллизибяхѳи арбѳякѳун.

Сарим-ази, илди арбѳякѳунмад, сунела варгѳиличи хѳеризур. Ил, ганзила харглара ахѳси лаѳлара урга каѳикилри, бабза мегѳла мурѳличи чебалги. Ухѳнани багѳур ил сунени дурасес хѳейрни, илбагѳандан сунечи хѳербикѳутачи нургѳба диѳѳибти хѳулбазивад хѳеризурли, вокзалла майдайчи, Мяхѳячлис барибси памятникличивяхѳи, дѳяддикѳути машинтачи пикри бѳяхѳичихѳейули, ватихѳиб.

– Ишав даршули хѳерис вирнира игитдеш дургар, – сунези сунени иб илини ва, Асхѳяб хѳерируси адрес белкѳунси кагѳар дурасили, тѳякси тѳаша-ахѳес някѳ ахѳбуѳиб.

* * *

Хатир, дудешла баркѳудилис гѳергѳи се бирусил хѳебалули, я селра белѳес хѳейрули, белкѳес кѳалли бекѳлил гѳунар агарли, гѳиниикили утала кѳакѳ-дирхѳличи, шипѳвяргѳиб. Илини чѳйнарил гѳагѳбушилри, чѳйнарил устѳул-личи хѳатра бѳяхѳилри, амма я дурахѳелхѳули, я селра бирхѳебирули, кайилри.

«... Вархѳли сай дудеш, дила пикрили, – гѳяшли иб илини сунези сунени. – Илини гѳачамалра сунела чархла жагадешуни набзи, сари исбагѳи риѳни

аргъахъес дигули къас-къасли пагъмуличила ва мурхъси гЯкълуличила бу-
рили гъанхЕбиркур наб. Маршруткаличир аркъухЕли чина, бахъал адамти
чукурбикиси мерличибра балли хЕиб илини, ит адам севан хЕрикИил набчи.
Сарира нурацунхЕлира хЕиб илини набзи сари Аллагъли игъбарагар поэтлис,
ил гЕвуцахъес багъандан, къадаррарниличила.

Селрайчиб тамашала, ил мурталра дурахЕрухъун сунела чарх-бекІла
ас-сипатла дунъялизирад. Сунела кегЕрдеш ва цаакъ уркъухІядяхъибгу илини
гъачамалра, хІятта хІязлисалра...

Илди секІал чили дариба гъатИ? Дила Баинатли хЕдарили диалли, сен ил
суал хъарбиусира набзи нуни?..

... Гъм, гъайгъайра, илгъуна лерхЕли, сунела вегЕбш, ва сели риркъули
риалра, се рикІули риалра, илала баркъудлуми наб гІяхІдилзухЕли... Агъ,
Аллагъ, чевверхахъагу дудеш, амма се бирусил балули ахЕенра. Илини ясиру-
цилра ну... Се барилихъалли къаршидеш дарес ахъри агара. ХІяйранварилра...
хІяйран... – Сен биалра ну ишдуги хъули аркъяс, – иб илини, уталичивад
алзули, – сенахЕенну дудешлис къанаиэс асухЕбирар. Хъули аркъяс...


Се рикІудал вакІибхЕли, Баинат...»

Ил кабинетлизивадли дуравхъун.

Селенга хЕеркІла дуба-карчІа илала хІулбала гъала лагдизур. Тамашали
малхІямти ва сакІубти Намсрайла бегІтала сипатунира чедиулри илини, амма
сенрил илдала ургав илини сунела дудешра чейулри.

Селрайчиб тамашала, ил шиниша майда къарбутличичи кайилри, иличи
биалли, ца – ниъла бадираличил, итил – берубси нусиличил Салиматра Ду-
нгармара гъамбирулри.

Авадан ургуба берхъилри, хъула хъирхъни дучІулри, амма майда мер-мер-
личирад заки шахли дигубти къарла мявни хЕрдикІулри.



Поэзия

РАШИД РАШИДОВЛИС – 90 ДУС

Дагъиста халкъла поэт Рашид Мажидович Рашидов акГубси сай 1928 ибил дуслизив Сергокъалала районна Ванашимахъилизив.

Ванашимахъила школа, Сергокъалала педучилище, Дагпединститутла (гъаннала Дагъиста пачалихъла университет) исторический факультет, Москваллизир М. Горькийла уличилси Литературный институтлизирти ЧеряхИти литературный курсани тамандариб.

Сергокъалала районна Тельмана уличилси колхозлизив, СССР-ла Гилмуртала Академияла Дагъиста филиалла НИЯЛ-лизив, «Гьалмагъдеи» альманахла бекI редакторли, Дагъиста радиоллизив даргала передачабала бекI редакторли узиб. 1973 ибил дусличивад Дагъиста писательтала Союза консультант сайри.

Поэтла творчестволизибцун ахIенну, даргала поэзиялизибра мягIничебси анцIбукъли бетаур поэтла «Адамлис деза» бикIуси жуз. Илизиб поэтла ва дубурланна тIабигIят гьаргбарнила шайчирти умцIлабала сархибдешунани мер баргиб. «Назмурти» (1953 д.), «Дила халкълизиб бурули бирар» жузази кадерхахъурти Р. Рашидовли назмуртазир ва поэмабазир Совет хIукуматла дусмазиб рухIлашал давлачебти дубурлан зяхIматчибала образуну акIахъуб.

Даргала поэзия жанрабалашал давлачеббиахънилизи Р. Рашидовлигъуна пай цархIил цалра поэтли кахIебихъиб.

ТIабигIят сипатбируси поэзия даргала литературализиб минабиахъубси ил сай. Даргалацун ахIенну, арагIебли Дагъистара дурхIнала поэзияла гъаннала даража илала творческий бузериличил бархбасунси саби. Саберхурти ва азгъинти, духути ва чекабизурти никIа дубурлантала образуну акIахъес виуб Р. Рашидовли лебил Союза бучIантани къабулдарибти дурхIнас делкIунти назмуртазир. Ил дебали сабухъчевли узуси поэт сайри.

Р. Рашидовли Бернсла, Шекспирла, Лермонтовла, Пушкинна, Маяковскийла, Твардовскийла, С. Стальскийла, Р. ХIямзатовла, А. Гъапуровла ва цархIилти поэтунала произведениеби дарган мезличи шурдатур.

Дагъиста литература гъалабяхI башахънилизирти къуллукъуни багъандан Р. Рашидов Бузераила ХIунтIена Байрахъла орденничил наградитьварибсири, илис Дагъиста халкъла поэтла у бедибсири. Ил С. Стальскийла уличилси ва Батирайла уличилси премиябала лауреат сайри.

ДурхIнас хасбарибси поэзия гъалабяхI башахънилизи халаси пай кабихъни багъандан Р. Рашидовлис Андерсенна уличилси халкъани-ургабси премияра бедибсири. Ил премияличи лайикъикибси Дагъиста цайли-цаси поэт сай Р. Рашидов.

Иидус ил акIубхIейчирад 90 дус дикиб.



Къасум-Бег МИГЪРАБОВ,
Дагъиста халкъла писатель

БЕРЦУДИ

*Дагъиста халкъла поэт
Р. Рашидовлис*

Хѐриулла. Амма ца
Хѐрхѐдикѐр биркѐнтазир.
Итхѐливан башули
Ахѐн я гъавла Тази.
Гужли, инжитиубли,
Дурхѐядеш чардирулла.
Тамашала бурхѐнази
Илдани арикулла.
Хѐра, ну, ит гѐлухъа
Умхѐули хѐркѐла кѐавлав.
Някъличирти кигъмачил
Геркавхъи ургубалав.
Дудешла хѐрлизивад
Руржули кайзурлира.
Узикъарличил гъачам
Гидгари бигѐунсира.
Хѐра, гѐдат барили,
Нешлис гъунивиулла...
Тарс бицѐибти вана ниъ
Иштѐхѐли хупѐдирулла.
Хъамхъала супел нешли
Сари хъатли ушкули.
«Камъайчилла яхѐбара!» –
Сари ил дукаркѐули.
Дерхъиб къарла сагначив
Секъяйда къунзикѐирал.

Илдала къадри севан
Гъанна нуни балулрал.
Лутѐи къяшми дабагъван
Чѐумали дири хѐбра.
Цай къяшмачил хѐхъибси
Кахѐелунну дякъ цалра.
Шалбар-хѐва дурдибти
Дигѐяндираси нуни.
Амма нешли даргили
Иби илди савлилис.
Мискиндеш дири, амма
Дунъя бири эркинси –
Тухъси, багъси гъаннала –
Саби поэт каршуси.
Дилшули, кархутиван
Сари ца биркѐнтазир.
Дила берцуди саби
Дурхѐядешла дусмазиб.
Уркѐили хѐберцѐибси
Малукѐад викѐади хѐу.
Рашид, ит хѐела гѐякълу
Дила дагърили бихѐу.
Хѐунира, Рашид, гѐямру
Деркѐири харжиубли.
Илбагъандан чейулри
Дарганта хѐу чевяхѐли.

*Дагъиста халкъла поэт
Рашид РАШИДОВ*

ДАХЪАЛГЪУНТИ

Нушара дахъалгъунти
Пакъирти ва гъарибти,
Берхѐилиуб мер баргес
Бекѐлил бекѐхѐедиубти.

Нушара дахъалгъунти,
Зубрани хъумартурти,
Къацѐра шинра диалли,
Даим диргѐядургути.

Нушара дахьалгъунти,
Унци кьяйда дабгибти,
Вайгъубзнала някъбази
Гьардуцуни дедибти.

УсхIеи абзур дуги,
Ургъули пикрумачил,
Савли хIулби ибхьулра
Назмула кIел тугъличил.

ЗярхIси гъаваличи ну
Гьаргала гъавикIулра.
Къарра, забла кIунтIрира,
БерхIира чедиулра.

БерхIилиур заб сари, –
Чебаибсив сурат ил!

Хумарли саби урхъу,
Закра хумарли саби.
Даим закра урхъура
Цалис ца марли сари.

Зак шалали биубцад
Урхъура шалахъбикIар.

Гъари, берхIи лямцIбухъен,
Чакни чедиандара,
Дила уркIила анцIкъи
Чебарбука ца бара.

Чардара итди бурхIни,
Бац-БерхIи ну-алавти,
Ну дигайла тIимкълизи
Викес бара гьаларти.

Чардара итди бузри,
Дила хIуни дигIунти,
ГIязабтала дурабад
Чули селра хIехибти.

Нушара дахьалгъунти,
Селра сархес хIейубти,
Гьеркаддикни агарли,
Дунъя гIелаб балтути.

* * *

Агъ, дунъя цацахIели
Сен ункълил, сен жагалил!

Саркъили ва гъамадли
Назму саби алкIули,
Зубрази ва муснази
ГIяхIличи жибикIули.

Шакли саб дила уркIи
Тамашала зимличил,
Сен бусурмантас Къуръан
БелкIунсил назмуличил.

* * *

Гъаман урхъура закра
Цаличи ца хIердикIар.

Ит мусисирт ургали
Илдала цадалгнилис
Дигай ахIен викIалли,
ГIур се викIуси илис?!

* * *

Левалли чедиули
Закир хIура чIакнира,
Гъарахъдиркур шишимти,
Хъумуртулра убкIнира.

* * *

Чарбара наб ит манзил,
Пикри-пикриухъахъес,
ХIу наб ламарттриайчи
Дила аргъ гъанбикахъа.

Чардара дила гIямру,
Виублирану хараб.
ХIу чераибси бархIи
ХIебакIили къалли наб!

АГЪ, ИМТИХІЯН, ИМТИХІЯН

Жагъти рурсбала кьукья
Аркьули саби анхъкад,
БерхИли азир хІули
ХІердирули сар черкад.

ШалкІур жуз-къалам сари,
Вавни сари някъбазир.
ГІяшти гъай, гІур дукелци
Дикьули сар анхълизир.

Агъ, имтихІян, имтихІян,
Гъамли чесадиути,
Сари пикридарибси
Хъунцибар бецили вергарті.

Дециагарли арцанти
ДучІули сари чедкад,
Жагъти рурсбала кьукья
Аркьули саби анхъкад.

ХІулбазир дигай сари,
Анцикъи сари рурсбала.
Чула уркибачибси хІял
Ца Аллагълицун бала.

Агъ, имтихІян, имтихІян,
Гъамли чесадиути,
Сари пикридарибси
Хъунцибар бецили вергарті!

* * *

Лагъдеш дарра даари
Нуни тІутИла хъилис,
Марли кали дудешла
Гъалаб барибси хъялис.

Ва хІера чягъирлизиб
БерхИи ухули саби,
СейкІадра, бузахъалли,
Дунья духули саби.

* * *

Янила дугІбазивра
Дуцирумла цІализивра
ДебшлаХейубли гІергъи,
ГІямру, гІямру дирутив?!

Къадардиубли гІергъи,
ГІямру гІямру дирутив?!

ЛамХейкІути дигайра
ЦІубхъХейкІути карциайра

Чарлибалтуси турван
ЦІали тІутІуикІули,
ВегІли хІеделши гІергъи,
ГІямру-гІямру, дирутив?!

* * *

ГІяхІси аргъливан урки
ШадХебиру селилра.
ГІяхІси аргъли шишимти
ШалгІериу лерилра.

ГІяхІсицун кабилзаб аргъ
ХІу лерихИи мурталра,
Набчи гъуни илини
ГІямрулис хъумарталра.

* * *

Рургъен, гъалмагъ, хІу рургъен,
БекІлил аХІермайраба,
ДяхИлизиб къалтинван,
ХІуни умуараба.

ХІегъ дархси цалра дамгъа
Камалаб уркилизиб.
Рургъен, мурт къаниасра
БарХехъла сяГІятлизиб.

Ахъти шурмала бехлаб
Къаргъанакъ ташли саби.
Лерилра замунтазиб
Къятити шинишли саби.

* * *

Бахъ жагабилзангу ил,
Хъули чарулхъхели,
Аркъуси берхила нур
Сунези дархибхели.

Сен цацахели адам
Гъирикъуси вайличи,
Чи хурматлаварибсив,
Ахъуцибсив вайли чи?!

* * *

Гяхидеш бирен адамлис,
Хедра ил чарбулхъанну,
Гъунчиб хял битунхели,
Урчилизи булхъанну.

Агъ чум хяйчи биркулил
Ца бархила бухнаб зак,
Гъачам берхи рурхули,
Кинайсра бикъули гъаг!

* * *

Геларла гямруличив
Каласу гъатги гъунчив?
Ламкъализив хулаван,
Ургъули ца мерличив?!

Илгъуна хяйчиб саби
Гъариб дила уркира,
Чедашули хабурти
Разитира вайтира.

Ну вахъхи гъавуцибси
Ху, къисматла зубари,
Михъирлизиб гъигъ лебай
Бишири хейкъус, вари.

Разитани, сепайда,
Хъумкартули саб гъуни,
Унабурхи лукули сар
Вайтицун хабуртани.

Набчи ласбулхъла гелар
Херли сари назмурти,
Иш шалал дунъяличир
Чилилра хедакъибти.

ЛАГЪА – ДАРШУСИ АРЦАН

Лагъа – даршуси арцан,
Ухули цуба арцван,
Кабиили хъинжличи,
Хъяб шурбалта гъар шайчи.

Децира цумра нушани
Килалра дархкайахе.

Чинадри ху лябкъуси,
Чинари ху аркъуси?
Абацину гъаргала,
Бара гядат даргала.

Дила дугъбачи лагъа
Бирхули ахен илцад,
Дянгбухъес гъуцбикъули,
Хера сахълил ил сецад...

Хед буркъунзала баргес
Келра дарх халтдулхъехе,

Дунъяличи дяхили
Багълали урзули саб –
Табигятли сунела
Масъулти ирзули сар.

**ДУЗУТИЦУН НЯКЪБАНИ
ДУНЪЯ САГАЛИ ЛУША**

Дахъ къиянти замунти
Къадардиуб нушачи.
«Хебелхъуси» ит Союз
БутѠахъира бутѠначи.

Даргла узбири нуша
Бара гьалар лерилра,
ДиаѠелли детаэс
Гъанна гаригантилра.

ДучѠаб гьаргалар чатѠни,
Хебла дурхѠни сайтѠунти.

ДургѠяб дайларад турми,
Хъям-къаѠѠлис адитѠунти.

Виралри рахли гъайли
Мискиндеш агардарес,
Замана баили саб
Хъулри мургъили делкѠес.

Гъар балагъ гъарахъ бубшар,
ЦадалгахѠелли нуша.
Дузутицун някъбани
Дунъя сагали луша.

УРКѠИ

Урдахъиб заманали
Къасани дила цаѠнар,
МажахѠят наб анхълизиб
Вавалибяхъес гѠур нар.

Жагъти дусмала къимат
Балуси саби къанни,
Гъарбизлумала къани
КъяѠкабирни гъанаги.

Шин лагдяхѠ датдихъилри
Ухънадеш гъамдиайчи.
Шуркабулхъи итсегѠят
Гъар пикри назмуличи.

Гъагултани гѠекѠалра,
БерхѠи наб шалабикѠи,
ДяхѠила удирадра
Вавни букѠра гъакѠдикѠи.

Дусми аркъян, урчи-тяй
Шурбулхъан ябуличи,

Агруми ва излуми
Ну-алав ласли сари,
Вацаличи житаван
Укадиили сари.

Амма нуни уркѠилаб
Лебил дунъя бихулра,
Мурт шала тѠякъдухъалра,
ГѠяхѠдешличи вирхулра.

* * *

ХѠилхѠи хѠихѠибикѠар ил,
КахѠейид ярашличи.

Ил куцличи дикилра
Нура дила назмура:
ТѠамара беткахъили,
Дамсурли дуклумира.

Амма пикруми лерал
Палдалиур чѠумчѠиван,
ХалтѠухъасли, хѠядурли
ЛямѠѠдухъес зубартиван.

УРХЪУ КІАЙБЯХІИЛИ САБ

Урхъу кІайбяхІили саб
ДяхІимџаван гъалагли,
БерхІи гъудурси закра
Саб мер-мерличиб гъагли.

Бара чебиуси тугъ
Баркасли гІелаб батур.
Илини иш гъакІлисра
Иргъу бялихъунас тур.

Закра дила Каспийра
Илцад цадалги сари,
Вирадли муси-сиртла
Тугъ баянбара гъари.

Дила жагъти дусмазиб
Иш дунъя руркъухІели,
Урхъу гІяхІбилзусири,
КІухличил бургъухІели.

Гъанна аниџдукъи сари
Наб дунъяличир жалти,
Мискиндеш ва излуми
АхІи селра хІехибти.

Умџули саби гъанна
УркІи паргъатдешлигиб.
Каспий, халал баркалла
Ца хІу лебнилис шулгиб.

ТІАБИГІЯТЛИС БАЛГА

Иш хІеркІра хІед дяхІџира,
УркІи, паргъатдеш барга,
Дунъяла тІабигІятлис
Лебну дила ца балга.

Ил балга гъайличибли
Бурес хІейрар сепайда,
Чеккад аркъуси арцан
Буцес хІейрули къяйда,

Ил балга зимбикІули
АлкІули саб хІилизиб.
Дурабуршуси саби
Нуни ил гъигъаназиб...

Ну-алав ласбикІули,
БучІули саби мирхъи,
Сунела мезли набчил
УркІигъаргли гъайбухъи.

Вавначила сари гъай,
Варъаличила сари –

«ХІу вахъ вамсурлирину,
Нуалра бузус гъари».

ХІера, шурла хъинжличи
ЦипІа кабирули саб.
ХІеркІла кІухли илала
ТІама къяриули саб.

Ахъ-гІяшбикІули саби
Булгуси къяйда илра...
Агъ, тамашала дунъя,
Ну-алавси лебилра!

ЧахъбикІен, берхІи, нурли
Чякнас, вавнас, џедешлис,
УбкІус суждабирули
Ну хІела миџирдешлис...

Иш хІеркІра хІед, берхІира,
УркІи, паргъатдеш барга,
ХІела тимхъ тІашбизайчи
КахІебурхарну балга.

ХІЕД ГЪУНДУРИ ГІЯХІДИРАБ

ХІед гъундури гІяхІдираб,
Дила багъадур унра!
Ца гъунар сахІерхили
ХІу чархІелхъни балулра.

Нушала уркІбалара
Арбуха ванадеш барх,
Кумекли биабну хІед,
БамакъурхІели гъунчиб аргъ.

ХІези дурес кІел дев лер,
Гъарахъ гъунивалтули.
КъяйцІмайкІуд гурдаливан
Майдунти урдалтули.

Камсилра уркІила цІа
Баги нушаб хІунира. –
Мукърачира бихехІе,
БихехІе хІябрачира.

Бирен хІялалси хІянчи,
ХІулбала гъалаб лебси.
ГІямултази маркуд хІу,
Буцес гъуни гъамадси.

Гъундури дархилину,
Вирен мурталра сахъли.
Вааби, унра урши,
ХІед дигуцада ахъли.

ДИИРАЯ, ГЪАР ДЕВ, САХЪЛИ!

Гъари, дугъби, кайзирая
Ца уржибси низамличи,
ГІекІес гъуни бархъагрилис
БелкІанала кІялГІялизи.

Барскъа дунъя, хІуни гъаман
Вирхъяслира ну шурмази,
Наб дигуси хІебурили
ХІевъус дила адамтази.

Гъаргли диаб илар къапу
Гъундурачиб бяргІибтасра,
Бархъдеш баргес хІебирули,
Дявилизиб бамсуртасра.

Амма нуни дила кІалГІя
Дебабирис баруличил.
Къапу дургу гІекакІили,
Чи лявкъялра даруличил.

Дила ахъси кІалГІялизи
БакІаб гушти, бакІаб гъаргти.
Иш бехъубси Союзлизиб
Камли ахІен гъанна илди.

Гъабатурси даршуси някъ
КІелра някъли бурцис нуни.
КІялГІялизи хІялалдешлис
Гъаргли саби даим гъуни.

БегІла гІяхІти назмуртазир
Чус мерани дацІли дургар.
Дугъби бегІла чердикІибти
ДургІис нуни саби-ургар.

БелкІанала дила кІялГІя,
ХІела луцри диаб ахъли.
Иш бархибси дунъяличир
ДихІен илди даим сахъли!



Проза



Хадижат
ХИЯБИБОВА

ЧАРБУХЪНИ

(Хъарахъуд)

Сунела пикрумазиб белшунси дунъяличив ГЯбдуллатИип разилири. УркИира пахрума бирцахъулри. Ил арцесван кункирулри. Туснакъличила, гЯмруличила ахИенри илала пикруми.

– Баркалла хИед, дила Марият, – или, бацIси хъулив разили ита-иша ва шулри. Мариятлизи илала дурути дахъалри.

– Нуша цали ца аргъила диштIати кIилизирад халаси ца детаурра: уркIби, пикруми, гЯмруличи хIер, хъулани цадиуб. Нуша разилири, талихIчерлири, дигайла дуклума заклизид ахъдуцилри. Гъанна чи сайрав ну? ГЯгИнилив наб Марият агарти гЯмру? ГЯгИнилив наб дунъя? Иргъулрав нуни адамтала гъайла? Чебиулрав нуни алавла? Туснакълизив виас, нешла ванаси хъулив виас, дудешличил чудна укули виас, гушли виас, наб гъанна декIардеш агара. Марият, хIу агарти гЯмру гЯгИнили ахИен наб. Амма хIела гЯмру разили, къугъали, талихIчерли дигулра. Ну агархIелира хIу хIерриули дигулра.

Серил пикрибирусиван тIашилзи, гIурра вехIирхъи:

– Марият, нуни хИед дила уркIи батурра, хIу савли аризурхIели, дубралтахъес. Марият, нуни хИед дила хIулби датурра, шинна мерлар шарбли ружахъес. МяштIмадирид. Марият, хИед нуни дила дигайла ца датурра – хIу ванарирахъес. Дигайлис мардеш мяхIкамдарира – хIу талихIчерли риахъес, хIечил уркIи цабарра – разили хIеррирахъес. Наб дигуси тяхIярли руэн Марият, хИед нуни дила жан булан лугас – хIела гЯмру шалали, чарх-бекI арали диахъес. Лерилра хИед хIялалдиаб. Марият, дила рухI хIези хъу-радиахъубра – гЯмрулис хIу умули, жагали калахъес. Улгулра наб къадин хIерри. УркIила шакдеш леб, гIур нуша цали ца чехIедиъниличи. Илгъуна къадармабиаб. Сен нушала дигайла дунъялизи талихIлис хъурабиэс хIейгу-лира? ХIебалтулира?

ГЯбдуллатИипли халаси гъигъ абатур ва лехIкахъиб. Илкъяйда хIерирулри гъар бархIи.

ВатIа гъар мерличи радиолизибад ахъли багъахъур дургъби дехIдихъни-личила, нушала ВатIайчи Гитлер чевхъниличила.

ГябдуллатИпли бегІтачи кагъар белкІун дургъбази аркъулра, иш адрес-личил наб бабза фуфайкара чакмара дархъая или. ИлхІели лебилра хъалибарг илини белкІунси мерличи бякъун, ГябдуллатИп чеэс, ил гъунивватес. ГябдуллатИп дебали чІукъаиублири, цІубкавхъири. Иличи хъалибарг яргали хъябруцбикІесбяхІиб. Лебилра бисулри. Патух ца гІяхІил тамашала хІяйчир калун: я гъайэс хІериули, я рирхес хІериули:

– Дила ахІерси. Дила гІяззиси, хІу чеэс биркур или гъанхІебикиб. Мар-лира, хІу сайрив? – Патухли урши вахъхІи ватхІейули калун. Илала чарх хахамбариб.

– Гушли калунрив? ВярГили калунрив? УршилизирадекІаррикес рирули ахІенри. Ахирра уршила гъала, къялкъяли бердибси мураван, карикиб. Атани ил къалабали ахъруциб.

– Неш, – иб ГябдуллатИпли бисуси тІамаличил, – Ишдала гъалар чІумали каризес къасбара. ХІу нушала духуси, гъариллис гІякълуми дуруси, гъанна усалли чемариахъид. Неш гужли къяшмачи каризур. Таврализи някъ кабатур, уршилис сунени барибси чуду гъабатур.

– Неш, ну гушли ахІенра.

Нешла мякълав тІашси ГябдуллатИпличи дудешра гъамиуб.

– ГябдуллатИп, – иб ахирра Къайыпли, – кІантІидеш чинаралра чизилра чемадилахъид. Чедибдешличил чарухъаби, дила ахІерси.

Сецад чІумали кайзурли хъалли, Къайыпра кІантІивиуб.

– Вари, ГябдуллатИп, мяхІкамли уэн. Кагъурти лукІен. Чарухъес къай-гъибара, – Атара ГябдуллатИпличи хъябруцикиб.

– Саламти дурая гъариллизи. ХІушани дурути дарес къайгъибирис или, сай къантІивийни хІергъахъес, Айбиказивси урши сунела дукла сасиб.

Байвариб. Сунела михъирличи гъяжвариб.

– Мариятлизи баахъая ну сунес марли кавлусира, ну сунела уличил дургъбази кархусира или. Саламтира даахъая. Илди бархІи ахъайчи барх батур. ЦархІилтира лебри гІяйибличил туснакъбарибтира, гІяйибагартира. ГІергъила бархІи гъайбариб. Илди аркути штрафной батальоннизи сабри.

БегІтачи ГябдуллатИпли дергъелизи арукъес гъалаб ца гъатІи кагъар белкІун.

Набчиб сегъуналра къиян агара. Ну гІяхІилра, аралира. Нуша диъна даилра. Ярагъра някълизир лер. Душманти къирбарили, чардулхъехІе. ХІерли дуэная».

Кагъарлизиб, гъайгъай, Мариятла ура гъанбушиб. Лебгасалра саламти дурая. Мариятлисра дархъая дила саламти. Бурая дила уркІилизиб цархІил рурсилис мер хІебирар или. Ну вебкІайчи сари ригули кавлусира или, багъахъ-ирая. Саламти дурая или унрубала, шантала, барх бузутала уми гъандушиб.

ГІергъила бархІи сгІят вецІал дикили-хІедикили лерай, Патух рисикарииб. Илала уркІи хІярхІя чегибсиван декІбиуб. Лебилра бухІнала дяхъиаурсиван сабри. Я карили, я тІашли руэс хІериули, тамашала хІяйчи рикиб.

– Гъуя, се гІямал баришара?! – нешла тІама ахъбиуб. – Гъуя, се такъсир лебли ишцад къияндешуни къадардиубтив нушаб? Гъуя, хІела аба ребкІ, дила ГябдуллатИп! ХІела гІяйиб агар чархли чекайсути! ХІела насиб агар дигайла гІязабти!

Ил бекІличира къяшмачира рирхъескарииб. Айбикани руциб.

– МицІирси дурхІялис биса мабирид, неш, – иб, я буреси хІебалули, я бареси хІебалули, тІашкаризурси Айбикани.

– Илала мицїр деш Марият ратурли вакїла лебси ахїенри. Марият шери рякьун или бакьибхїелилра, цархїил рурси кариэс пикрихїебариб. Ишцад кьакьахїерикласи, аба ребкї, ца дурхїяалра виалри.

Гїядулла тїипла ахьси, кьугьаси кьаркьала, устнани дирсибтиван кьугьати дяхї-някь. Илала духути шикь, духути гьай. Сунечил барх бузути имцїа-тигьунти рурсби иличи гїяшикьбиублири. Гьар рурси сари хабаррарахьес кьайгьилизи рирки. Чина хабара? Гїядулла тїипли лебилра чебиулри, амма чилра хабарриули ахїенри, ва илини лебилра рурсби рузбази халбиулри. Бархїехьла замана дяхьили дам-дяд делхьани, далуйти дехїдирхьутири, гьарил рурси кьайгьилизири Гїядулла тїипличил делхь дарес. Ил мявала дайлавад увицїули ахїенри. Делхьлизивра ил декїарухьири. Тїяхїла делхь дирухїели, илалаван кункли кьашми дашуси цалра жагьил хїейри.

Гьанна нешла пикрумазив ил виштїара каиб, халара ваиб. Цацахїели дяхї шаладиубли пишрирхьи, цацахїели рисескарири. Муэрлизив душма хїярхїя чегили урши каркули чейули, вьврикїули тїатїрулхьанриуб. Лерилра дардани учидикили, иличи чьабхьин бариб. Адамличичи анцїкьира дард-шишимтира чедиркули сари. Илди дахьдикїуцад, адам чїумаикїули уили сай. Гьанна чебикибсили Патух чїумариру или я сунес я цархїилтас гьанбикес хїебири. Ил гьанна зумали рисулри. Хїеб барибси дяхїиван кїантїилири. Цїуэрири руржахьуси цїуба пїялпїялагла кїаван, руржулри. Дягїли, ахьтерекла кьамаван, гьакїаррикїахьулри.

Жягїял душмантаци дяхї-дяхїли дергьилизи кабизахьес сабри буйрухь. Дугели бусутачиб хїебусути бахьалри. Шала шикьдухьунмад, тревогали бусутира хїебусутира ахьбуциб. Гїядулла тїип дергьилизи риганайла уличил керхур. Ил гьаларти кьаяназиври. Душманта цїа чекьур. Гьалабти кабикиб. Кайкиб Гїядулла тїипра. Ахьиуб. Дуцїухьун. Гїур чегибси хїярхїяли кайкахьиб. Ахьхїейуб. Илав даимлис калун. Илкьяйда кадерхур дардла дигай. Илдачил дарх дуньяла шишимтира тамандиуб. Белики илала уркїи михьирлабад тїяхїбухьи бургар. Тїашбизес бирару, гьатїи, илгьуна уркїи? Бусягїятра ил дигайли ламбикїули леб биэс; я ванзаличи кабаэс хїебирули, я закличичи абаэс хїебирули. Дугїли... Цунни... Кьяяцїли... Дирутив хабарлизир ахїи илдигьунти дигай? Дирарара азирлизир цалалра? Белики, Гїядулла тїипла уркїили балули бурги Марият шери хїерукьни. Ил сунечи хїерли риьни. Ил сунези жирикїули риьни. Шери рякьун бикїухїелира, ил вирххїеур. «Наб цархїил хьунул гїягїнили ахїен. Сен лебилра набзи хьумарти Марият бикїути? Сен лебтасалра нуни Марият хьумартурли дигуси? Риаб ил урхїла хьунул, сен нуни хьумуртуси ил?» Илди суалтас жавабти гїягїнили ахїенри.

Гїядулла тїип кавшибси бархїи, сьгїят, минут нешли багьур. Илала уркїилизи чегибси хїярхїяли нешла уркїилизира дяхьи бариб.

– Кавшиб дила Гїядулла тїип, – иб, ва багьлалачи чїябарличичи карииб. – Бишун дила хїулбалашала.

– Се сари хїуни дурути, неш? – рехїрихьиб Айбика. – Сен илкьяйда рикїулри? Хїуни ил мицїирли хїяблаирхьулри!

– Тїяп иш сьгїятлизив, иш минутлизив таманкайуб, аба ребкї! – нешли илди гьай ишцадра багьлалачи, паргьатли дуриб... – Аба ребкї! – иб чїумали, уркїилизи абалкунси ламила буцїардешли, я кариэс я тїашризес мер хїебургули.

– Хїуни сели балулри, неш? Илкьяйда марикїудгу гьаман, – Айбика хїялагарриубси Патухличичи гїяшриуб.

– Нуни балула. Ратаба ну. Кавшиб дила ГЯбдуллатИп! Кавшиб, аба ребк!

**Бишун хІулбала шала –
Шалай черас хьулли.
Кавшиб уркИла мурад –
Мурадличи хІеили.**

**Дунъяла дарданазиб
Дардла къала гъятІбиуб.
Дард бухІна уркИлизи
Душманна хІярхІя атІун.**

Патух ванзаличи чІикъритІун, карииб. Ил ахъли рисулри.

– Гъуя, се гІямал баришара? – Айбика ил ахъруцес къайгъилизи рикиб.

Патух биалли, ратрухъалри, бекІлизира къяшмачира рирхъулри:

– Гъуя, дила урши, аба ребк!

ИлхІели я Ата я Къайып хъулиб аги. Айбика, бареси хІебалули, дурарухъи, унрубазы жирикІесрииб.

Унра хъунул дуцІли ракІиб. Патухла хІялагарриубли, аргъала детахъилри. Шинни чахъбикІули, аргъайчи рикахъиб.

– Гъуя, дила пакъир урши кавшиб, се гІямал баришара? – кІаркІардикІути хІулби ахъдуциб Патухли ракІибси Сонячи.

– Кагъар-мага бакІилив? Се бетаурли? – хъаррикІулри унра.

– Селра хабар агара, я кагъар агара. Сари сари илкъайда рикІуси. Илини ил чуйнара хІяриихъиб. – Гъаннара я бакъибси агара, я балуси агара, дила урши кавшиб или рисули сари.

– Чизибад бикъуси нуни?! Дила уркІили буриб биалли, – илини михъирлизи хункІ бяхъиб. – Иш сягІятлизив ил кавшиб. Кавшиб дила ГЯбдуллатИп, – иб багълали. – Кавшиб, аба ребк!

Аризур. Зузкабухъунси кІанара хъусбяхъили, итил хъули рухІнарухъун. – Кавшиб, аба ребк! – чуйнаалра гІяшли тикрарбариб Патухли. Карииб.

Нешла илгъуна шакдешличи бирххІерутира бирути саби, амма ГЯбдуллатИп мар-марли неш рикІуси сягІятлизив кавшили уилри.

БархІехъ Къайыпра Атара хІянчиличибад чарбухъун. Патух илгъуна хІяйчир чераили, Къайып уркІухъун. ГЯжаибли уркІи гъяжбиуб.

– Се бетаурли? – Патухла мякъла гугииб.

– Кавшиб нушала ГЯбдуллатИп, – иб ахъли Патухли.

– Се ири? Чили буриба?

– Чилилра хІебуриб, – ургарухъун Айбика. – ХІуша ардякъи, камси замана дикили, бекІлизира къяшмачира рирхъули, «Гъуя, дила урши кавшиб», – или вярвикІескарииб. Ну урухриубли, унра ралли карукира. ИлхІейчирад я ца секІал берки ахІен, я биса тІашаили ахІен.

– Ягъари, Патух, хІебкІибси дурхІялис биса мабирид или чуйна бурира хІези? – вехІихъиб Къайып.

– ХІебкІибси дурхІя? Чи сая хІебкІибси? ХІела уркІили хІези селра хІеибу? Набзи буриб убкІуси сягІят. Ил, сягІят вецІал хІедикили-дикили, кавшиб. Кавшиб дила ГЯбдуллатИп, – нешла тІама ахъбиуб.

Лебилра илизи лявбикІи, маймайбикІи, гъайбикІи, гъеч чилалра гъайличи лехІихъули ахІенри.

Гъанна бикайчи хъалибаргла челукъути далдуршуси, уркІичеббируси, махрикІуси Патух рири. Лебилра илала гъайличи хІерли бири, илини се ирул, сенкІун Патухли таманни чебетаахъили бурибси чинилра къабулхІебарес хІейри. Жаляхъибсилечил ил жалхІерикІи. Илизи жагати мезли иргъахъи.

Аргъилихъалра сунеласун кайзурси адам валти. Илкъяйда бетаур Кайыплисра. Колхозлизивад дуравхъунхели, Патух илизи рикли, сен-биалра нушалара Гя-мал бирар цархИлталаван или. Къайыпли гъандуцес вирули ахIенри. Патухли ил дебали зигарикIули, гIясиикIули, децIикIули чейулри. Илини бирусилизи гIур гъудурхIериуб. Къайып пашманиуб. Дебали пашманиуб. ДурхIначи дакIибти балагъунала бекIчи сайцун чейулри. Гъанналис селра-декIар биубси агара, ВатIайзибад бухъни ахIенси. Ца шукур, лебилра ара-сагъли, мицIирли саби. ГIябдуллатIипла агри нешлицун сабри иргъуси. Ил мар-марли кавшни багъалли, Къайыплис ца гъатIи чIумаси бяхъ бетарар. Илис бируси бяхъ сунела сабри. Сай сайри сунес уркъубирхъусира, сай сайри сунечил жаликIусира ургъусира. Духули, даршули, ишабра халкълис бигесли, хIербирулри. Чус хIейгеси илдани цархIиллисра бирули ахIенри. Биубцад гIяхIдешунара кумекунара биркъулри. ГIябдуллатIип сайри валхIеркуси; сунела уркIиличил, сай вегIси къадарличил, гIямруличил.

Саби шилизибад дугIкайъни багъурхIели, дудешлира нешлира ГIябдуллатIиплизи ибсири:

– Гъанна халати мукъразир диркъес хIедирехIе нуша. Сен-дигара бетарар, ГIябдуллатIип, хIела гелешмешра, магъар дихъили, нушачил парх аркехIе.

ГIябдуллатIип разихIейкиб. РазихIейкиб сунес рахъ ахIерси, рахъ ригуси рурсилис къиянбулхъан или. «Сен нушачил барх илинира къияндеш чебиуси?» – бикIулри ГIябдуллатIипла уркIи. Илцад саби декIарли калес чевкъни хIебалули. ГIябдуллатIиплизи нешли декIарли катурлира аргъахъиб, сенкIун илдала цIакъти дигайла шилизи хабардикилри. Варгъира чегъурли, Мариятла хъалчличиб чуйна дуги беркIибал, ил ратурли хъули укъес хIейрули. Хъа гъала кайили чуйна шаладикахъиба?

Вайси хабар, дирихъван, шилизи гIяйбиуб. Дургъбала бегI гъалабси ках-деш – ил сабри. Бирхутира лебри, хIебирхутира. Ил хабар бакъибти Къайыпхъайчи башулри. Патухлизи маслигIятбикIулри. Дергълизив узи, урши, дудеш агарси хъалибарг камлири. Дургъбазиври Къурбанра. Сунела уркIи гIядаб-биалри, Къистаман дуцIли Патуххъайчи раши. КIелра неш ахъли бисулри.

– Дила цайли цаси урши, гIур чезс хIебиркур наб, – рикIулри Къистаманра.

Камси замана дикибхIели Атасра повестка бакIиб. Нешла уркIи гъатIира бисескабиб. Халаси хумардешличил къиянси архIяличи гъунивватур хъалибаргли Атара. ХIера, ца бархIи ГIябдуллатIипличибад баягъи сай дергълизи арукъес гъалаб белкIунси кагъар бакIиб. Почтальонни ил кагъар бархъли хъули бухили, разидешличил Патухла някълизи бедиб. Патухли кагъар белчIахъес Айбикази бедиб. Айбикани сасили ахъли белчIун. Разили Патухличи хъябру-црикиб, амма Патухла уркIиличиси декIдеш архIябякъун. ГIябдуллатIипла кагъар бакIниличила лебтанилра багъур. Къайыпхъайчи гIурра адамти башескабиб. ГIяхIла хабарла разидеш, вайла хабарлаван, бутIес гIягIнилири. БакIибти имцIали Патухличил гъайбикIулри. Илала уркIи разибарести гъай дурулри. Патухлис сунела уркIила хIял сунесра тамашабилзулри. Нешла, ГIябдуллатIип мицIирли левниличи, сегъуналра бирхауди аги.

– Дергълизи укъес гъалаб белкIунси кагъар сабгу ил. БархIи леб кабатурли. ЖягIял дергълизи аркъулра или, белкIи саби. Ил бархIи сягIят вецIличив сайригу ил кавшибси. Илис чегибси хIярхIяла цIакъ халаси буили саби; уршира кавшили, дила уркIилизибра мурхъси, гIямрулис сагъхIебиэси дяхъи барибси. Гъуя, хIела аба ребкI!

Патухли Айбикала някълизибад кагъар сасиб. Кагъар дяхИличи чебуциб ва ахъли рисирииб.

**БегІла гІергъиси кагъар,
БегІла буцІарси кагъар,
БегІла къиянси кагъар,
БегІла бяргІибси кагъар.**

Уршила вяхІ байбирухІеливан, ил кагъар кІунтІбачи чебуциб. Михъирличи гъяжбариб, кІапІбуциб, урши кІапІурцусиван.

**– Аман, хІела аба ребкІ!
БуцІарсира леб къалли,
ХІярхІяла буцІардешли
БуцІарбиахъубара?**

**Аман, хІела аба ребкІ!
БяргІибсира леб къалли.**

**БекІала бяргІибдешли
БяргІяхъибси саб, вара?**

**Кагъар кункси саблихъал,
Наб сен декІбиубсира?
БелкІ къулайси саблихъал,
МягІна сен къиянсира?**

Патухли биса тІашиули ахІенри.

Кагъар бакІнила хабар бакъили, Къистаманра музарухъун. Къурба кагъар илинира касилри. Илра някълизи буцили, хІял бакІибсила тяхІярличи рикилри. Гъачам рисулри, гъачамра разиси тІамаличил пишрирхъулри. Патух кагъарли разихІерарни аргъибхІели, гъатІира ахъли рисескарииб. КІелра нешли балу-сиванри, чула уршби дергъла цІали къяраъни.

Ата дергълизи арякъи базалра хІедикили, Айбикани урши варкъиб. Бара варкъибси Айбикала дурхІялизи арархили, Патухла уркІилис паргъатдеш, камси биалра, бетарулри. Ил варкъибмад, Къайыпличи дуцІрухъи, – ГІябдуллатІип бирхъехІе. Се гІяхІси биуба – дила уршила уалра чарбиуб. ГІяхІгъабзала у ванзалиуб кахІевлан. Базра хІедикили, дила ГІябдуллатІипла у чарбухъун. Нешла шявдиубти хІулбазиб камси лямцІ дакІубиуб.

– Се бетатурли хІед, Патух? МехІур-мага риублирив? ГІябдуллатІип кавшили виалри, цІудара кагъар лякъи нушачира, цархІилтачиван. Кабушибтала бегІтачи шилизи чумал кагъар дакІилри. Гъуя-гъарай дехІдихъилри.

– ГІябдуллатІипла илгъуна кагъар бакІили ахІен. Заманалис гъалав хІябламархъид урши. Биса гІяхІти хІедирар, Патух, – икІулри гъаман Къайып. Патухли селра хІеиб. Ишдас лебтасалра нуни убкІахъусиван билзули саби, ил дургъбани къяраъниличи бирхули ахІен. Дила ГІябдуллатІип, нуни кавшибхІеливан, набчи вайтІа хІербикІули саби. Кавшалли кагъар бурхъу, тикрардариб илала уркІили Къайыпли дурибти гъай. Чис гІягІнили туснакъчи? Чили балахъа ил кавшниличила? ХІерли саби кагъарличи. КахІевшили виалри, илини суненира кагъурти дурхъи. Ца кагъар сабри бархъибси: жягІял дергълизи аркъулра бикІуси. Арякъун дергълизи, илав кавшиб. Буриб къалли дила уркІили. Лебилра сунези иличила гъайбикІухІели, Патухли ахъли хІедурулри илди секІал. ДурхІя варкъибси неш зигархІерикІахъес Патухли тІама ахъІебирахъулри. Урши гІянайчи катурли, Айбикачи чаррухъун. Илис барибси хайнига бедиб. ДурхІя варкъибси нешлис хайнига бируси гІядат лебсири. Камси берки или, Патухли къабулагри багъахъур:

– ХІу, Айбика, кІилис кьадин рукес гІягІнибиркур. Илгъуна беркай дурхІя хІелукъахъид.

– Гъанна бусягІят бигули ахІенра, гІур букас, – иб Айбикани.

– Хайнига гІурлис балтуси ахІен. ГІурлис батур хайнигали гъай дала, бикІар.

Нешли дурхІя вахи цашалвариб.

– Наб гъанбиркули саби, СалихІличив иш имцІали дигахъула или.

– Иш нушала ГІябдуллатІип сайгу, ГІябдуллатІип хІейгахъуси адам вирусирив, гъатІи? – Патух хумарли пишряхъиб. Илди гъай дакъибси Къайып итил хъулилад дуравхъун ва гІясили гІамадариб:

– ГІябдуллатІип мабирхъид, Ата бихъа! – илра или, къалабати гунзрачил дуравхъун.

Патухли мура гъайличи пикри бяхІчихІеиб ва Айбикази рехІрихъиб:

– ГІябдуллатІип у гІяхІхІебилзулив хІед? Бахъ наб дигулагу ил у бихъили.

– Нуни селра хІеирагу, неш. Дудеш сай хІечил къабулли ахІенси. Нушаб дигули ахІенра ГІябдуллатІип вебкІилил ахІенал хІебалули, иличила илди-гъунти гъай дикъес, – сунела уркІиличирти дуриб Айбиканира.

– Ва дила ахІерси! Ну саррав ГІябдуллатІип вебкІили дигуси? Ил секІал набван декІси хІергар или гъанбиркули саби. Нуни ил хІебкІахъес рираслири, дила жан дедили мицІирираси. ХІуша иличила кагъар лябкъян или хІерлирая. Чис гІягІнили туснакъчи? Ит аркъухІели, дила уркІи барх арбухиб. Итичил бархри ил. Кавшиб. КавшибхІели набчи чарбухъи, иличила буриб. ХІуша набчи дирхули ахІенрая.

Илди гъай дурухІели, Айбика, ахъванриубли, Патухличи хІерризур, мехІур-секІал риублив? – или, амма гъайхІеиб.

– Абихъа ГІябдуллатІип, – даимриуб Патух, – абихъа, хІела уршилис у хІебихъеси ахІенри дила ГІябдуллатІип!

Айбикачи илди гъайли асар бариб.

– ГІяхІна. Дудеш разиикалли, – иб Айбикани.

БархІехъ Къайып чариуб.

Патухли дурхІя дукла авциб. Къайыпличи гъамриуб:

– ХІерагу, сен жявли чариубал нушала ГІябдуллатІип.

– Се мехІурти гъай сари хІела? Се бетаурли хІед? – гъанналис Къайып Патухличи вявухъунси ахІенри.

Айбикани гъанна неш гІерруциб:

– ГІябдуллатІип бихъес набра дигула, хІу сейкІуда, дудеш?

– Ишди хъунул адамти мехІурбиубли саби, – вехІизур гІясили Къайып.– МицІирси адамла у бирхъув? Се бетаурли хІушаб?

– Ил чарухъунхІели, барсбирехІе, хІейгадли. Бахъ нешлис бигули сари ил у ихъес. АбирхъехІе, дудеш, – рехІрихъиб Айбикара тиладирикІес.

Къайыплис буресил кахІелун.

– ХІушаб дигуси барая. Ну СалихІличи аркъяс.

СалихІла някъ буцили, дура арякъун. ДурхІя акІни багъурли, ил мубарак-варес Къистаманра цархІилти хъунул адамтира бакІиб.

– Чи бирхъула дурхІялиси? – хъарбаиб илдани, вергурси дурхІя яргали някъбази сайсули.

– ГІябдуллатІип, – иб Айбикани.

– ГІябдуллатІип сен бирхъула? МицІирли левай у бирхъула?

– Вахъ дигуси урши сайхџели, ил у хџейхъули руэс хџериухџели, саррагу! – Патухли биса тџашаэс хџериуб ва ахъли гъуярикџескарииб. Хъулибти лебилра иличил барх бисескабииб:

– Дергъла цџализибти дурхџнас хџедисули дуэс дирулрав, гъатџи, нуша? Хџела неш ребкџ, дила Къурбан, хџу агарли се гџямал баришара? – или Къџистаманра ахъли рисескарииб.

Илдала тџама дурабра бикъулри. Къџайып, се бетаурли или, дурхџяличира пикри бяхџчихџели, къалабали хъули чарухъун, ва бисули лебилра хъалибарг чебаили, хъарикџескайиб:

– Се-биалра вайси хабар-мага лебу? Цџудара кагъар бакџилив?

– Ахџен. Нуша, нешани, дуэс дирулрав, гъатџи, дурхџначила децџхџедикџули? Хџечиб се тяхџяр леба? Сена арадеш? Вирулрив узес? Дурхџнала кагъурти дакџибу? – хџулбира ушкули, хџулбачил дарх нургъбани демхџурти дяхџра кџанала дубли ушкули, хъар-хъаррикџескарииб Къџистаман.

– Хџуша дакџнира хџебагъуррагу нуни. Гџядуллагџип туснакъварила Патухла хџулбазирад чяхџдухъунти нургъба урхъу бирџахъу. Цацахџели чинарад илдицад нургъби дашулира или гъанбиркур. Агачирад ца гџяхџли дашули сари кагъурти, Гџядуллагџипличибад цацун саби бакџибси. Хџушачиб се тяхџяр леба? Къурбан лукџулив кагъурта?

– Гџе, дакџиб Къурбайчирадра. Набра лебри, Гџяйшатлисра. Сунела гелешмеш Гџолистайсра бакџилри. Гъар секџал гџяхџли сари, – икџули сай. Се гџяхџдеш бирара дявтазиб? Гџяхџли калабну саби. Хџушаб урши акџуб или бакъбили дакџибтира. Ургъаб. Гџямрули ухъянси виаб. Талихџчевси ветааб. Неш-дудешли айкъеси виаб. Илини хџушаб харидешщун бихаб. Гџядуллагџип ура мубаракбиаб. Гџяхџдешлис арадешлис биаб, – тамандариб гъай Къџистамай.

– Аминаллагъ. Аминаллагъ. Хџедра арадеш биаб. Хџела Къурбанра арами гџяхџли чарухъаб.

– Мицџирли левай дурхџяла у бихъни гџяхџси ахџен икџули хъалли, кџелра хъунул адам цабиубли, Гџядуллагџипла у бихъиб. Ну ца сайли, ишди кџел бетаурли, ишдала гъай ахъли бетарули саби. Се икџуси? – гџярзухъун Къџайып.

– Хџуша хџябал сарраягу, – иб масхаралисван Айбиканира.

Ит-иш бурули, камси кабиили кали, хъунул адамти хъули чарбухъун.

Илхџейчибад камси замана арбякъунхџели, Къџистамайра Къурбан кавшнила кагъар касиб:

**Аркъухџелил багъурра
Гџур нуни хџу чехџейъни.
Уркџили буриб къалла
Дила чархџелхъан или,
Аба ребкџ, ахџер урши!**

**Ахъ дубурла бекџличиб
Цунни бакџиб чџухџяри
Хџебердибси биалри,
Хџерикџласи ишцад цџум.
Аман, хџела аба ребкџ!**

**Багъдадлизиб багъла хъяр
Тџели гъабли кагибу?
Дила делчџунси гџялим,
Се гџямал баришара?
Гъуя, хџела аба ребкџ!**

**Дила духул бекџла вегџ,
Ва дила дялхъя някъбар,
Ва дила кункти къяшмар,
Дила къугъал чархла вегџ,
Аман, хџела аба ребкџ!**

Неш, чиллуйта ручули, гьаргала дуцрулхъи. Бакибтаци хъябруцрирки.

**Гъанна чина рухъиша?
Чичи ну хъярхъиша?
Дила хулбала шала
Бишун, бишун, аба ребкI!**

**Баршлибад арцур улухъ,
Янгъибад бешиб барткел,
Чинаб тIашбиз баргири?
Аман, хIела, аба ребкI.**

**ХIу арукила, Къурбан,
УркIила дигъа рукес,
ХIулбала шинни ружес,
Се бетатурли, бикIи?**

**ХIела аба жявли ребкI!
УркIили тIамадариб:**

**ГIяхIливан чеваа, – иб,
ГIур чархIелхъан хIечи, – иб.**

**Савли шаладикайчи,
БекIла мякълар калунра,
Гъану хIябра дуслизив
БегI гъалав чейусиван.**

**БегIла гIергъи уилри
Ил нуни чевиуси.
ГIергъиси буили саб
Илала бухъан архIя.**

**Аба ребкIлис че ванза
ЦIяб хIябли калунара?
Аба ребкI, чихъти зубри
Гъангус детаур вара?**

Къистаман багъларарес чилалра ахърибикIули ахIенри. Иличил барх яра декIарли цархIилти дурхIни кабушибтира ахъли бисулри. Чула дурхIначила дурули бисулри. Патухлара уркIи бисулри. Ахирра Патухли гъандуцес хIериуб. ГIябдуллатIиплис халаси яс бариб. Къистамай илизи маслигIятлисиван ибсири:

– МицIирси уршилис марисуд, илдигъунти гъай дурни гIяхIси ахIен. Нунира Къурбан мицIирли левай хIяриихъира. Чебиулрив се бетатурал?

– ХIуни хIяриихъили ахIенригу, дила рузи, ил. ХIела уркIи шакбикIули буили саби. Нунира дила ГIябдуллатIип кавшни багъурра.

Набчи чилра вирхарули ахIен, хIушара мадирхудая. Ил туснакъварилара дила уркIи шаклири.

**Дила шахли бигубу
Шамахи жанай вава?
Дила дургъба ибгибу
Диркъаличиб ахътерек?**

**Шила ухIнав духуси,
Хъалибарглав валгунси,
Шантачил валикибси,
Къурбан, абала ну ребкI!**

**Аба ребкI, дила Къурбан,
ГIяхIялдешлис дяхI шалал,
– Ши-шантас уркIи хIялал,
Тухум, узи-уршилис
Гъаман къакъбяхъли виран.**

**ХIяб чили буркъибара?
Целда села калтIунал
ХIябразиб хIяб агартас,
ХIяблар чурхри агартас?**

Патухли дурутани хъунул адамти ахъли бисахъулри. БархIи ахъайчи халаси яс бариб. Дугели цацабехIти Къистамайчил калун. Гъарахътигъунти арбякъун. Къайыпра Патухра илаб калун.

Айбика кIелра уршиличил хъулир калун. АвцIали бархIи хIедикили, дурхIя варкъибси хъунул балгIяличи рукъес асубируси ахIен. Иличи хъарли кIел уршицун ахIи, хIяйван-къача, гIяргIя-дагъа, къантIли буралли, дахъал хIянчи

лерри. Унра хьунул иличил рарх дугели кавлулри. Илала хІяйван-къачаличи хІеруди унрубани бири. Къайыпхъали ца жумягІ дикибхІели бакІиб.

Чула унрубас уркІи-уркІилабад баркаллабикІулри. Ца чумал бархІи кали, илди гІурра чарбухъун.

Илкъяйда, къияндикибхІели, гъар мераначибад халкъ цали ца гІеббурцулри. Узби-рузбиван, цала-цали иргъули хІербирулри, сенкІун ила бархъибти бу-зерила, духути, азаддеш дигути халкъ сабри.

ГІябдуллатІипличи карцІриалри, Патухли виштІал дукла калти. Гъар дуклауцибхІели, бисара бирулри. Сунела уршиличирти диги виштІасиличи ардякунтиван сарри. Ил сирила каркъули, арцули, умувирули, риркъусири Патух. Ил къижухъалри, сари гъаларирки. Илала диштІати ляжуби сунна дяхІличи гъяждири. Михъирличи гъяжири.

– Вахъ мешусира левгу иш ГІябдуллатІипличи. ГІямру къалли мешу-мадикаб. Итгъуна талихІагар ветмааб. Урга-ургади уцили уршира, сунела уршилис биса бири:

**ДулкІла уди кайхъи
УрчІемал баз вихІира,
УркІила диъба вахи,
ГІяхІдешлис хІерварира.**

**ЧерикІлала палтурта
ВеГІварили вихІира.
Хабар халаси нартван
Уктемли хІерварира.**

**КІел дус ниъли вахунра,
Къуватси ветаахъес.
Някъбачив хІерварира,
Къугъаси ветаахъес.**

**Ва уркІби игул дургъби!
Чарварая гІязизси!
АбитІи уркІи лугас,
СадитІи хІулби лугас!**

ДурхІяра дукла уцили, дардли гъакІрирули, илгъуна биса барибхІели, селра хІергъуси виштІаси, абхъили хІулбира, хІулбачил барх мухІлира лехІахъилри.

Къайыпхъали Къистаманхъайчи авцІаирухІелира бякъун. Патух жагаси тІамаличил къулгъна ручІулри. БекІала хІурматбирули, лебилра шанги, балути, хІебалути балли, чумал бархІи башули калун.

Патухлис гІядабилзулри сунела ГІябдуллатІип я салам кахІебихъили, я зикру хІебарахъили, кални.

**Ва дила дунъяла дард,
Ванзали уцибара?
Дардана декІварибси
Ванзалис декІли вара?**

– Аба ребкІ! Дунъяличибра гІяхІ чехІебаиб. ЦархІилтасван я салам ка-бихъес бетхІеур. Агара дила децІ цабирусира. Агара набчил варх висусира, мицІирли сай бикІули. Наб-декІар хІейгулрав дила урши мицІирли левли? Леву, гъатІи, ил? Агара къадин. Сарицун децІрикІули, Патух усалрикІулри, риштІакараилри.

Атачирад чумал кагъар гІурра дакІиб. Амма ГІябдуллатІипличила гъай аги. ДецІлизиб сабри Дагъистайзибтира. Мариятли ГІябдуллатІип туснакъварни багъур. Ил дявтази арукънира балулри. Иличирад кагъурти къябдерднира балулри. Гулжанатличира ГІябдуллатІипли кагъар бархъилри, бегІгъалар Мариятличи саламти дура или.

– Хиуни белкунри Марият шери рякъи сари или. Вецна шери рукьялра иличи дила урки барсхебирар. Наб сецад гядабли биалра, шери рукни бархъси бариб илини. Ил талихчерли риалли, набра гяхил саби. Илис гяхидеш биалли, дила урки паргъатли бирар. Вари, рузи, илизи саламти дура.

Гулжанатли Мариятлизи саламти хедурес хериуб. Марият, дунья сунес бедибхеливан, разириуб.

– Набчи сен кагъар хелукусив илини? Хебалулив ну сунечи херли рини?! Хергулиив дила уркила цумла?! Вецал хънуул кабиалра Гябдуллатипличирти дила дигай кавлан. Илди гъай дакъили, Гулжанатли гъанхедуциб ва, Мариятличи клаприкили, ахъли «гъуя» иб. Мариятра рисескарииб. Бареси я буреси балули ахенри.

Ишгъаклис Мариятли гъанхедуциб, ва сунени кагъар белкун. Кагъар лукхели, бусягят делкести адерхур. Илкъяйда бетари Гябдуллатипкършиикибхелира.

– Хиу дургъбазивад чарухъайчи, ну хечи херли руус. Аралли гяхили чарухъаби дила – или Мариятли ручка ташаиб. Ручка бахъли ташабили ручкала бехличис шинкъяла канти бархъли белкес гягиниси девла мерла кабикиб. Кантили буциб Мариятла уркиличи дакибти дахъал дугъбала мер. Илди дугъби цаличир ца къугъатири, дигестири, далдикибтири, диестири. Хериуб селра белкес. Канти илди белканас хябла дублаб катунси целдаван кабизур. Хеделки калунти гъай аргъеслири. Амма чинилра хергъиб, чизи бикибал, ил кагъар. Бегла гъалабси ва бегла гергъиси кагъар. Сунела вег варгес хебирули бахъли къяйцси кагъар. Уркила дардли бицибси кагъар. Дигайли къагъварили ласикуси Гябдуллатипван, ласбиклули бахъли калунси кагъар. Чизи бикибара ил? Чили белчунара? Яра вегагарси кагъар чилилра хебелчи ванзала чедиб, хярхяли кайкахъисси Гябдуллатипван, калуну? Кали бургар илра маркалиуб бумхули, тят Гябдуллатипван. Жаваб агарси кагъар.

Бахъал жагъилти дургъбази шилизибадра арбукилри. Мажалислизи бег гьалар кел цудара кагъар цаинар дакиб. Почтальоннис дебали къияннири илди чула бегтази дедес. Цаибил кагъар хъаршавадси Муртузла сабри. Ил бедес хейрули левли, кибиблра бакиб. Ил Темирхан кавшничичила сабри. Вайси хабарла дуклума дягути, сецад саби декси биалра, къяшми кункти дирар. Гъамти шимазибтала балли дакибти цудара кагъуртачила цализибад цали балулри. Илдала бегти, лебилра шанти децлизи бикиб. Гъар ургъанна гъамтала уркиби тирхъдикулри. Ургъан агарси хъалибаргра камли сабри. Урухлири, саби хъарбаэс почтальон ташванизалра.


Гъар чинаралра дургъбачилара кабуршантачилара гъай сарри. Шимазир гур къачагъуначилара гъай дакудиуб. Илди дигянни лебалри.

Дургъбазив сайри Исабегра. Ита-иша шагъарлизи аркъухели, ил Гулжанатхъайчи гъавиклули калун. Халатала гядат барили, илини сунела гяхили хъумхертур. Къайыпхъайчила хъарикли, илдала шан чеалри. Гъар дурхяла у ихъи, Султанатличичила хъарбаэс багъандан. Султанатличичила декларли хъарбаэс адаббилзулри. Гулжанатли Султанат шери рукъничичила бурибси ахенри, амма Исабегли багъур. Цали багъурси секлал гъарилличи бетиуси саби.

(Хъархъуд бирар)

Проза

Ибрагъм
ИБРАГЪИМОВ



ЦИЛИЗИИ ВА ХИЛИЗИИ

(хъаракъуд)

Уркухъла хъябагъриличиб Амирбегли урчи багълабариб. Кацџили урчиличивад, ургъурра буцили, ил гъункъяба бамсриихъуси иникъличи гъамиуб, ухІна хІеризур: чилра аги. Чариубли иникъла гъалабси къасиличи кайиб.

Санила ил шайчиб дяхІи бацџилри, удибси ургуба чемъурси дуги цџубли чебиулри. Дагъни дулхІуси манзилри, гъачамлис Шалдала лишантира аги: закир ца-цали дейгесли зубарти чедиулри, ХІябдъаргъи, хъанцџа капарайличирад гъардухъунтиван, Гъазагала шила чедибси Иркниша дубурличичекадаилри, гъамли илди гІеладиркни якъиннири.

Амирбегли багълабарибси хъябагъриличибад Гъазагала шира алавти махъурбира хъатларван чедиулри. Шилизир мер-мерлар, билшуси шямван, шалми шявли сарри; махъурби биалли, цџябдешла пардавли кІапІдарибтиван, хІясибдарес аги. Машрикъла шайчибси Уркухъла шила юртанира бара-бара хІясибдареслири.

«Герейхан къалли наб гъалав иникъла мякълав хІерлира викулусири, – пикриухъун Амирбег. – Шумралла ГІяялизибад Уркухъла хъябагъриличичи гъуни гъаракъси ахІен, дила махъиличил цугбуцибхІели, кІиналира-сера къантІли саби. Сен ил къанирули? ВягІдакІун дагъни делхІайчи иша дакІес сабри. Бурги илала сабаб: ца ити Герейхан къанхІейри или гъанбиркули саби. Иш мерличир къаршидикесра илини маслигІятбарибсири. Улгас, се бетаурлира? ХІерли кайалли ахІенси...»

Амирбегла хІер сунела Цџуриша махъиличи бархъбизургу, илаб таманси цџябдеш сабри, илра имцџаливан чедибси, биризла халати галгубар дубурла бяхІли бетаахъурси дяхІцџили дигІянбарибсиван сабри.


Гъанбикиб илис Издагайличил бетаурси ихтилат.

– Набзи хІебурибсилра виадри, гъанна дила уркІи хІу чарухъайчи паргъатхІебирар, – рикІулри ил, ХІямзат сирилизичи каркъули.

– КъакъамарикІуд, ашна. Чарулхъас ну хІечи: ила хІявкъес сеннира хІейраси. ХІезикІун бурира.

– Бурири, балулра, илбагъандан сарра ну урухкІусира.

- Набчил варх талхъа бекI нукерли калунси Герейханра лявкъуси сай.
- Виаб гъатIи! ХIуша – кIел, илди – бахъал. Сайдуханна къачагъунани хIушачи чябхъин хIебаралли.
- Издагай, дила ахIерси, нуша дявлизи кадерхес аркъули ахIенра. Уцу-ми РяхIимханна дивайчир бикъруми сарра, муршидунала бекI АбухIянапи азадватахъес аркъутира...
- Вай аллагъ, талхъунтани талхъунти ахIи гIебхIебурцу къадин.
- АбулхIянапи РяхIимханнира гIяхIил валуси сай. Валуси сай Дербент къалала имамлира. Иличиб хатIа агни кабизахъехIелли, ил зинданнизивад дуравалта, иличибси бугътанра чебису. Юх, ашна, хIу се рикIадра, нушаб хIедукъес гIямал агара.
- ХIебиалли, хIуша гъала–гъала дила дудешличи хъуракадиирая. Илини баресира гIеббуру.
- ХIуни хIебурадлира, дила Издагай, хIела бегIти чехIебаили, гIелавяхI чархIелхъасра. Ну къалли мехIур ахIенра, Баршамайлизи ваили, хIела нешла чIакъвала тIем хIебагъурли гIелавяхI чарухъес. Илала дурабадра, хIед къалли янира мяхIкамдирути сурмай тIутIила чIапра бархъес асубирар.
- Дила уркIиличи гъамадли гъуни бургули леври, макруж.
- МарикIуд, хIела уркIи анкIила гавлаглизиб мучила къякъван дигIянби-кибси саби.
- Дати масхурти! Сеннира ну урухIули сарра.
- УрухмакIуд, махъилизир цунни рархъралтули хIерииши? ХIечил варх хIела батир ХIямзат вирар.
- БатирвегI лев, ишбархIиличи илини далути хIябал гъай сари.
- ХIябалра даибти сари. Нагагъладан дахъал дагъурли дигули риадли, ну чарухъайчи вичIирикIахъес бурсивара.
- Вирис, вирис, хIугъуна варскъа ветхIеалли.



– Нешла рузи Бикаханум жирара. Анцїхїебулкяхъа...

Илди дугьби аргьибхїели ва сунела нешла гїянцїа рузи гьанрикибхїели, Издагай дукарряхїиб.

– Хїечил рарх нешла рузира бегїтачи рархьшара?

– Вари, вари, асухїебирар! Ил пькьирли нушала махьи хїербирули сари. Дигалли, букїун Амирхїяжила кулпетра буркьунзаличи жибарес рируд.

– Наб чилра хїяжатли ахїен! Дила кьакьаракїни хїу багьандан саби...

Илира или, Издагай сирила каркьибси Хїямзат урца кьулсали хїяжланкїила дахнили валхес рехїрихьиб.

Илдачи дигиличил хїерикїули, Амирбег гїяхїцадхїи тахличи кайили вьшхїевхьун.

«Аллагьли датарти, хїуша лерхїели дила гїямру сецад жагатил ва дурхьатил ца аллагьлира нунира ахїенси, чилилра хїебала. Ну чарухьайчи хїянзанзира кьячмабикаб хїушачи!» – хїилнабиркьулри илала михьирлаб уркїи.

Багьлати гунзрала тїама чехиб.

«Урчила тапарьала ахїен», – белгибарибАмирбегли, кайибси мерличивад вьшхїелхьули.

Гьунчиб биштгаси кьаралди хїясиббууб. Ил кьяйцїу хя сабри, сунес лига-мага бикесгу или гезбухьунси. Бекїлил гьямла тїамалра дурахїебушили, хя иникьла мякьлаб тїашбизур, ита–иша хїерра бизурли, ил Амирбегличи гьамбууб ва бяхїчили гугкабииб.

– Гушлирив, эй, кьяйцїу? – иб Амирбегли, гїур айзурли урчила улибхьаличи бигьунси таврализив халтгухьун. Касили илабад бехїцїарила бутгїа хялис лайбакїиб.

– Гьу, гьанна башен хїела гьуни буцили!

Лавцїукї хялира, илала гьайла мягїна аргьибхїеливан, бехїцїарила бутгїара дубшабуцили, гьуни даимбариб, ва бахьхїиагарли илала кьаралди хїулбала гьалабад бегьуб.

«Вяхї, сен дакгухїелхьули Герейхан? – гїурра сунези сай хьарикїесяхїиб Амирбег. – Ил гьай кьянабирутазивад ахїен. Улгас, се бетаурлира? Марли, Гьзагала талхьай нушала архїяличила багьуру? Ил секїал балути нуша кїелра сарригу? Рахли Сайдухан вас-васухьун хїейалли? Ил хїиллакарли се-дигара пикрибиру. Герейханра илини нукердешлизивад хїязлис акьуватурси ахїен. Иличи хїерхули, мурт-биалра илини сай цїах виру или, ашкарли, сунела гїяялизи вархьили сай... Биалра, набра гьай кьянабарес асухїебирар: сабурбирис, рахли дакгухьесгу Герейхан...»

Амирбег айзур, урчира бархьбатурли, иникьла гьалавад вет-сатухьун, сеннахїенну гїянручїла бугїярдешли сунечила балахьулри, хамха-бекї ва кьяшми тяхїудирес дехїдирхьулри.

Хїера, машрикьла шайчир закир хїунтїендеш дакгудиуб, алавчарли багьла-багьлалли шала гїяйбирес бехїбихьиб. Таманни шаладикес халаси замана кали ахїенри.

«Юх, льявкьули ахїен Герейхан, – викїар Амирбег, сагали урчила мякьла чарулхьули ва ургьур някьлизи кайсули. – Гьанна иличи хїерли иш хьябагьриличи тїашкайзни дуггїа саби. Се бариша нуни? Ил хїеркайруси Шумралла Гїяялизи гьаввакїес заманара агара. Сапарличи дуравхьунси гїелавяхї чарухьни итира вайси ишаратлизи буйгїули бирар. Дила махьилизи–декїар чарухьес вирусу? Ил лебгїеб ахмадеш бетарар. Герейханни аргьахьни хїясибли, уцуми

РяхИмханни диван бахъИи зузХебиру: АбулХянапис чУмаси танбихІра дурасили, таманбиру. Абикиб къуллукъ! Юх, сеннира наб Баршамайлизи вазе чебиркур. Герейханничил варх виасра нуцун виасра. Бикъридеш мардируси ваяхІра набзиб саби. Хебиалли – гъалавахІ!»

Амирбегли, ахтардибирули, хІякала шалкГубси кисализибси Сайдуханна дис хахамбариб. ГІур хъярхъли урчиличи мурдайиб.

– Гъайбара, дила ашна! ЧевяхІси Аллагъ, икъалабара дила архІялис...

Гъайгъай, Амирбеглис хабарра аги ил янила дуги талхъа бекІ нукер Герейханнис бегІла гІергъиси дуги биънила: Сайдуханна гІяскарли Шумралла ГІяя цІализи гІелабушилри...

* * *

Издагайла бегІтас чула гуяв Амирбегла архІя лебГІеб хІейгибизур. Илини сунела мурадличила бурибХели, Сапарбегли иб:

– ХІуни пикрибарисси гІягІгъабзала баркъуди саби, дила гуяв. АбулХянапи верцахъесра гІягІнили саби. Сепайда гъатГи, ил масъала хІедра хІела хъалибарглисра дурхъали кабизес асубирар. ХІу пикриухъен, уцумила диванханализиб Гъазагала талхъан Сайдуханна адамтира бирар, хІела баркъуди илдани гъамадли талхъайчи биахъу. ГІур биалли... гІур биалли, хІунира буриливан, ил хІиллакар Сайдухан лехІкахъили хІевъар, хІедра чеббицІес пикрибиру: илгъуна гъимикарли уркецІи-ряхІму далуги ахІен. ХІуни, Амирбег, илгъуна секІал пикрилизи кахІесириб?

– Пикрилизи касирагу, лехІкахъили уэс дила ламусли къабулХебариб, – буриб Амирбегли, сай тІягІямагарси агилизив виъни иргъули.

– Гъанна хІуни балулрив, сен хІечил варх Герейхан хІекІибсил?

– Шақдеш леб, селра гъалахили бурес хІейрус.

– Нуни вирус... Нуни балулра: Герейханничи, ашкарли, талхъай сунела вакилти бархъили сай, ил урухварили сай...

– Чевверхи, Сапарбег, ил урухбирутазивад ахІен, гІяшул къаркъаван чУмаси гъабза сай.

– Гъай, вегІебш, ургар хІу викІусигъунара... Талхъунтачил ахІейхъур къадин.

– Дила рурси! Дила Издагай! ХІушани дурутаци лехІихъули, уркІи баргудули саби, – гъайлизиахъиб гъанна бикайчи лехІкахъибси Издагайла неш Перизатра.

– Паргъатри, ашна, гъанналис децІрикІес сабаб агара.

– ХІуша мурул адамтас сабаб агара. Амирбегла хабарли ну биалли тарумлаб къацІван руцІулра.

– КъакъамарикІуд, се баралли гІяхІсил пикрибирехІе...

Амирбегла уркІилизира багъла-багълали кахдеш хъурабирулри: «Нагагъладан Герейханна аги ибгили биалли, талхъа агълули гІурра зулмурти даимдарес асубирар. Асубирар илди вайнукъяби дила махъилизи баэсра. Бархъли бикІули саби Издагайла бегІти: мехІур баркъуди саби нуни хъунулра дурхІяра махъилизиб сабицун батни. Заманалис иша Баршамайлизи илдирар барх кес сен пикриХебарисирил? Илди бегІтаци баахъибси виасри, дила уркІи паргъатли бири. Юх, сабур, сабур... Гъалахили вайси пикрибарни гІяхІси ахІен, бикІар. Селрацад урехи гъачамлис агара. Герейхан ахІи, гІур урхІла адамли балуси ахІен дила дигІяндешличила. БекІ нукер, нуни балас,

бекІ чеббирхъулихъар, мукІурхІейкІур. Наб гъанна ряхІятиэс гІягІнили саби. Уцуми РяхІимханна дивайчи аркъухІели, къакъавакІес, вас-васъала чедаахъес асухІебирар...»

Унзализи къутІра дяхъили, тавханализи Сапарбегла къуллукъчи ацІиб.

– ХІурматла вегІбекІ, пурбанбара гъай бурахъес? – дугъаизур ил хъа вегІличи, икрамбирули.

– Бура, лехІихъулрану, – хІеризур иличи Сапарбег.

– Тавханализи ацІес дигуси гІяхІял лев, дила вегІбекІ!

– ГІяхІял? Чи гІяхІял?

– СирхІязивад вакибсира, викІар. ГІяхІмад бикІуси...

Хъа вегІ сунела гуявличи хІеризур.

– Нуни валуси ахІен, хІурматла Сапарбег. Я нуни чилра живарибси ахІен.

– ГІяхІял унзала гІелав ватес асухІебирар. Живара иша!

Къуллукъчи дуравхъунмад, тавханализи АбулхІянапила муршид ГІяхІмад ацІиб. Илала куц-кабизли вамсурли гьеркличи викни балахъулри. Хъулибтас саламра бедили, някъбира цІацІадарили, ГІяхІмадли сунела хІер Сапарбегличиб тІашаиб.

– АбулхІянапила муршид хІейиши? – хъарбаиб Амирбегли.

– Чевверхи, дила узи, сайра... Ну къаниубра, заманаличив хІела ЦІуриша махъилизи ваэс бажардихІейкира... Нуни гъар секІал далулра...

– Се гъар секІал?

– Дила вегІбекІ АбулхІянапичил детаурти, гъанна биалли, ил Баршамайлизи ваахъили, зинданнизи уцуми РяхІимханни туснакъварнира балулра...

Хъа вегІ илала гъайлис ургаухъун:

– ГІяхІмад узи, гъанна хІу дила гІяхІял сайри. Гъала-гъала кайи тахличи. Гъигъбати. ГІур буруси даимбиридну.

ГІяхІмад чебаахъибси мерличи кайиб, халаси маза къапІара чебасили, майалибатурси андаличибад хъат чедиберкІиб.



– Хурматла Амирбег, дила сапарра хЕла Цуриша махьилизи ахЕнри, – цила ряхИятиубси ГЯхИмад гIурра гъайухъун. – Ну бекI нукер Герейханничи дуравхъунсири, ил нушала минала гЯхIлала адам сайри. Наб дила вегIбекI АбулхИянапичила гъар секIал дагъес дигусири...

– ХIу АбулхИянапила гЯскарлизив агарсирив?

– Юх, ну илини нушала махьилизи вархьибсири... Ит гъазализив дила вегIбекIла мякълав цугхIейкнира децIагиб...

– Иша ваэс сен-сен пикрибарири гъатIи?

– Дила узби, ит дуги Шумралла гЯялизибси кахдеш хъумартес вирули ахЕнра. Гъазагала талхъа нукертани Герейханна кулпет бархли кабушилри, юрт цIали бигублири. ГЯяла вегIра, ханжулта бяхИяхъварили, гIелабси гыгълизив варгира. Илини вебкIес гъалар ца хIябал гъай шивкIивдариб: «Сайдухан... Уцуми РяхИмханна диванхана... Уркухъла хъябагъри... Амирбег...» Илди камти дугъбазибадра нуни аргъира Герейханнис бурес дигуси. Илала ряхIят хъубзурази, кулпетра сайра хIярибихъахъес батурли, дила ябу ишабяхI, БаршамайлизибяхI, ряхъбарира...

Мурул адамти гъайбикIули лебли, хъа вегIла хъунул дурарухъун, дубсила кIабатIлизир кам-гъамти берклумачил чаррухъун.

– ГЯхIял дурхIя, гушли ургуд, бисмилла бара, – или, Перизат сагали тавханализирад дурарухъун.

ГЯхИмадли гуж-гужли камсиван кIацIбариб, пикрумани сурс гъяжбариб-хIеливан, беркала къакъарлизи барцбиркулри.

– Хурматла Сапарбег, замана аркъули саби? – хъубешличи хIеризур Амирбег.

– Илра бархъси саби... Нуни аргъни хIясибли, Уцуми РяхИмханни хIерила дехIибайс гIергъи диван бируси саби.

– Диван сегъуна бирарал, нуни гъалахили балула, – иб ГЯхИмадли. – Дила вегIбекI АбулхИянапис илдани берцуди хIебирахъу. Ил верцахъес багъандан нуни жан дедлугас!

– КъалабамайкIуд, дила узи, хIелара цадехI жан сари: матгъал харжмадирид, – хъа вегI гъалаксаурси ГЯхIяйчи хIеризур.

– ГЯхИмад-узи, хIуни се пикрибарилри? – хъарбаиб Амирбегли.

– Диван таманбиубли, АбулхИянапи сагали зинданнизи аркухIели, ну баррумантичи челхъас... Ну кавшаслира, дила динна узи АбулхИянапи гъавухъахъес къасбирис...

– Паргъатии, узи, хIед къурбаниэс хIяжатхIебиркур, – Амирбегли, мякъла кайибси ГЯхИмадла хъуцIарличи някъра кабихъили, илизи гъар секIал аргъахъиб, гIур шалкIубад дурасили, Сайдуханна мутIрусра чебаахъиб.

– Хурматла Сапарбег, нуша дурадулхъехIе? – Амирбегра ГЯхИмадра цуг–цугли тахличибад харчбизур.

– Иргъула, – иб хъа вегIли, – аммаки РяхИмханна диванханализи хIушацун дархъес хIейрус... Нура варх ляхкъула... Итира, дила гъанбикли, уцумила нукертани хIуша дивайчи хIедархъес асубирар...

Илди азбарлизи убяхИяхъиб. Азбарлаб илдаци кIел урчи дабгисби пургъумра пургъумчира хIерлири.

– Гъу, хІуша адацІирая пургъумличи, дила ца гъай леб, – бизахъур хъа вегІли, гІелавяхІ чарулхъули.

Сапарбегли, жаняхІлизи ацІибмад, хабчаб жирариб ва, ил дакІурухъунмад, гІяшли, амма чІумали амрубариб:

– Хъярхъли живара нушала нукер Абакаркъади! ЦархІил пургъумлизи бегІла сагъти ябнира дабгахъили, ил Издагай кахъес вархъа. Аргъириб?

– Аргъира, дила Сапарбег, тѧп илкъяйда бурис!..

* * *

Мускъарла дубурличи чекабаэс хІядурсиван берхІи кІайбизурхІели, Баршамайла къалала зурбати къапу, къяржла тІамара каили, гъаргдиуб. Илабад даршал бургъанничилси урчала мурдабала ГІяскар дураберхур. Илди къалхантачил, хІяннибачил, шушкІначил ва урги-дергаличил бегІбиублири. ГІяскарла бекІ, мегъла къапІаличи шиниша дарай ласбарибси, сунела халати чарх-бекІличил декІарулхъуси АбулхІянапи сайри. Гъалли илала балуй шайчив хІунтІена урчиличив, шиниша байрахъра ахъбуцили, муршид ГІяхІмадра леври.

БахъхІагарли гІяскар, Баршамайла шира гІелаб батурли, дубуртази бихуси гъунчи дурабухъун.

«Гъазагала пунтчиби чІумали танбихІлабарес! Пунтчибала вегІбекІ ва хІиллакар Сайдухунна бекІ чеббяхъес!» – гъанбикиб АбулхІянапис Хайдакъ-Даргала Уцуми РяхІимханни диванханализиб дурасибси къяркъси хІукму.

– ХІерагу? Чис гъанбиркусири, илкъяйда бетарар или? – ГІяхІмад сунела вегІбекІличи хІеризур.

– Аллагъли гибси бихес нушачиб чебси саби, дила узи, – жаваб чарбариб АблукІянапини.

– Уцуми РяхІимхан илгъуна талхъан сай или гъанхІебирки.

– Сегъуна?

– Бархъдеш дигуси... бугътанчибачи уркІецІи-ряхІму агарси.

– Талхъанра ЧевяхІси Аллагъли акІахъубси сай. Иличила илинира хъу-мартес асухІебирар.

– Бархъли бурасли, ну вас-васикІира: РяхІимханни сунела адам, дубуртазив сунела амру бихуси Сайдухан гІевурцу или гъанбиркусири.

– Амру бихули бирару, хІиллурти дурадуркІули виалли? Сайдуханни, сунелайчил барх Уцумила ура цахбарили сай. Хайдакъ-Даргала талхъайс сунела арилиубти халкъла пикри барсбиубли хІейгахъу...

– ХІейгахъу, гъайгъай.

– Гъу, гІур се бурида, дила муршид?

– Се ахІенну, дугели гІяскарлис архІя даимбарес гъамадли хІебирар, хІурматла вегІбекІ?

– Вархъли викІулри. Нушаб бамсри ахъесра гІягІнибиркур.

– Карбансарайлизи хъурадиахІелли?

– Ну къабуллира, – иб АбулхІянапини, ярагъли занкъарбикІуси гІяскар-личи ласирхъули.

– Гъазагала шилизи гІянручІла шалдалис даишагу?

– ДиэхІе, даэс гІягІнилира саби, ЧевяхІси Аллагъла икъайчирли...

– Верша ахІехъалли, дила вегІбекІ? Нушала сапарличила Гъазагала талхъ-айчи хабар гъалахІебухъалли?

– Хебулхъан. Дивайчи бархъибти илала къуллукъчибира Уцумила зинданнизи туснакъбарили саби...

Гъайлизиахъибти АбулхІянапичи ва ГІяхІмадличи хІябъэсил урчила мурдара гІевваиб. Ил Амирбег сайри. Иличирра бургъантала мегъла палтар сарри. Гъаб-уб мурткІал чесахІебуцибси хІяннили ил декІварилри, къацІкавцибсиван сайри. Биалра, уцумила гІяскарлизи ургъан сайливан къабулварниличи илини пахрубирулри. ГІяскарла бекІла ва муршид ГІяхІмадла ургабси ихтилат аргъили вииши, ил къабуликес хІейуб.

– ХІурматла АбулхІянапи, асубирару дила пикри бурес? – хъарбаиб илини.

– Бирар, гъайгъай, адавзи, – гІяскарла халалли урчи багълабариб.

– Чевверхи, аммаки ГІяскар Карбансарайлизи тІашаъни хатІали уббухъес асубирар.

– Сен или викІулри?

– СенахІенну Сайдухан нуни гІяхІил валуси сай. ВацІализиб хІяв бецІлира илиницад макру хІедала. Чили бала, белики, алавти махъурбазибад сунес марти адамтира бучили, илини Гъазагала къалализи гІяскар тІашкабатес?

– Адавзи, хІела пикрира гІяхІси саби. ХІу сейкІуда, ГІяхІмад?

– Юх, бамсрихІехъибси гІяскар гъазаватли бархъни лайикъли хІебирар. Амирбег, хІу пикриухъен, уцумила гІяскар декІти ярагъличил бегІбиубли саби, гъарахъси гъунили илди бумсахъу, урчира думсахъу...

– Даширая, дила узби, къалабахІедиркехІе. Гъунили, бикІар, адамлис гІякълу гІеббуриси саби. СабурбирехІе, сабура ахир биалли мургъила бириси саби...

ГІяскар Карбансарайлизи баибхІели, таманни цІябдаиб. Дугира бац буркъла уббухъун. Чемъурси закирад сецад зубарти цІилцІилдикІулихъар, гъуни чебаэс аги. Урчила мурдабани улхъализирад цІаликъуни адалкес биригу, вегІбекІли къадагъабариб.

АбулхІянапила «гъунили нушаб гІякълу гІеббуру» ибти гъай мардиуб. Бургъантира илдала урчира цагІяхІил дамсурли сарри. Бамсрияхъес гІягІнилири.

Карбансарайла итагІибван Хала хІеркІличи гачбикІуси диркъси чІянкІбик лебри. Илаб урдубяхъес пикрибариб:

– Гъунили кІелра дубличи къараулти бархъа, ГІяхмад-узи, – буйрукъван ахІи, паргъатли хъаркабариб гІяскарла вегІбекІли.

ГІяскар, къукънадбикили, ярагъра черасили, чебаахъибси манзиллис паргъатбиуб. Чула мякъларти сирмугла къадубази урчира дигъун. ЦабехІ итмадан, хІулбира чедихъили, рахаур. ЦабехІли биалли, хунжазибад беркалара касили, кам-гъамси къацІбарес пикрибариб.

Селрацад замана шалгІебхІебухъи лебай, хапли урчала гудуръала ва уркурла хІулрумала жаркъяръала чедихесдяхІиб. Илди дубурличибад диркъаличи лябкъутала диъни ашкарлири. ХІера Карбансарайличи дурабулхъуси къячІикІличибад кІел урчи дабгисси пургъум гъаббакІиб. Ил багълали гІяскар лебихІи гъамбикІулри.

ГІяхІмад ца гъигъла манзиллис сунела урчила къакъличив ветаур, ва илини, пургъумлис гъунивиули, урчи касбариб!

Пургъум тІашбизур. ГІяхІмадли, хІялумцІули, пургъум-алав урчи ласбариб. Пур ухІна хІеризур. Чичилрил гІяш-гІяшли гъайухъун ва, ласяхъили, Амирбеглизи жииб.

– Ну ургус гІяскарла бекІ? – серил иргъахъули, иб Амирбегли, урчира бархъбатурли, гъунчи дураулхъули.

Пургъумличи гъамиубхІели, Амирбег уркІухъун:

– ХІу? Абакаркъади? ХІу сен ишав ветаурсири?
 – ХІурматла Амирбег, гъала-гъала хІеризи пургъумла ухІна, – жаваб чар-бариб пургъумчини.
 Пургъумла бухІнаб сунела ахІерси Издагайра урши ХІямзатра лебри. Амирбегли аргъиб дахъал гъай хІяжатли хІедиъни.
 – ХІелагъуна хъубеш дудеш набра дигахъира, – иб ГІяхІмадли.
 – ХІела гъай, ГІяхІмад, мурдазиб гъуцван дархъти сари.
 – Гъу, гъанна се бирида? Кулпетра гъуниббатурли, хъубешхъалайчи Баршамайлизи чарулхъаду?
 – Муршид ГІяхІмад, хІунира масхурти далуси уилри... Гъанна дила уркІи сецад паргъатлил, эгер хІуни балули виадри...
 – Балулра.
 – Балули виадли, гъайда урдализи. АбулхІянапи хІечи хІерли сай.
 ГІяхІмад гъарахъикибмад, Амирбегли Издагайра уршира кІапбуциб. ГІур, кам-гъамти гъайра дурили, хъубеш дудешла нукер Абакаркъадичи хІеризур.
 – Гъайбара пургъум, Абакаркъади! Раахъа дила Издагай сунела бегІгачи! Нуни балулра, илди иличи хІерли саби...

* * *

Ил дуги Сайдуханна гъанкІ таманни бемцІурлири: хІулби чедихъалри, муэрлизив дудеш Чамсудин гъалаилзулри. Урчиличи мурдали. Ургъурра батаили, ца някълизи ханжал цІацІабарили, итилли гъая буцили. «Ну верцахъабая, ну дудешлизи ватахъабая!» или ахъли вявикІули, Сайдухан капарайличивад вебшилри, урчира гъабяхъили, дудеш илис гІелавадкайкилри. Вамсурли гьеркличиикибхІели, Сайдухан каркулри. ИлхІели дудешли гъая игъубли, илала хъябличибул бетарахъулри. ГІур дудешли, гІелавад илра хъусварили, виругІеб урчи гъабирхъулри. Сайдуханна дяхІ-някъ ва къяшми къаркъубани ишхъулри, сурс алавбарибси гъаяли гІяндуршулри. Илис гІурра вявикІес, кумекличи адамти музабухъахъес дигулригу, тІама дурабиркули ахІенри: сурсличибси бул гъачамличиб-гъачам дебакабирулри... ИлхІели Сайдухан чевиргъулри. Гъигъ хІебиули. Майализи гІелаикили. Вамсурли. Язихъиубли. Тахличи кайили, гІяхІцадхІи вяшхІелхъули кавлулри, кахдеш чебарбякъунхІели, сагали гІянайчи бекІ гІяшбурцулри. Сепайда, бара гъанкІ чебакІибмад, муэр тикрарбирулри...

Сунечи къакъбарили, паргъатли гъанкІлизи мурхърикибси хъунул Хачабачи ил хІеризур. Сайдуханна иличи хІятта гъимира духъун: «Секъяйда рахаурлил? Селалра пикри я шишимти агара илис. ГІяхІил саби. Илис авара агара дугели нуни ихъути гІязабтала. Гъеч аргъибти ахІен илизирад «гъари, дила мурул, гъари, дила талхъан, хІу сен сайри, хІу усес-укес вирулрив, хІу аралирив, хІу зягІиплирив?» ибти дугъби. Жан асаб хІелара, хІела талхъандешлара рикІусигъуна сари. Даруйти-архІяла хІевни къалли дарсдарес бажардириркули сари, байтарман. ДурхІначира хІеруди агара, дусра хІериубси, дила нешла у бихуси ХІялиматра рархли къаравашличи хъаркарарили, дукларурцули ахІен. Ну талхъан ветаурхІели, лергІер хамриубли сари, амрурикІесра гІелумрилзули ахІен. Дила хІукмуртира, тѧп сари халал сархІеливан, мардирес яра урдирхъес ралрилзули сари...»

– Эй, русулрив гъари? – ахирра къужрариб илини рархкъя.
 – Се биубли? Дуги дусахъес гибси саби, – ласряхъиб иличи Хачаба.

– ГьанкI агара... Вайти муэрти дашули сари...

– Балга-дугIа делчIен. Белики, дугила дехIибала хIедарили кайхьи вииши?

– Дугила дехIибала савли дирутачилра дарес вирар... Эй, чумал дуги дудеш муэрлизив чейулагу?

– Чеа, чеа, гIяхIдешлис биаб.

– Эй, муэрти кахти сари, ца анцIбукъ тикрарбирули саби. Иргьулрив?

– Се?

– Муэрлизив дудеш набчи разили ахIенри...

– Селра хIебирар, шайтIунтала муэрти дургар.

– Диаб гьатIи, сен гьар дуги ца муэр тикрарбикIуси?

– Нуни сели багьиша? Дудешла рухI садакья барахъес жидухьи дургар.

Савли мискин-пакьиртас кьацIла кьяжни дуртIахъехIе...

– Паргьатии! Гьамадли саби бурес. Шала пIякьдиркули сари, хIед биалли талхъайчи лехIризесра дигули ахIенригу, эй?

– ХIу талхъан виьни нуни хIерелира балуси саби. Ил хIебаилив? НахIа дугелира гIуркьбирхъулрив?

– Ягъари, ашна, сен хIу илцад авараагарсирив?

– Астагъпируллагъ! Сайдухан, се саби хIуни бируси? Дила гьанкI кьяб-бердили, хIела мурад бетарулив? Кери лукIулив?

– ЛехIризес ахъри агарав гъари? ЛергIер хIяясиз ретаурлиригу?

– Гьуя, дила аллагъ! – юргъанра цашалбарили, Хачаба ахъриуб, буруш-личи карииб. – ХIела набчи уркIецIи агарсив? Аллагъли хIед бунагъ биахъу, Сайдухан! Ну хIуни язихъриулла, гIязабрукIулла...

– Хьуммартид, хIу талхъа хьунул сарри!

– Талхъа хIериубли, рягIят хьубзарала риубси риасри...

Хачаба ил гъай бурес бажардирикнира, мурулла хъатли ляжилизи буцIарагахънира цугдикиб.

Харчризурли ил бурушличирад карацIиб, дяхIличи хъутрира чедуцили, ахъли вьавбяхъиб:

– Балулра! Балулра! ХIу талхъан сайри! ХIу жаллад сайри! Карушаба! Карушаба, илцад гьими лебли гIергьи!

– МухIли буца, нажас! – сагаси бяхъли Хачаба чIябарличи чIикьритIахъун. Аммаки ил рахъIи чIябарличир кахIелун, кункли харчризурли, ахъли агъира бяхъили, хъулирад дурарухъун.

– Рукъен, байтарман! ЖягIял дила гьалар кьукьмусрикуд! Балахъис хIези нуни талхъан чи вирусил!

Сайдухан, паргьатагарли хъулив кьунз-кьунзра ухьи, гIурра тахличи геризур. Юх, иш гьакIлис илис хIулби чедихъесра хIебикиб.

Гьала-гьала шила ца кьатIлизиб ламбухъунси цIала ламили, гIянручIла шалдаличил улкьайлабад бухIнабикили, хъали шалабариб, гIур кьяяма чедакIибтигъунти вьав-гъав адердиб.

«Ил се гIяламат бируси? Чи саби цIадикьурти? Шанти пунтбиублив гъари? Чила сари илди накьрагъунти тIама-гьама? МехIурбиублив адамти? Чина хIербикIути дила нукерти?» – Сайдухан удирти палтарчевли жаняхIлизи дуравхъун. Илар иличи гIячихъти гъай чедихесдяхIиб:

– Кавша Аллагъла душман!

– УркIецIимабиридая, ил хIиллакар сай!

– Цалра нукерлисра уркIецIи мабиридая!

- Илди вайнукъябачи ЧевяхІси Аллагъ акибси сай.
- Чинава талхъан?
- Талхъан чинав вирара? Базла буршанив ургар...
- Гъари, хъярхъдикирая иличи!
- Илра каршехІев?
- Юх, илис танбихІ жамигІятла дивайчиб бирар.
- Даширая гІеларад!

Сайдухан уркІухъи зер-зерухъун, хъули чарухъес дигули левли, къапур хямкдарили, илала къуллукъчи дакІуухъун. Ганзухъличивад дущІли чевяхІяхъ-или, ил талхъа мякълав ветаур. Къуллукъчира хъарала къякъван руржулри.

- Дила талхъан, илди иша лябкъули саби!
 - Чи илди? Чихъали? Чи саби дила паргъатдеш буэс бирути?
 - Уцуми РяхІимханна бургъанти. Илдани чичилра уркІеџибирули ахІен, дила талхъан. Лебилра кабуршули саби...
 - Се багъандан? Се бетаурли?
 - Нунира балуси агара, дила талхъан... ХІед нуни урчи балкъаахъурра...
- Сайдухан къагълири. Бетаурси анџІбукъ, бакІибси балагъ иргъули ахІенри: «Уцумила бургъанти иша сен бакІибти? Илдани набчи чябхъин сен барибси? Се бетаурли? Иш се къияма сабси дила юртлизи хъурабиубси?»

- Дила талхъан, илди чесабиули саби...

Сайдухан ахирра аргъайчикиб ва къуллукъчис гІелавад къалабали азбарлизи каџІиб. Улибхъачебси урчи гъаббуцили, къуллукъчини талхъайчи гъамбарибгу, гІебикІра бячи, рахли къапу гъаргдиуб. Илабад, шушкІнира гъуцира ахъдуцили, бурямван хъярхъли биштІаси гІяскар азбарлизи бухІнабикиб. Бургъантас гъаввашули АбулхІянапи чеибмад, Сайдухан каркули бара калун, урчира бархъбатурли, гІелавяхІ хихиуб. Ца гъайра дурахІебикиб. Алав-гъалав кахдешличил хІерилзули, урехи гъамбиъни иргъули, левси мерличив гугииб.

– Улген ЧявяхІсизилизи, жарга няс! ХІела сягІят сабаили саби! – ГІамадариб АбулхІянапини, шушкІара ахъбуцили, иличивяхІ ветулхъули.

Ца гъатІи зимла манзил – илини Сайдуханна бекІ чеббушес асубири. Бургъанти-ургав хапли дакІуухъунси муршид ГІяхІмадли вявбяхъиб:

– ГІаш, дила вегІбекІ! Илкъяйда асукІебирар! Уцуми РяхІимханна буйрухъ илгъуна ахІенри!

- Се декІардеша? ХІиллакарлис капур бекІа баибси саби!
- ХІурматла АбулхІянапи! Сабур! Сабур!

ГІяхІмад сунела вегІбекІличи гъамиуб, илала хъуџІарличи някъ кабихъиб.

Ил манзил бургъанти чебухъи, Сайдухан уциб ва гъаяли, урца халаван ласварили, вигъун. ГІур ил хъусварили азбарлизивад дура арухиб...

Гъазагала шилизиб дураберкІибси гъазават къукъулис гІергъи лямџІгъуна сабри. БерхІи шиличи хІербизес балкъхІеурли лебай, талхъара, илис марти нукерталара, илгІебти узи-уршилара аги ибгили бекІбиуб. Кабушибти ва бяхъибти шила дурабси дургІелализи арбухиб...

– Эй, Гъазагала жамигІят! Лерилра хъярхъли ГІялила Шурличи цаладикирая! – вявбяхъиб мангъушли, џІурличи чевяхІяхъили.

ХІерила манзиллис Гъазагала шила ва алавити верхІелра махъила адамти ГІялила Шурличи цалабикиб. Илдала бахъдешли алавла џІударкабарилри. Аммаки илаб лехІдеш сабри. Кахси. Урехила. Чархла биркІанти чекавцибси. УркІби шипІдяргІяхъибси. ЛехІли, хІерли, я уздентани я рягІят адатани ца

гъайра дурабиркахъули ахІенри. Илгъуна ибкъдеш аргъесири, сенахІенну илдани балулри, Гялила Шурличи манкъушли адамти ца ити жихІебирни. Балулри, гІяхІси хабарлисра ила цалабиркути хІебиъни. Гялила Шури дунъ-яличибси жагъаннабла, такъсирчибас бегІла гІергъиси ванзала ца бутІа сабри, сунечибадра даимси ахиратлизи, ЧевяхІси Аллагъла дивайчи гъуни лебси...

ХІера, шурла дубличи гІяскарла къасапчибани някъби-къяшми дигъунси Сайдухан киб. Мигла халаси хъитІала гъала ил къукъубачи катур. Шила маллани, някъбира гъадатурли, балга бариб. Гур бекІ къасапчини, «Аллагъу акбар» или, шушкІа гъаваличиб лямцІбухъахъун.

Гялила Шурличибад Сайдуханна чеббяхъибси бекІ къадала гербухъун.

Таманкадиуб Гъазагала хІиллакарла ванзаличирти талхъандеш...

ХІякъдеш чебарбякъи, камси гъатІи замана шалгІеббухъунхІели, Гялила Шурличи уцуми РяхІимханна вакил АйдамирхІяжи дуравхъун. Илини суранна капІи-кагъар гъаргбариб ва уцумила шайзибадси сагаси хІукму белчІун:

– ИшбархІиличивад Гъазагала ва алавти махъурбала жамигІятлис талхъан Цуриша махъила уздан Амирбег сай. Икрамбарая сагали викІибси талхъайс! Лебилра цалабикибти, Уцуми РяхІимханна амрулис мутІигІбирули, къукъубачи кабизур...

* * *

Дубуртазир аргъ-бархІи гъалахили дагъес хІейрар. Яни шалгІеббухъес жяввил замана баили биалра, хІера, иш ну, гъачамлис хІушачибад гъарахъ-бикес къас агара бикІухІеливан, биаркабиилри.

Гъазагантлис биалли илди бурхІназиб яни лебгІеб сахаватбиуб: дяхІи бариб, дяхІи ибхІелира, урчила каниличи баэсицад. Шимира махъурбира дяхІила бабза хІякали сунела уди дигІяндарибтиван детаур. Илдала мицІирдешличила балахъути къяпІурби сари, чузирадра мер–мерличир гав ахъдирути.

Илди бурхІназиб яни бикІусигъуна сабри: «Эй, гъазагант! Эй, махъикунт! ХІушала бунагъуни дахъдаили сари, ванзалис илдала декІси мах бетатурли саби. Ил хІили иркули, цІали игули, язихъбарилрая, эй, адамти! Ташдизирая, пикридухъеная. ХІеб гъамдиубли сари, хъубзурас бахъхІагарли дурзмачил хъумачи дурабухъес гІягІнибиркур. Гъе делгІуси някъ умуси биэс гІягІнили саби, бунагъ-хатІализибад гъарахъси...

Гъанна нуни дяхІила юргъайу хІушала бунагъуни дигІяндарилра, гур хІебли дяхІи шинничи шурбалта: кІух или кадухъунти хІуркІбани хІуша умудирурая, хІушала бунагъуни, гъими-къяс, душмандеш чучил дарх арху... Белики, илхІели паргъатдииша, эй, адамти! Белики, илхІели ряхІятли батиша ванзара. ХІуша сунечир акІубси, хІердируси, далхуси, хІушала никІабас челябкъла лугуси ил мяхІкамбарая. Замана баили къалли, эй, гъазагант, эй, махъикунт?!...»

ТабигІятла жи аргъибхІеливан, илди бурхІназиб Гъазага хІиллакар талхъунти Чамсудинхъала насаблизибад умубарилри, хъунул-дурхІя, уркІецІибарили, мицІирли батурлири ва гъарахъти шими–махъурбази, шаригІятла диванна хІукму хІясибли, дуракаилри. Сайдуханна хъунул Хачабас дурхІнира сарра Уркухъла хужаим, илала дудеш ХІяжимаммачи чаррухъахъес пурбанбарилри. Амма илини Дибга гІяялизи, сунела гъамти адамтачи рархъахъес тиладибарилри. Гъанна гъазагант ва махъурбала жамигІят азадли гъигъбухъунтиван сабри. Илди, гуж-зулмулиубад ва урехилизибад азадбухъи, даршуси хІянчилизи ахъес хІядурбикІулри.

Ге, гІямру даимдиубли сарри...

ДяхІила кІиликІмар халаси лагра ахїили, урчила кІел мурда БацІари бехІ-
личи баиб. Гъаввашуси АбулхІянапини, илаб багълабирули, балга бариб ва
«патихІя» иб. Илала муршид ГІяхІмадліра някъби гъадатур ва алхІям белчІун.

Илди кІелра гъуни буртІуси хІябкъяйличиб сабри: илабад ца гъуни, Урка-
рахъибад бикили, Хайдакълизи аркъусири, итил – СирхІязи.

– Багъадур ГІяхІмад, таманкадиуб нушала дягІватуни. Чарулхъаду хІела
махъилизи?

– Чарулхъас, дила вегІбекІ, набчи дила ханарлан исбагъи Сумайгъанат
хІерли сари.

– Илизиб саби адамла талихІ: вегІличи чи-биалра хІерли виъни. ХІу игъ-
барла вегІ сайри, ЧевяхІси Аллагъли хІу хъумхІертури...

– ХІурматла АбулхІянапи, ваши набчил варх, нушала махъилизиб хІедра
гІямзи бургехІе, ца ахІмакъ абала исбагъира рургехІе...

– Баркалла, дила узи, вазипа цархІил саби наб къисматли баибси.

– Дила вегІбекІ, ну шакикІулра: хІела архІя гъарахъси саби. Пикри бар-
схІебарилрив?

– Юх, пикри барсбарили ахІенра: гъарахъси саби, рахли Аллагъ икъала-
виалли.

– Уцуми РяхІимханни хІу сунела гІяскарла халалварес дигни аргъира
къалли.

– Юх, хІейрус ну ургъан ветаэс, дила виштІал узи. Ну муршид сайра,
муршидли кара кавлас.

– ХІебиалли, хІу ГІярабистайзи аркъяд?

– Шукру биаб Къудратла вегІлизи, ил саби дила калунти гІямрула къас...
ХІуни балулри, дила бунагъуни дахъал сари. Нушала дурхъаси МяхІяммад
идбагла, сунечи Аллагъла саламти даъ, мулкличи ваз хІясратліра. Илав
улгули-учІули, белики, ахиратла камси-биалра гІяхІдеш баргишану...

– Биаб хІу викІуси, хІурматла АбулхІянапи!

– ХІела дуцибти хъалицІара, дила виштІал узи, талихІла диаб. ХІела
махъикунтла уркІбазиб иман имцІабиаб!

– Гъарбизаб хІела сапар, дила вегІбекІ!

– ХІедра гІяхІси сягІят бираб, ГІяхІмад-узи!..

КІелра урчила мурдаби хІябкъяйличиб декІарбикиб.

Тяп ил вахтлизиб кІел адам гІурра, пикрумала табтар сабирхъули, ля-
къирбикІулри. Илди сабри ЦІуриша махъила уздан, гъанна биалли Гъазагала
талхъан, Амирбек ва илала рархкъя Издагай.

Махъила гъалабси, дяхІилизибад умубарибси зехниличи, хала хІякнира
чесадуцили, мурул-хъунул кабиилри ва удиб, шурмала халаси къукъличиб,
дыхІила къапІаличи мешубикибси Гъазагала шиличи хІербикІулри. Махъила
итатІибван, дяхІилизибад чІумаси къала бетарахъули, Издагайла нешла рузи
Бикаханумра виштІаси ХІямзатра бархилри. Ил хІяз Бикаханумли пикриба-
рилри: дяхІила таманни халаси къала бетархІели, ил махъила удибси къа-
дала гербалтусири. ХІямзат разилири, бугІярдешли ва дяхІили дяргІяхъили,
хІунтІендиубти дяхІ-някъла илис авара аги.

– Дила Издагай, хІуни иргъулрив, гъанна нушаб махъи бархъбатес гІягІ-
нили биъниличила?

– Иргъулра. Кашки ишар кавлуту диахІелри...

- Нура или викІулрагу, гІур се биру, чебикибси мах бихес гІягІнили саби.
- Вай аман, Гъзагала талхъандешла мах бахъ зугъаси бирар къадин?
- Балулра, кункли хІебирар, дила иличи я хъул лебси ахІенри.
- Уцуми РяхІимханнис сен хІу талхъанварес гъанбикибсира?
- Нуни хІебалас, ашна, набзи илини дубра хІехъиб.
- РазихІейкибси виадри?

Амирбег гъинчІизур.

– ЦацахІели хІунира се-дигара бурулри. РазихІейкес я разиикес дила ахъри лебрив? ГъатІи чила леба, илала амру бихусила? Хайдакъ-, Даргала талхъа амруличивад чи чевулхъана? Ишар, дила ашна, диги-хІейги лерти ахІен. Сунес марси къуллукъ хІебарибтас, илини сегъуна танбихІ гІеббиахъулил, хІуни къалли чебаири...

- Чебаира... Вай аллагъ, гъаннара ит кахси сурат гъанбиркули лебал.
- Ил бахъла уркІбазиб дусмадли гІурра кавлан.
- Амирбег, талхъандеш дарес хІу бажардииркуду?
- ХІебалас, Аллагъ сейкІулил, илала икъайчи иман бухасли ахІенси...

ХІуни кумекхІебириду?

- Дати масхурти, нугъунти кумекчиби хІед хІяжатхІебиркур.
- МарикІуд, ашна. ХІу мякълар агарли, нуникІун гъанкІра ахъес вирули ахІенра.

– Наб гъанбиркули саби, хІу гІяхІси ва духуси талхъан ветаруд или. ХІу Сайдухангъуна лебдешличи гъаргъси зулмукар ахІенри. ХІуни цалра адамлис вай барили хІебалас. ХІела някълиубти халкъличи, балулра, ряхІму бирид. Махъурбала уздантира рягІят халкъра пикрибулхъан, илдани хІела амру-на-саб диху...

– Баркалла, дила Издагай, ну уркІичеввирнилис. ХІугъуна рархкъя лерхІели, талхъандеш даресра гъамадли бирар. КІел уркІи цадиалли, бикІар, закирад зубарти касесра вируси сай.

- КІел майкІуд, хІябал викІен: нушала ХІямзат гъатІи?
- Рархъли рикІулри, нушала ХІямзатра ЧевяхІсини нушачил варх ватаб. Рархъкаратурли къараваш Бикаханумра, сунечила гъайбикІни аргъиб-хІеливан, ХІямзат гъамиуб. Илини «Аба, ма хІед сабухира» или, Издагайлис дяхІила биштІаси къала гъабуциб.

- Вай, дила гІязиз дурхІя, наб дяхІи се бариша?
- Беркен, зизинира беркун...
- ХІунира беркунрив? – Издагайли, хаприкили, ХІямзат кІапІуциб, ляжиличи малхІямли байдариб.

ХІямзатли «хІунира беркунрив?» ибси суайс жаваб чархІебариб: дагра ил сабабли неш черухъунсири. Илини хІулбачи чекабаибси чубкрар мукъарла къапІа ахъбариб. Ляжи кІибутІбарибси хІунтІена хІяна гъаббакІиб. Ил зимла манзилли Амирбеглисра Издагайлисра никІа уршиличи Халал ГІяялизиб бяхІягйбси балагъ гъанбикахъиб.

- Гъу, абас ват, укъен гъанна зизи Бикаханумличи: ил хІечи хІерли сари. ХІямзат гъарахъикибмад, Издагай муруйчи хІерризур.
- Дила Амирбег, нушани мяхІкамбируси дигІяндешли ну къакъарикІахъ-улра, рахли багъалли...

- ХІу ХІямзатличила рикІулрив?
- Гъайгъай... Уцуми РяхІимханничи ил дигІяндеш баалли, чини бала, се бетарарал.
- Илаб урехи чебиули ахІенра, дила ашна.
- Гъаникахъа Сайдухан! Халал ГІяялизибси хІилла дигІянбарни илис дурхъали кабизур.
- Ил анцІбукъ декІарси саби... Нушани кавшиб-вяхъибси агара, хІилла хІебарира. Нушани ГІябдулмажидла урши бекІализивад верцахъира, ил нуша–дегІси даргла уршиван хІериулла... Гъари, хІу рахъ цІакъли мурхъ-мариркуд, Издагай. Лебтанилла ХІямзат нушала урши виъни балули саби. ХІебалуси ца ХІямзат сай. Аллагъ чевверхаб нушачивад!
- РяхІман Аллагъ, нура или рикІулра.
- Гъу, дила Издагай, дахъал гъайли чисалра пайда хибси ахІен. ХІу хІядурлирив Гъазагала шилизи гечриэс?
- Ну къалли хІечил рарх цІяб хІябла рукъесра хІядурлира.
- Баркала, ашна, набра хІу разили дигулра.
- ХІела бегІтала букъур иш Цуриша махъи се бирида?
- Ишав букІун АмирхІяжи сунела хъалибаргличил кавлан. Илис кумеклис гІурра букІуни бурхъис.
- Я дурхъаси Аллагъ, хІуни гІевуца дила талхъан...

(Цаибил бутІа таманбиуб)



МЯХІЯММАД ТАХСУРМАНОВЛИС – 85 ДУС

РЕДАКЦИЯЛА ШАЙЗИБАД

МяхІяммад Тахсурманов акЎбси сай 1933 ибил дуслизив Лавашала району МикІхІила шилизив.


1953 ибил дуслизиб илини МикІхІила урга даражсала школа, 1957 ибил дуслизиб ДГУ-ла филологический факультет тамандариб.

МяхІяммад 1957 ибил дусличивад вехІихъили шибархІиличи бикайчи 56 дус Лавашала районна школабазив учительли, директорли, районна методический кабинетла заведующийли узули калун.

Тахсурманов дарган мезла ва литературала чебяхІси даражсала учитель сай.

Дагъиста Республикала урибси учитель, Россияла Федерацияла цахІнабси багъудила хЎрматла хІянчизар, Россияла Федерацияла журналистунала Союзла член, Россияла Президентла премияла лауреат сай. Ил хабуртала, очеркунала, новеллабала, назмуртала, повестунала автор сай.

Нушани МяхІяммад уркІи-уркІилавад мубаракирулра. ГЎрра арали, вахъхІи-вахъхІи узули кали дигулра.



ГІиса ГІЯМАРОВ

ХІЯЛ-ТІАБИГІЯТ ХІЯЛАЛСИ

(М. Тахсурмановлис)

**БерхІи башар, Бац башар,
Къар дашар, вавни дашар,
Адамлис дуги-хІери
ХІябра хъярхъли ардашар.**

**КъакъамайкЎд, МяхІяммад,
ГІямру аркъули или,
ХІуни убатурси анхъ
Бяхъилину вавали.**

**ЧебяхІси бузерила
ХІурмат сархес виубси,**

**Дагъиста дубуртазир
Аслу-мина умуси.**

**МикІхІила гІяхІгъубзнала
ГІяхІ хабар дерхахъурси,
Шила шанти багъандан
Жанра дедес хІядурси.**

**ХІял-тІабигІят хІялалси,
МухІлила гъай муриси,
Адамдешла битІакІла
ГІяхІил мягІна багъурси.**

МикІхИла лусентиван
Чумаси гъабза сайри,
ГІямрула гъазализив
Халкъ бикул байрахъчири.

Ца мургъила, ца арцла
Къаркъуби кадирхъули,
Къала хІуни белшунри,
КъардхІевхъи гІямрулизив.

ХІуни бяркъур дурхІнала,
Эгер баралри гІяскар,

Даршудешла байрахъли
Абзур дунъя кІапІбурци.

Удатур галгубала,
Эгер ца анхъ баралри,
Марлира, абзур дунъя
Даимлис вавнабирхъи.

ХІу лукІуси къаламра
Мар мургъила бетааб,
ДелкІунти жузанира
Гарчли къасурби дицаб.

ХІябиб КЪУРБАНОВ

ХІЕД ШУЛА КАБАЛТУЛА

Мубаракирулри хІу
Нунира кІелра някъли!
Тяп дерхъиб хъуван дерхъаб
ХІела гІямру кІинякъли!

ХІела ученикунас
Тяп хІуниван, МяхІяммад,
Кабалтулра нуни хІед
БегІла халаси къимат.

Адамдешлизив гъавкъя,
Баркъ-бацлизив багъадур,
Илкъяйда гІямру деркІни
Гъунарличи абиркур.

Абхъири ши-шилизи
ХІуни дахъал гъундури.
Дурхъал Аллагъличира
Хан гъуни кабихъири...

Сепайда, бамкъур къадин
ХІела хІялалси байрам.
Рахъ ахІмакъ хъунуй хапли
МяхІрумватурри, мяхІрум.

БусягІят хІед хъунулван
ГІягІнисира хІебурги...
Пакъир гъанрикахъили,
Гъу, гІяшдурцехІе букІри...

ГІяли-АсхІяб МЯХІЯММАДОВ

МАРГЪЛИЗИВ ЛУКІАНТАЛА

МугІяллим Гъазим-Бегла,
Мухбир газетабала,
МикІхІен гъабза кайзурси,
МяхІяммад пагъмучевси.

МанпагІятси гъариллис,
Марси бусурман диннис,
Мугъурчевси адабла,
МяхІяммад – инсап лерси.

Маргълизив лукІантала
Мисаллис уресгъуна,
МягІдан дарган дугъбала,
МяхІяммад – ламусчевси.

Милигсиллис мадарес
Малайкла шин хІядурси,
Миг галгала урцулван,
Минализив чІумаси.

МяхІяммад
ТАХСУРМАНОВ

ГИЛМУЛА ДЯХИИМЦАЛА

Поэма

(Машгърси гІялим, гІлмуртала доктор, профессор
БяхІяндов Багъаутдин Мустапаевич гъаниркахъули)

1.

ГИЯЛИМДЕШ, МАШГЪУРДЕШ

Педагогикала гІлму –
Сахаватли дегІунси,
Доктор-академикла
Ахъти уми сархибси.

ЧерикІла адам сайри, –
ГІлмулизив гІялимси,
Кайзурси гъабза сайри –
Къакъбяхъли ветаурси.

Хабар тІинтІбиуб хІела
ВатІайзиб, ватІа дураб,
Гъеч сигхІебиахъубри
ГІлмула къалам-дуруб.

ГІинизла бекІ урунжван
ПарчикІули гІякълули,
ВелгІусири хъубзарван,
ГІлмула дурхъал гъели.

Чумра дубурлан гІялим
ГІлмулизи кибтири,
ХІела икъай илдасра
Дуклума дедибтири.

ХІела мурхъси пагъмула
Калун хабар халаси,
ХІуни делкІунти жузи
Агара хъумартурси.

ХІезир лерри дургъбала
Янсавла тІемти дебшра,

Лерри адаб-хІяяла
ХІекъли хІялалти дебшра.

Мургъи-арцван ухуси
ХІу гІялим ветаурри,
ХІед гІелабад лябкъутас
Къиблама ветаурри.

ХІекъала ва Тилбайла
Дубургала бургачил
ХІу цугси ветаурри
ХІела пасихІдешличил.

АкІубсири, хІу гъабза,
ГІяхІгъубзнала шилизив,
Минала маслигІятла
Хабардерхур къамлизив.

ГІлмула пикри-хиял
ХІербирули, «буцІули»,
ХІела духуси гІякълу
Бири гъаман бузули.

ГІялимтала мугІяллим,
БяхІяндхъа Багъаутдин,
ХІела халал гІлму хІед
Бетаур кІиибил дин.

ГІлмуртала зубразив
ХІу, микІхІен, Зубарири!
ВатІа гІялимти-ургав
ХІу верхІ-рангла ЗурхІябри!

II.

АДАБ-АДАМДЕШ

Хела хІяяла ахъдеш
Бурес хІейрар бурули,
Сабур-яхІла халадеш
БелкІес хІейрар лукІули.

Адамдешла дурхъадеш
ДихІусири хІялалли,
Машгъурдешла гъавлис хІу
ВетхІеурри я лагъли.

Адаб-хІяялис марли,
ХІериубри гъабзаван,
Гъабзадешлис чІумаси,
БяхІяндхъа Багъаутдин!

Адамдеш детхІехъахъес
Къарауйчив виради,
Халкъ пасадхІебиахъес
ГІякълумани угъади.

УрхІла децІра хІелаван
Бири хІела уркІилаб,
ДуцІли виради муръа
БиубхІели шилизиб.

СубхІянван садирхъули,
ГІямру деркІири сагъли,

Халадеш, хамдеш, пахру
УркІилизир агарли.

Халал гІялим виадра
Халадеш хІебуцири,
Хела бахъал гІяхІлази
БекІ гІяшхІебуцахъири.

Хъярбукан Камал-ази,
Халкъла шягІир Сулайбан –
Чумра бири гапличил
ХІечи башути гъаман...

Заблис гІергъи зурхІябван
Гъунивиади гІяхІлас,
Гъаглиубад берхІиван
ГъаббикІути даргантас.

Ялавкардеш, хІярамдеш
Сари хІела душманти,
ХІед язихъбилзутири
Инсанти илдас марти.

ХІела малхІямти гъайли
Гъав-гъира халадири,
ХІела гъайла гъирали
Разидеш кІиркабири.

III.

ДУРГЪБИРА ГЪАБЗАДЕШРА

ГІяя-къакъала дергъла
Гъабзадеш дудешхъала,
Тикрардарири хІуни
Дургъбазирра ВатІанна.

Душмантази бекІала
КъутКъудеш багъахъурри,
Айкъурти дубуртала
Гъабзадеш мардарири.

Дубурланна гъабзадеш
Байрахъван ахъдуцири,

ХІярхІубала заблиув
ХІекъли дебшлавииубри.

Гъабзадешлис, ламуслис
ХІекъаличив ахъсири,
ГІяхІялдешлис, мардешлис
Варачайчив хъярхъсири.

Къиянти зугІлумазиб
БетхІехъахъири умут,
ГІямрула бурямтазив
ВикхІейкири хІу къукъмус.

IV.

БУЗЕРИ, ХІУРМАТ-ХАТИР

Хіуни дегіунти гьела
Сабухъ халаси саби,
Хіуни гьуни бедибти
Гіялимти бахъал саби.

Бахълис гьаргкабарири
Гіилмуртала дигіандеш,
Гіилмула гье дегіунри
Бучіантала уркібази.

Гьал жузличи абикиб
Духем хіела жузала,
Ил хазнаван кали саб
Бучіантас ишбархіла.

Шимазира вашири
Гіилмуртала хунжачил,
Чуйнара чарухъунри
Гумайла гіякълумачил.

Усни, укни ва бамсери
Ца шайчи лайдакіли,

Хіялалси бузерили
Сархири чихъти уми.

Хіуни делкіунти жузи
Дучіули сар гіялимта,
Мухілила гьай мургъила –
Багъаутдин Бяхіандхъа.

Хіу узул авидлизив
Ветаурри машгьурси,
Хіу кайрул мажлисличив –
Бегілара хіурматчевси.

Гіялимти бахъал хіуни
Хіядурбарри узули,
Илди хіед икрамбикіар
Бузерила маргълизиб.

Микіхіентла хіурмат-багъа,
Гьалмагъунала къакъбяхъ,
Гьаннара гіялимтала
Сайри умутла байрахъ.

V.

АХИР

Кавлад хіу муртлисалра
Адамтала уркібазив:
Гіялимтас – нур-чирагъли,
Бучіантас – гіибратчевли.

Хіела гіилмула дурсери
Хьумхіерту гіялимтани,
Хіела пасихікар жузи
Дучіа дубурлантани.

Ахъли, гьарахъли, тіинтіли
Кавлад шалаикіули,
Зубрала зубариван
Дунъяличив ухули.

Дагъиста пачалихъли,
Барили хіурмат халал,
Тах шагъарла къакъялис
Бедили саб у хіела...

Нурла берхіи абулхъаб
Хіела дурхъал хіябличи,
Верхірангла зурхіяб рурхіяб
Дугелира иличиб.

Алжанна нигіматуни
Насибдиаб хіед деркес,
Виубрину хіу халкъла
Уркібас шала ветаэс!

Поэзия

ШапигI
МЯХИЯММАДОВ



НАБ КАЛУНСИ ЦА САБИ

ТИАМАДАРА

Дакъвали диркъ ургуба
Чуйна чедидяхъира,
ДуцIрумла аргъ дяргIибти
Шинни чуйна дужира.

ХIянчила маргъ хIечил барх
Чуйна гъунчибушира.
Варъали дицIиб вавни
Чуйна савгъатдарира?

Бахъли шалати дяхIла
Суррат чехIебиулра,

ХIечи карцIиублира –
УркIи бархъли бурулра.

ХIечила гIяхIси, вайси
Хабар бахъли хIергъулра,
Къисматлис ил хIейгеси
Муэрлизив ургъулра.

Тиамадара. Лерси мер
Бура, урузмакIудну,
ЦархIилталара гIямру
Нушалаван дуцIтину.

МАРТИ ДИГАЙЦУН САРИ

ГIебшни сари дилкъули,
Заб-марка дахъдикIули,
Каспи паргъат-пашманни
Адамта бархъбатурли.

Дублав гIашлира, далай
ГIяшли вайли иргъулра,
ЧIайкабала хIязтаци
ХIясратли хIерикIулра.

Манзилла арилиу
ХIебиркуси агара,
КIарали уббалтули
Бисули саб биризра.

Марти дигайцун сари
Манзилти хIедалути,
Дурав, хъулив, гъанкIлизив
Шаддешли гIевурцути.

НАБ КАЛУНСИ ЦА САБИ

Хела дяхла херизни
Бетаурли сабабли,
Рирхаи варгира ну
Ур хедиуб дигайли.

Варгилицун хетурли,
Вигунра хези кункли,
Баршиб чугурла гиван,
Цадешлис уржахули.

Хела хялла зурхябли
Сецад ну халхерасра,
Хела исбагы чархли
Лев мерлав вацяхъира.

Гелавяхл ласиубли
Дяхцилис геваира,
Гъанаур, дяхван алки
Тамашали дяхцира.

Пикрумала варачан
Чархкадли куртбикфули,
Тамашала пигълуми
Дагырили лер дирифули.

Лер илдазир дигайла
Милиги ахъахъести,
Гъарбизли гевуцасли,
Алавти къясбиести.

Лер зукъити, къуткьути,
Сурслизи дарцикибти,
Белики уркилабли
Ташси ватирхъахъути.

Наб калунси ца саби –
Гъалаухъи ташаэс,
Цара шинра аурли,
Хела уркила кацес.

ГЕХИЕЛ ТУГЪЛА

Арцла зубартала хеб гъамдарили,
Салам луген савли чевсаргъибхели.
Чархла азир бирклан думхяр харили,
Набчи карцли сарни якъинбиубли.

Тумази мурхъбирар ил хела асар,
Гъанкагар дугила макъамти урцар.
Дирихъли буцили, заблис хядурси
Закла дай берхили бурцу ванаси.

* * *

Хуни кункли кайцул ганзла къел-херзи,
Уржавлан аръаван клапращир къарла.
Нурани атлунти рурхул клунтби,
Хъумхертю, карцбирар херъиб гъункъяби.

Агь! Исбагы лерри ху чириадра,
Ца игъбар черас къадарбиънира.
Херриуси манзил къаршивикнира,
Херли хела сурат касес бикнира.

* * *

Дигайла ругерта чябхьин бирули,
Хелтулра ца бархИи, хІу гъарахъХели.
Къараулра хІеркІла гуми буцили,
Савли гІинзи шичи ляркъян икІули.

Сепайда, цуннира гъарбиз гъарахъли,
ЧяХИла хъамхъаван чарх саб бицІули.
Черазс, гъайрарес ахъри агарли,
Пикруми дамкъурли, тІашлира хІякли.

* * *

ХебиртІур ихтилат хІечил даимси,
Пикрума бацІбалта уркІи бяргІибси.
Кари, гъайрикІен, хІу сен тІашсири,
Варх лявкъяс хІечил ну, хъайгІи аркури.

Хебилшан барибси лякъирла шала,
Наб рурхІули кавлан хІулбала шала.
Гъавла гъарзадешли, малхІямти гъайли,
Багъа ахъбуцади хІела сабурли.

* * *

Урхъу дубла цІуэр цІала анкъиван,
ЛамбикІар дуцІрумла хІед аргълизибра.
Илгъунти сар дила хІечи дигайра,
ГІямрула бурхІнала гъарил аргълизирра.

БерхІила нурана урухдарибти,
ГІяршла зубартиван савли дилшути.
ХІела хІерла вавни шявмадирахъид,
Ил сабабли набзи цІумра майрахъид.

* * *

Дигахъис исбагъиби
Саберхурти, сакІубти,
ИшбархІила, жягІялла
Анкъила хужаимти.

Нешла мез хІилизирти
ГІядатунас мукІурти,
Дубурла чехъериби
Неш ВатІайзиб машгъурти.

* * *

Гъуни лебтас биаб ца
Дякъ гъарилла декІарси,
Тилади, ну викаба
Дякъкадли хІу рашуси.

ИлхІели кІидехІ гІямру
Дирар даим вавназир,
Цадешли хІулдуркІахъу
Чилла агар дусмазир.

Ну берхИли ванзаван
Шала-ванаирули,
Забли гЯнжила кьякьван
Карзахьесра рируси.

* * *

ХІу сарри, цацун сарри
Урки-хІули атІунси,
ГьарахьхІели бируси
Набзи хьумкартахьуси.

БекІаагарти гІямру
Игьбарла, талихІчерти,
ВеГлис, бегІтас, алавтас
Дигуливан деркІибти.

* * *

БекІаагарти дигай
ГІяламли мяштІдарести,
ГІямру, риганай, хьали
АхьихІир хІердарибти.

Ризкьи кадерхни кункли
Буру урхамла сяхьхли,
Урки дигайли алкни
ХІела ванаси хІерли.

* * *

Яни шалгІеббулхьули
Саби ца-кІел жумягІли,
Угай абала вавни
Лерхис хІерлис савгьатли.

Исбагьибачи гІяйир
Баласра, хІярхІебирар,
Дунья бузахьул хІязла
Багья усалхІебирар.

* * *

Сепайда, ил гІяйирли
Гьарил дуравхьес хІейрар,
Арц, замана ил барес
Гьарилла дирхІедирар.

ХІед дигуси, жагьхІели
Кьисматли царарибси,
Ил хІед дуньяла талихІ
ГІямрули гьабуцибси.

* * *

ГІямру дигуливан
Игьбар – деркІес бикнира,
Дугурби гьанкІагарли,
Кункли шалгІердулхьнира.

Дигести дугьбачил чяй
Дужис чакар агарли,
Чархлизи хІела хІерли
Марайдеш кертІухІели.

* * *

Хьумкартадра зе какьес
КьацІ букас велкьаслира,
КІунтІби, гьамсариубли,
Дила ванадарадли.

ГІямру деркІибти бикІар:
Кисалар арц камхІели,
Гьарил инса гьар манзил
Бирар урки паргьатли.

* * *

Жагьти арцличи карцІти,
Гьав ахьлицун дигути,
БикІар: арц агархІели
Сар хатІаби имцІати.

ЖагъХели дагъри сархес
Хела къас гъарбизуру,
ХІанхЕли сабухъ бучес
Вируд урузХекІули.

* * *

ИлхЕлира гъансаркур
ГъарХедизур къасани,
ХІандешла талихІ кункли
Хъмуртахъу илдани.

* * *

ХЕла бамкъурси хІерли
БегІ гъалав ну вяхъира,
ШалгЕббухъун талихІли
ХІу цунратни багъурра.

Бура, бархъсив, ахІену
ХІечила дила гъанбик,
БяргІилив уркІи, анкъи
ДуцІар дигайла цІабилкъ?

* * *

Хъунул адам муруллис
Лагъ ва малаик сари,
Муруйс къияндикалли –
Хамси дубура сари.

ГІямру, дунъяла ари,
ЦахІнаб лебдешла ахъри,
Дигайла давла, талихІ
Лерил сунезир сари.



Гъанна кІякъяшан буцІа
Дираллира палакат,
Хивала галгубазиб
Леб халаси баракат.
ГяргІяла гидгурицад
Хиви дашар халати,
СецадхІи дихІядлира
Гъеч заяхІедирути.
Галгала умхализиб
ХІербирули ярма леб,
Ярмалис яшав барес
Эркинси напакъа леб.
Дурабад чарбулхъути
Гъункъяба хъурабиру,
Гумай барари лебси
Базула дяхІцІилиуб.
Забли ургъул аргъелизиб
БукІуни илаб бирар,
СенкІун хивла кІарани
ХІебиру забла хабар.
БерхІи буцІарбиалли,
МицІираг илар дирар:
ГІибяхълалис гІур гІяхІси
Мер цархІил баргес хІейрар.
Хивлизиб умхара леб,
Тяп чайхана барари.
Тамашала мер саби,
Хабарлизиб бурари.
Хивла удир тІутІути
ХалтІухъадли кІаразив,
Велкъари хиви дургид,
Аркъяд гІяхІси гъавлизив.
Базула хивличи ну
Чуйнара ацІибсира,
Бизити сухълухъуна
Кисмира дицІибсира.
Базула хивличила
Бухънабазирад шила
Тамашала хабурти
Чумилра аргъибсира.
Ил хивлиур диубти,
Биалри цахІнадеяхъес,
УркІиличиб багъеси,
Вири, марли, жуз белкІес.
Бунагъ-хатІа уркадуц
Ва сунела гІяпабаркъ,
Сирагъан Къасум-ази
Вири гъабза талхъайзи.
Алавчарти шимазиб
Ил хІелути хІебургар.
Къасум-азини нушаб

Бурибсири иш хабар
– Ца камси къуллукъ лебли
Вякъунси архІяличи,
Илра гъунчибушили,
Арякъунра гІяхІяйчи.
Дила Сукъур бигъунра
Азбарлизибси тІайзи,
(Къасум-азила бири
Урчи сукъур ца хІуйзиб).
ГІяхІял хъулив варгира
Мар-марли гІяхІси хІяйзив.
– ХІябра гІяхІси замана
ВакІири, дила Къасум,
ХинкІ барес рархили сар
Дила ахІерси Шагъм, –
ХІули линкІбирули сай
Разивиубси гІяхІяй.
Илала хІял багъурли,
Дилара чарх батур хІяй.
– Къял бирзили, ляркъясну,
ХІердизира цІаличи, –
Шагъм дура аррякъун,
Хъарбарили нушачи.
– ХІура вакІили гІергъи,
Гъари, гІурра абуршис, –
БяхІяхъличи гъамиуб,
Касили бугаси дис.
Халаси диъла бутІа
ГІяхІяй игъуб шанглизи.
«Чягъирра лерхис» или,
Арякъун къурулизи.
Ил замана нунира
Дис някълизи касира,
Ца къисли чеббяхъили,
Бухъмуй шангла игъубра.
Бирусира барили,
ГІяхІял хъунул чаррухъун.
«Диъ белхъи бургар» – или,
ШангличиряхІ ретухъун.
ГавдикІахъули, диъби
Дурасиб кІабатІлизи.
Деркахъесцада дакІиб
АрагІебли къатІлизи.
– Гъуя, ишдицад диъби
Чили сари дукути?!
Лебилра унрубира
ХІебиалли лебкути? –
БекІли гъакІрикІули сар,
УркІрухъи, гІяхІял хъунул.
Бухъмуй дурасибхІели,
Тамай уркІухъун мурул:
– ГІяхІялра левгу или,

Кел чяч адушибсири...
Хуни биалли гурра
Бухъмуйра абушилри.
Хияжланкила хинки барес
Батес пикри лебсири.
– Хьунуй нушаб абушиб,
Нуни хлед абушира.
Марли шайтла ахлену
Ишди абдал пишнилра?
– Хушачиб бузул гиядат
Илгуна бургар или,
Бухъмуй набра игьубра, –
Илдас муктурвактира.
Мурулра хьунулла саб
Набчи гияк-гиякбиклули.
Халал кепра касили
Гияхия хьунул гапрарра.
Баркалла багъахурли,
Арукъес валкъаурра.
Цябдирули сар или
Хьуливяхи дуравхьунра.
«Хабчаблис архис» или,
Бухъмуйра хапбарира.
Цяббаайчи ша ваэс
Сукъур гьалакбарира.
Базуличи аили,
Тяма-гьама дикьулра.
Базула умхализиб
Бадайхьали баргира.
Гиярякьила шишни лер
Идала гьалар ташли.
Сунтбикеси агарли,
Сабри къакъабакли.
Илаб бахъ убабагиб
Нуни касибси бухъмуй:
Держлира бухъмуйлира
Илмадан баклахьиб куй, –
Кьасум-азини гурра
Кьартлуклули сай супел,
Илала хабар нушаб
Сабигу гияхиси гьунгел,
– Гьешнила манзил сабри,
Хекъли забли ургъуси.
Ит дус сарри, бурасли,
Дявтира дехидихьибти.
Ну жагьил дурхия сайри
Ца бара лагизурси.
Юзбашили сайригу
Мургукира вархьибси.
Хьарбаркъ таманбарили,
Хьуливяхи чарулхьулри.

Хериклус – умхализиб
Серил шалабиклули.
Вамсурси ва вяргибси
Шалали разиварра,
Базуличи ветаэс
Ганзра гьарзабарира.
Ца-алав кабиибти
Ахъли гьайкабиклули:
«Дерхъаб, Кьасум!» – иб цали.
«Жан дерхъаб?» – иб итилли.
«Дявтази аркъутачил
Дурабухьунти бургар.
Илаб багълабирути
Мурталра камхьебирар», –
Ванавиэс къасличил
Гьамиубра илдачи,
Хериклусгу, – шайтунти
Мекъличи кадиили,
«Дерхъаб!» или, чягьирли
Цаагили джули.
– Ягъари, Кьасум-ази,
Хунира бурид къалли,
Марлирагу шайтунти
Джути вара держли?
– Седиклутирав хлуша
Ахьенрину абдалли.
Хьебакъибсив хлушани,
«Шайтан шараб» биклули?
Лерилра держ шайтунта
Саргу пикридарибти.
Вацла-Хиярла шайтунти
Сари бегла дурибти.
Рурси шайтгай пигъала
Гьабурцули саб набзи.
«Агъу диалра дужис!» –
Дархьира канилизи.
– Шайтунти сегъунтири,
Бура гьари нушази?
Чили бала, нушара
Дикишагу илдази!
– Наб гияхиялдеш дарибти,
Лерил ишдигъунтири:
Бургачир – мукукури,
Эмхелагъунти лихьибти,
Цуралагъунти къашми,
Далкунти мухли-хулби.
Тяп держливан лерилра
Папруслира джулри.
Ну – ца сайригу левси.
Илди вецалцад лерри.
Хериклусгу, ца шайтгай

Щала кьялта кайсули.
Илмадан дурасили,
Къяйкбарра кел кадирхъан.
Вера ахъдиубхели,
Чебиув цалра шайтан!
Хъули саибхелира
Къяшми калун руржули.
Илхелири багъурси
Мухлири балки биъни,
Цугли ца баз калунра
Итхели бурушличив.
Нешлира рахъ рисули,
Чекасибгу гъязабти,
Марли кахелун дургар
Шайтунтас хедурибти,
Нешли дурута дила
Дукелци дулхъахъулри,
Балкунси мухлили ну
Дукаряхес хелтулри.
Маллази кла барахъиб,
Шайтан урухбурси.
Дергълизибра ил нуни
Шалкуб бири бихуси.
Гур даятзи вархъира
Дила зилан дурхначил.
Итав къаршихейкира
Я ну гур шайтунтачил.
Яра къяйк-къуйклизирад
Дебшили – мага дурги.
Фашистунни, бурасли,
Шайтунтазира аги.
– Дергъла дусмазир илди
Дахъал дуили сари.
Вабаъ-дикибал гъанна
Агардиубли сари.
Супелтар Сталинни,
Илди туснакхедариб.
Къирдиубти диалри,
Лигалра баргес вири, –
Къасум-азис ургавхъун
Тамашайубси Будай.
Хабурта угъи илра
Виалри бара къалай.
– Адамтала уркибази
Илди сар кадацили,
Шайтунтачиб, чебаа,
Саб вайти бетатурли, –
Мурхъси гъигъ абатурли,
Буриб Къасум-азини,
– Хуни далути дурги
Наб къаршидикибтира, –

Хабар бурес вехихъиб
Илав цархил хабарчи,
Къялтнигъунти супелтар
Хъаршан Кемцурла Хяжи.
Урибси къисла уста
Сайри ил Дагъистайзив.
Илван чугур бирхъуси
Хейри дила шилизив.
Байхъала Баршлила ши
Илинири белшунси.
Муслимбек Кемцурова
Сайри Хяжила урши.
– Шантачи карциубли,
Баршливад чарулхъулри.
Ну Базучи айбхейс
Жявлил бархи ахъилри.
Базула умхализир
Дам-дяд сарри демжурли.
Шайтунта катурра ну
Чус тјамада варили.
Ит яргалис набзибра
Чягъирла четбер лебри.
Унруби разибарес
Баршлибад касибсири.
Чула тамандиубли,
Бержиб дила четберра,
Гур илди-ургар демжур
Ца къара къалмакъарра.
Чумал нуни дитира,
Дебклайчи пяхъиклули.
Набра илда чегахъиб,
«Убклахъури» диклули.
Тяп Къасумлаван мухли
Дилара балкес бири,
Игъбарбиуб, верцира,
Вяхлизи чехегили.
– Илди дурги цагъачам
Набчилра цугдикибти?
Хуша диклутачира
Сарри илди мешути, –
Цархил хабар бехибхъиб
Ухъна хъубзар Гямарли.
– Гъал дус дикили дургар,
Бурес хейрус дурусли.
Бугимала уркурличил
Шилизи чарулхъуси,
Базула уб баргира
Ца мекъ хекъли бемжурси.
«Гямарлис хъат!» – биклули,
Арукира мекъличи.
Бугима бициб уркура
Батурсири дай гъуйчиб.
Келра някъ ахъдуцили,

Ветухъунра делхълизи.
Кел «хъунул» бикахъира
Таманни майализи.
Вамсурли тАшизурра
Гур мявала дублизи.
ХерикГусгу – шайтГунти!
ГъайдикГули сар набзи.
Хуван дулхъахъес, Гямар,
Нуша бурсидараба.
Хед багъара лугеГе,
Арукъахъес хелтари.
Илдазивадли нура
БекЛил уруххГейубра,
КъартАйзибадли ханжал
СяртЛи дурабитГунра.
«Гямарлис гъуни!» или,
Ахъли тАмадарира.
Дебшиб, гъатИ, шайтГунти,
Дам булан лайбакИли,
ЭмХелагъунти куркба
Сарри тГутГудикГули.
– Гямар, ит дам Ганнара,
Тебалгу хЕла хъулиб.
Валлагърагу, бицадри,
Луги дахъал доллартИ, –
Гямарла хабарличи

Ца гъачам АлтавлИчи
Нура шадив вякъунра,
Бурдекила хЕркИличИб
Вайси хабар бакъира.
Чиди шайтГунтанирил
Базула хив бяхълри.
Тупангла хъундахъунас
Базуртачир дицилри.
Арцлис ярагъ асили,
Гъарил шайтГай чехълри...
Сунела хяра сайра
Алтав инкъив варгира,

Хяжи сай дукаркГули,
Чархаралис илисера
Пигъала гъабурцули...
Базуличил диубти
Хейрар дурили таман.
Алтавли абхъили сай
Жявлил илаб ресторан.
Гъункъяби кабирахъес
Кадихъиб хЯбал хъитГа.
Разили пишяхъили,
БирцГу чягъирла унтГа.
ШайтГунтасра илини
ГЯхЯлдеш дирули сай:
Мекъ барес дакИибХели,
Дам-дядра дирхъули сай.
Алтавла ресторайзи
ХЕбашути агара,
КЕлра някълизир ца-ца
Ахъдуцили кЕл шайтГан,
Алтав сай жургъикГули,
Ветаурли сай шайтГан.
Шурмала лесла удиб
Заправка абхъили сай,
Туристунас шинкъалаб
Отельра лушули сай.

* * *

Базула умхализир
Диубти гъандушира.
Пашманси тАмаличил
Алтавли сай бурули:
– Ца бархИ хЕрбирути
Бетаургу адамти.
Къасум-ази викГути
Саргу илди шайтГунти.
Ну къалли дила бизнес
Агарлира уиши,
Базула хив бяхъили,
Марайбариб цаИнаб ши.



АМИРБЕК КЪАДИБЯХІЯММАЕВЛИС – 80 ДУС

Амирбек
КЪАДИБЯХІЯММАЕВ



ХІЯБДЕХІ ХИНКІИ

(Хабар)

БархІехъ, дукибад хІяйвантала хІенкъ чарбулхъухІели, Сангарла шилизи цунси гъункъя ухІнахъиб. Дубурла къякъличи мирхъила шаливан белшунси шила къакъурби, сарира дибГІанти къаркъуба удахъибти, къули-къачнала тІамрани, дурхІнала гъайли черсаргъахъулри.

УрхІла шилизи бегІ гъалав вакІибсила бекІлидиубти пикруми дуги беркеси мерличила, гІяхІялличила дирар: чили хъураваришара? ГІяхІял сегъуна увухъесара? УрхІлис диргалаухъишара? Илдигъунти пикруми хаслира челукъан бархІехъла вахтлизир.

Шила дублабси хІябкъяйличив урчиличивад кацІибмад, гъункъяс хІенкъула къаршиикиб. Ил – бара гъалавван дукивад чариубли, хІяйванти вегІ-веГІла юрт-гІяялизи тІутІукадиайчи тІашлири.

Чидил къакъализивяхІ арукъишара или, тІашси гІяхІяйчи хІенкъула гъа-миуб.

– Ассаламу гІялайкум! ВакІирив? ХІемсуррив? – някъ гъабуциб.

– Гъуни ахъили гІергъи, вамсниличила цІумикІуси хІебирар. Ца бархІила гъуни себиэса, илхІелира – мурдали ахъибси? – викІар гІяхІял.

– Ваши, уртахъ, ваши. Чила юртличибяхІ гъайбариша хІела айгъир? ГІяхІял вархъатурли, цархІилличи хъурайубсила гІежа лугъуси гІядат лебниличила балусив хІуни? – викІар хІенкъула, гІяхІяйзибад ургъурла дуб сайсули.

– Бархъли бурасли, иш шилизи ну бегІ гъалав лявкъусира.

– ГІяхІял чи сая? Чичи хъурайэс гІягІнисил, бегІтани хІебурибу?

– Ну иша лявкъниличила багъалри, буресра асубири. Амма ну хабарагарли иша къаршиикилра. ПикриикІулра валуси адамла у гъанбиркурал, амма...

– ХІясанай бикІуси адамличила аргъибсив хІуни?

– Ге, чизибадрил аргъибсири, – иб гІяхІяй, я ца, я царил пикри агарли, ишини ил у гъанхІебурши или гъанбикили.

– Ил ну сайра, уртахъ. Санала ХІясанай бикІар наб. Дила у балули гІергъи

(ил хЕла бегІтазибад-мага бакъили ургуд), ну хЕла гІяхІял сайра. ХЕд чи бикІара?

– Шагъру бикІар, – иб сай хъурайънила масъала илкъяйда гъамадли арз-ниличи разиубси гІяхІяй, ва ил – ХІясанайличил варх ватихъиб.

ХъуцІрумачи къялкънира кадихъили, кЕл адам гумайлаб тІашлири. Багъес-лири, илди мурала хІянчилабад чарбухъи, лякъирбухъес тІашбизурти биъни. Гумайла къаркъубачи кайибси тјамадачил илди ихтилатбикІулири.

ЧебакІибтани салам бедиб, муракъянабала ва ухънала някъби дуциб.

– ГІяхІялра левгу, – иб тІашкабизуртазивад цали.

– Лев. Баркат лебхули сай. Нушала шилизи бегІ гъалав лявкъули сай.

– ХЕбиалли, аркъухЕйс илала вайлизи бигъес халаси урхам хІядурбарес гІягІнили саби, – иб итилли.

– Гъарахълавад лявкъулрив? Сегъуна гІяхІла хабар лебхулири? – лямцІ ка-берхурти сунела хъанцІа хІулби цІивдатур къаркъаличи кайибси ухънанира.

– Чинарла шилизивадсира ну. Шагъру бикІар. ГІяхІмадла урши сайра.

– Чила гІяхІял сайри? Чичи хъураирусири?

– Иш дила сай. Набчи хъураируси сай. Ишис гъуниваэс сайригу ну шила дубла гъала вякъунси, – иб ХІясанайли, хІулира линкІбухъахъи.

– ТІаш, тІаш! Чила ГІяхІмад бикІара хЕла дудешлис? – гІясара убяхъили, ухъна айзур.

– Хайруллагъла ГІяхІмад. Ил хІушанира валули дургудая. Бахъли валуси сай. Чиди шилизи укъясра, ил валути камбирули ахІен.

– Гъа-а-а! ХІера гъари, хІу чила урши уилрил! ХІу нушала гІяхІял уилригу! Хайруллагъхъалайчиб нунира къацІ беркунси саби, – викІар ухъна.

– ГІяхІмадличил нура чинав-сайрил варх калунсири. Гъанна гъанбикахъес вирули ахІенра. Наб Мансур бикІар. ХЕла дудешли илгъуна у бурули хЕ-бакъирив? ВегЕбш, секІал жявли хъумуртаниублира.

Шагъруни хъуцІруми гъунчІдухъахъун.

– Чебиулрив хІунира хъумартурли. Набчила се-биалра хЕбурили яра дила у гъанхЕбушили, ГІяхІмад хЕвъи. Иш адам, уртахъуни Мансур ва ХІясанай, дила гІяхІял сай, ва нуни ил набчи аркис.

– Ца адам хІябал бутІаличи утЕс вирхЕйрар, сецад хІушазивад гъариллис иш хъураварес дигули хъалли. Илала дурабадра, дудешла гІяхІял дудешла вирар, уршила гІяхІял цархІил виэсра асубирар.

ХІясанайли ихтилаткайкІули, Шагъру арукиб. Ши байбяхъибси катругси къакъакад, къиблала шайчидяхІги гъаргначилти гІянжила хъулчрачилти юр-тани гЕлар кавлулири: цадехІ – урцІакадиубли гъятІкадухъунти, цархІилти – хъулчрачирад духъби жибжиркадухъунти, лацла гъятІбулхълизирад илди чекадиулри. Илди хъулрира абзур шира лехІдешлизи ва паргъатдешлизи гЕладикилри.

– ХІерикЕн, уртахъ Шагъру, дургъбани нушала ши сегъуна хІяйчи бикахъ-илил, илди иша сахЕдаили диалра. Ил гъанна бара чебсалкЕсбяхІили саби. Чумра чархЕбухъун дургъбазибад, ва чумлара хъулри урцІакадиуб. ХІушала ши ишцад хараббиублив?

– Биубли саби, валлагъ. Цалра шиличи дургъбани уркЕцІи барили хЕ-бургар. Тупала хІярхІубани хЕдуалра, къарциндешлира гъятІаиб дахъал хъулри, – иб Шагъруни.

Келра илди хленкьулала юртлизи абацибхели, аргъ гьуршкабиублири, цацадехI кьяпурбазирад дашути гавла тIулри хIулба чедиулри, махыла урца цIала гягI кьянкьубачи чебихулри.

Шагьрус хъа вегIли гIяхIти дяхI кадациб. Саби яшавлизиб илцад эркинни хIебиалра, гIяхIя хIурматбарес къасбариб, «ГIяхIял дигусила хъали дуаб, ил хIейгусила бекI дуаб» ибси бурала уркIила башулри Разиятла. Амма илала мерличиб цархIил буралара буриб: «ГIяхIял хIешуси юрт шин хIедашуси шарагъуна саби».

Берка къайгъназир Разият ита-иша дуцIрикIухIели, анцIхIебукъахъес, ХIясанайли хабар бехIбихъиб.

«Нушачиб, уртахъ Шагьру, гIяхIялдешла гIядат дебали бузахъу. ГIяхIял хъураирусила хIурмат имцIали бируси саби. Нагагъ гъачам хъурайубси адам кIинайс цархIилличи арукъялли, нушала шанна хIурмат бетихъур, илхIели вакIибсила гIяхIси хIурмат хIебарили ургар или. Нушала унраличиб Юнусхъали или адамти бири. Илдачи гъаман вашусири Хъаршав бикIуси адам. Вабаъла дусмазиб Юнусхъала хъалибарг урабикиб. Амма Хъаршав илдала юртлизи хъураирес даимиуб. Илини гъала-гъала Юнусхъала лацлизибси къаркъаличи сунела ябу бигъи, гIур сунела къуллукъуни дири. Дила нешли ил урчилис мура кадирхъи, сайра беркай вахес вики.

КIинайс унрубала хъулри гъяткадиуб. Хъаршавли гIурра, нушала шилизи дакIуухъалри, Юнусхъала къаркъубази ябу билгъусири. БегIла гIергъира, иларти къаркъуби цархIилти адамтани чус хъулри дарес ардухиб. Илди хъулри дуибси мерличи къярда кабахъили, Хъаршавли гIурра ила сунела ябу билгъусири».

– Дебали гIяхIси гIядат саби гIяхIялла хIурматбирни. Амма дахъал цархIилтиван, илра дуб-дубли хIурматагаркабирули къадин...

ХIера, ХIясанайла хъунул, се сабил шалкIубли, чанадрил чарриуб, гIурра дурарухъун. Сай багъандан ил хъунул адам имцIати къайгънази рикни гъанурули, Шагьру урузлири.

– Се къунзъала сари хIела? Заманаличиб беркала хIядурбарагу. Гъарахъси гъунчив гIяхIял гушиубли ургар, – викIар ХIясанай, итил хъули – пичла хъули ухIнаулхъули.

– БусягIят хIяжланкIила хинкIи дирар. ГIягIниси секIал лебли, унрубачи гъарракIира, – аргъиб хъунул адамла гъайлара. – Саял катурли гIяхIялра, хIура къунзмарикIуд. ГIяхIялла хIурматлис хурегличичи узи-урши жибируси гIядат лебсигу нушачиб. Живара Мансуралра.

– Сабира бакIес багъес гIягIнисигу илдани. Чеиб ил Мансурлира Мусавлавира. Лябкъян илди, дила пикрили.

БахъхIи агарли столличиб хинкIала кIабатI багъарбиуб. Разиятли чумал алтIанаг хиб. ХIясанайли бухъмуи калъун. ГIур Разиятли гIярякъила шиша дурабикахъиб.

– ГIярякъи кадирхънилара гIядат бахъхIиличибадал бузусив хIушачиб? – хъарбаиб гIяхIяй.

– АхIен. Ил къанни дакIубухъунси саби. Амма илди кахIедихъили гIергъи, унц белгъи гъала кабахъалра, къумурлаб селра лебсигъуна хIебирар, бархъли буралли, се сабил камсиван, хIулби алавчар ласдикIар.

Стакайзи держ картIили гIергъира, чичи-саял хIерсиван, вегI багълакай-ублири.

Держли ца гІяхІил гъав бакІахъили, Шагърус Мусалавла хъали тянишсиван, муртрил гъалабра чебаибсиван гъанаур. Белики, иларра дагъардиубти хІяжланкІила журуга хинкІанира белхъунси бухъмуйлира илгъуна пикри акІахъубли биши, яра гъалабра чебаибси се-биалра илини хІясиббарили виши.

– Дила дахъал гІяхІти берклуми лерли кибти ахІенрая, – иб Мусалавли, магадала халаси хъаба гъалабяхІ битІикІули. – ГІядат саби. Нушачира гІяхІял хъурахІейахъубли валтусив? Умуси варъала магадалалра бержахъес гъанбикиб. Мирхъила варъа азир изайс дарманбируси саби, илкъяйда – магадара. Касая, гъари, ца-ца...

ГІяхІцад дусми дикили гІергъи, дубурлантала яшавла шуртІрира ункъдиубхІели, гІялим ветаурси Шагърус Сангарла шилизи сагадан вакІес къадарбиуб.

– Нуни бекІлил хъмхІертис итхІели хІушани наб дарибти гІяхІялдешличила. Амма итхІели ну дебали тамашаварра хІушала лебталалра цагъуна беркала балбикнили. ИтхІели хІуша вягІдаладиубтирив, гъари, яра гъарилла хъулиб цагъуна беркала кабирхъни хІушала гІядату? – хъарбаиб Шагъруни.

– АхІен, гъари, – дукарирхІули сай ХІясанай. – ХІябалра мерличир кадихъибти цадехІ хинкІи сарри.

– Сен-сен?

– Ил – Мусахъай-азила гъанбик сабри, бунагъ-хатІа урдуцаб сунелану. ХІяжланкІила декъра илдала сарри далдикибти, бухъмуйра.

– Цала хъулиб бархъбатурси хинкІала къям итилла хъулибра багъарбирни итхІели нунира хІясиббарра, амма сен-сен илаб дакІубулхъусирил аргъес хІейубра.

– Ил аргъес дебали гъамадси саби. Цала хъайчибад гъабатурси някъ, чІяртІа къакъа ургали биаб, цаличи ца чеделшунти хъулри диаб, итиллайчи бетиусигу. Къакъа алавбарили, нуша итилла хъули даайчи, хинкІала къям гъалаб бетиусири.

– Аргъира, аргъира. Хъулри къакъати сарли хъалли, къакъурби чІяртІаби сарли хъалли, яшавла даража нукъсанни хъалли, уркІби гъарзати, хІял-тІабигІят эркинти хІушаб хІялалдиаб, – гапухъун Шагъру.





Нурулгъуда
РАЖАБОВА

ЦИНАЛА ДУБУРАВАН

*Хуни чис-биалра гIяхIдеш баририб? – лехIкахъи,
ХIед гIяхIдеш барибу? – гумайлав гапикIен.*

Халкъла бурала гъанбиркур наб ишаб сунечила бурес пикрибарибси Амирбек чуйна гъаникаллира – халахIерхуси, сунечила сай гапхIейкIуси, сунела камсилра имкан лебли, цархIилтас гIяхIдеш барес гъачамалра гIелумхIелзуси адам сайри ил.

Чумал дус гъалаб сирхIянтани вава-къарла майдайчиб Амирбекла творчестволис багъишлабарибси шадлихъ дураберкIиб. Илар ца хъунул адамли белчIунси далайла кIел тугъ гъандикиб: «ГIяламлис хIу лукIули, хIед нуни се делчIиша?»

Марлирагу, Амирбекли сунела белкIаназиб чумилра гIяхIти адам гапбариб: хъубзури ва букIуни, учительти ва тухтурти, дургъбала ва бузерила игитуну... ВецIал дусра-сера ил «Ленинна байрахъ» газетала гIяхIтигъунти корреспондентуназивад ца вири. Ванаси дев бурес къиркъирхIейруси, адамла хIял-гIаби-гIятлизи мурхъли ухIнаулхъес балуси, бучIантала дагъриличи гIяхIси асар барес, лукIес балусири ил.

Ну Амирбекличил нушала редакциялизир тянишриубсири. Я собрание-личир, я иткъи дахъал гъай хIедируси, сунела пикри бурес гъалакхIейкIуси, дурути чумал гъай биалли кагахъили дуруси, имцIаливан цархIилтала пикриличи лехIихъес дигахъуси, ил паргъатси адамлизиб журналистла илцад пагъму бургар или гъанхIебирки наб гъаланачи. Амма бахъхIи агарли наб якъинбиуб журналистла ахIенну, писательлара пагъму лебни илизиб. «УрхIла амру» бикIуси илала жуз белчIунхIели, иличила набзир гIяхIти пикруми акIуб. МягIналасал, каргъниласал, мезласал ил повестьли набчи халаси асар бариб, ва, ну литературала произведениеби къиматладиран хIериасра, ил жузличила дила пикруми хIедурили лехIкахъес хIериубра.

Гъайгъайра, нукъсандеш агарси секIал рахлира хIебирар, хаслира литературала произведение. Гъанбиркур, повестьла бекI игит вахъ жявли вебIахъили или, авторличи нуни гIяйиббарили. Ил гъимхIевкIиб. «Сагаси повестьлис гъуни абхъирину, хIед баркалла», – викIи. Чумал дусла гIергъи ил повестьла

кИибил бутIара белчIунра. ГIур белчIунра «Бишунси анкъи». УркIиличи дебали халаси асар бируси повесть саби ил: урцIакадиубти ва гъятIаркъути минала хъулри, ита-иша тIутIукабиубти тухумти, сабира дахъал дусмазиб цабехIли цабехI чехIебиути, къматагардиубти дигай ва хIурмат...

ГехIъибил классла хрестоматиялизиб Амирбекла «Жайран» бикIуси хабар леб. Дузаб сархуси урчи байрахъличи гъамбикIухIели, адамтала къукъяли-зивад дураухъи, ца адам илала ургъурличи хъямикун. Жайран тIашаиб. Ил урчилис бетаурси анцIбукъла авторла къисматличи мешудеш леб. Сунела къасани ва мурадуни дартаахъес, багъудлумала ва пагъмула дуклума тIинтIа-рахъес дигуливан диргаладикIути дахъал къияндешуни ва гъабизуни диуб: ятимдеш, яшавла мискиндеш, сай Батирай викIуливан, «дивайзив ада агни», гIевуцеси, кумекбареси агни...

Нушала писатель РажабIяли ГIямаров декIли зягIипли левли, иличи гъар-ракIес рякъунра. Ихтилатлизиб илини сунела пикри Амирбекличиб тIашаиб: «Камси гъалавван КъадибяхIяммаевра леври вакIили. Ил гъаман гъавикIули вирар. ГIяхIти хIял-тIабигIят, кабизалачебдеш лер илизир. Адамла хIурмат-бирес балуси, духути пикрумачил декIарулхъуси сай. Сепайда, илис кумек-бируси виалри, ил халаси даражаличи ви. Ну халаси къуллукъличивхIели, ил ахъуцес шакIейкира»...

– Писательтала Союзла члендешлизи маслигIятварили, хIуникIун илис гIяхIдеш барри.

– Ил камси сабри, къанкайубра иличи пикри бяхIчиаэс. КъадибяхIяммаев-ла бузерила ганзухъуначил тянишрирулра – илди челис чеахъдикIули сари: учитель, завуч, школала директор, районна газетала редактор, райкомла отделла заведующий, областъла газетала корреспондент, педагогикала гIил-му-ахтардила Институтла Дагъиста мезанала секторла заведующий, Дагъиста писательтала Союзла секретарь. Илди белкIаназиб селра гIядатла ахIенси, сунечила тIинтIли буреси чеббикIес хIерирули, ну сай Амирбекличи журна-листли гъаман хъарбиуси суайчил дугъаризурра:

– ХIела гIямрулизиб хъумхIертеси – къиянси яра гъарбизурси сегъуна анцIбукъ биуба?

– Илдигъунти анцIбукъуна дицIибтири дила лерилра гIямру.

– Масала?

– ВерхIел класс делчIунхIели, ну шагъарлизи курсаначи вархъибсири. Чили саррил дила документуни деткахъахъиб. Наб гъархIебизур.

– ХIедаргирив илди?

– Даргира байхъала дусли гIергъи, гъаркадердили, ну вашуси дякъличи пухIдатурли...

Нушала бегIтала минала хъулри гъалли хIеркIла мякълар сари. ХIямши-мала ши байбяхъили кабухъунси ил хIеркIли дила пикри сунечи битIикIули бири риштIахIейчибад: лайлала макъамличил ну гардрируси илини сунела бехIбихъуд чинабад кайсули вара? Чинаб кабурхули вара ибти пикрумани паргъатдеш хIелуги. Наб хIеркIла къисмат адамлайчи мешубирки. Ил хIер-кIла бехIбихъуд сеннира хIебаргили хIеруус ибси дила къас челис че чIума-бикIулри. Ил къасли сабри хъар ДаргазибяхI экскурсия дураберкIахъибсира. Амма хIеркIла бехIбихъуд белгибарес бетхIеур. Цинала дубур-алав ца-чумал диштIати гIиниз лерри, чузибадра дила хIеркIла бехIбихъуд алкIуси.

– ХIера, ил хIеркIливан гъар мераначирад бехIбихъудуни касили ургуд

хІуни хІела творчестволис? Мешути ахІену хІеркІлара творчествола адам-лара къисматуни? – хъарбаира Амирбеклизи, иличила чилирил дурибти ишдигъунти дугъби аргъили гІергъи: «ХІу бекІ гІинизличивси адам сайрину, мадумкъахъид я пикруми, я хІялалдеш, я творчество»...

Даргала миллатла культурализи халаси пай кабахъибси адам сай Амирбек КъадибяхІямаев. ЦархІил селра хІебиалра, дарган дурхІни багъуддумачи бегІбарес, дагъричеббарес илини дайхъала гІямру харждариб, декІар-декІарти школабазив учительли узули. КІинайс биалли дурхІнас учебникуни ва белчІудила-методикала пособиеби хІядурдирули. Суненицун ва цархІилти гІялимтачил дарх цаладахъиб ва кадахъиб: «Педучилищелис дарган мезла учебник» «10-11 ибти классунас дарган мезла учебник», «10-ибил класслис даргала литературала учебник-хрестоматия», «Шагъарла школабала 2- ибил класслис дарган мезла учебник», «5-11-ибти классунас диктантунала сборник», «БехІбихъудла классунас грамматикала таблицаби ва илди пайдаладирнила баян», «Шагъарла школабала чедирти классунас программаби», «ДурхІнала унхърас дарган мезла программаби», «Дарган мезла дурсрачир къиматуни кадалтнила нормаби» ва цархІилти илини делкІи хІядурдали сари: «5-11 ибти классуназир дарган мезла шайчирти пачалихъла стандартуни», «БехІбихъудла классуназир дарган мез дучІахънила методика», «Дарган мезла фонетика бучахънила методика», «Дарган мезла лексика руркънила методика». ГІергъити хІябалра хІянчи, харжанас чараагарти арц агарли, чумал дус диубли сари кадахъес имканхІебикІули. Амма цацабехІ учительтани, масала, педучилищела преподаватель МяхІямадов Мусани, машинкаличир кадахъили, илди жузи сунела бузерилизир пайдаладирули калун.

Дагъиста пачалихъла педуниверситетлис А. КъадибяхІямаевли даргала литературала программабира хІядурдалириб.

– БикІули бирар, ца гъакІли кІел гІярас гІергъиикалли, илдазибад цалра хІебуцили кавлад или. Журналистла ва писательла санигІятуни цали ца чедирцІахъути сари. Амма се гъанбикли гІилмулизи ахъири, хІукІун кІелра ахІи, цагъакІли чумал гІяра дучес бажардииркулри? – дугъаризурра ну иличи.

– Мар саби, дила бузерилис хІерили замана камли бирар, имцІаливан ну узули вирус дугили. ЦацахІели столла гІела кайили шаладиркули дирар, – илгъунари азгъиндеш хІедалуси адамла жаваб.

Амирбек Дагъиста писательтала Союзлизиб даргала литературала секциялис гъуни чебахъули калун.

Иличила цархІилти писательтала пикри багъес дигули, чумал адамличи дугъаризурра.

Писательтала Союзла председателъла заместитель Мирза Давыдовли бурибсири:

– ХІялалси адам ва кагібси хІянчизар сайливан, Амирбек нушаб къабулли вири. Сулайбан Рабаданов вебкІибхІели, гІяпабарабну сунела, илала мерличи катеси адамлигІив ну умцІулри, – буриб Мирзани. – Рашидли, УмурахІил Шапиевани, РажабгІяли ГІямаровли ва цархІилтани Амирбек КъадибяхІямаев маслигІятвариб. Ил тІалабварра.

– Пергер поэт вебкІила ца жумягІ сари дикибти. НукІун илала мерличи кайэс хІядурикІуси ахІенри. – ХІера, илгъунари Амирбекла жаваб.

– КІел баз дикайчи ил дакІухІевхъун. ХІянчиличи ил уцили нуша хатІахІедикира. Илини секцияла бузери жигарчеббариб, писательтала ургарти къижъ-

ала камси заманала духІнар агардиуб. КІел дусла бухІнаб илини гьаларти вецІал дуслизибичиб имцІали жагьил лукІанти писательтала Союзлизи буциб.

Расул ХІямзатовлира Мирзала гъай мардарибтири ва сунеласун масхараличил чеимцІабарибсири: «Амирбек дила юлдаш сай. Гъанна нуша ишар кІел председатель лерра: ну – писательтала Союзла, Амирбек – профсоюзла».

«КъадибяхІяммаев гІяхІцадхІи нушани пикри бяхІчихІейули кали увухъун. Дигалли сабухъчебси хІянчи хІясибли, дигалли адамтас гІяхІдеш барес дигуси адам сайливан, ил мягІничебси шабагъатличи лайикъли сайри. ХІуша илала черкад пикридулхъниличи умут бирхъулра», – кагъар белкІунсири итхІели Дагъиста халкъла поэт Рашид Рашидовли писательтала Союзлизи. Тяп илгъуна пикриличир сарри Дагъиста ва Россияла культурала рурибси хІянчизар даргала писатель УмурахІил Шапиевара. Ил рикІи: «Наб лергІер гІяхІдилзан писательтала произведениебала черкад КъадибяхІяммаевли лукІути критическая статьяби. Произвениебала мурад ва мягІна мурхъли аргъили, гъарли-марси художествола даражаличиб ил баянбарес, писательла творческий хІянчилиси бархъси къимат бедлугес балули сай илини. БелкІес иштяхІдухъесли, анцІхІебукъесли, давлачерти мезли каргъули сай илини гъарил критическая статья, нукъсандешуначилара уркІилар хІегъ агарли, бархъдеш бурули сай. Бархъдешличи чилра гъимуркІесра хІейрар. Халаси иштяхІличил делчІунра Амирбекла статьяби Абу-Бакарличила, С. Рабадановличила, И. ХІясановличила. Гъ. БяхІяндовличила, МяхІяммад-Расулличила, А. ГІябдулманановачила, И. ХІусейновличила, М. СягІидовличила».

Бархъли бурасли, У. Шапиевачилси ихтилатлис гІергъи сабри Амирбекличила иш очерк белкІес пикри акІубсира. КІинайс нуни ахтардибарибхІели, авцІалира-сера литературала-критикала статья лерли урдухъун КъадибяхІяммаевли делкІунти. Илини пикри бяхІчехІеили ватурси рахлира даргала поэт ва писатель агара.

– ХІела челябкълала къасани сегъунти сари? Се гъатІи гили дигахъади хІед Аллагъли? – журналистла гІядатла ца гъатІи суалличил дугъаризурсири ну Амирбекличи.

– Леб кулпет, бегІти-тухумти. Беркес къацІ леб. Къуллукъ леб. Агара дила уркІи илцад гъуцІбикІеси гъанна селра-декІар. Я ахъти хъулрачи, я мас-хазналичи, мургъи-арцличи дила гъаргъдеш хІебирар. Диуб илди чумилра ва чумлизирадалра датдухъун илди я изайс дарман хІедиуб, я ажайс сабабхІедиуб. Чумра алхун мас-хазналичи гъаргъли, дахъал юргани гІелар датурли: пачяхІуни сарра бикІути булан бебкІиб.

ХІейуб илдазивад сегъуна-биалра давла сунечил барх арбухисира. Халати къайгъначил бучибси давла цабехІтас гІямру дайдахънилис сабаблира бархли бетаур. КІинайс, ил мас ургабикили чумлара дурхІни-тухумти къалмакъарлизи ва душмандешлизи илхІунтири. Ил шайчир историяла баянти дахъал сари. Амма адамтас гІяхІдеш барес ибси къасличил гъалавра хІерираси, гъаннара бекІлибиубси мурад илизиб чебиулра. Дила пикрили, адамтас гІяхІдешуни дарес мурталра гъуцІикІнилизиб, имкан бакІибмад ил бирнилизиб биэс викІулра адамла гІямрула бекІлибиубси мурад: бегІтас ва дурхІнас, тухумтас ва унрубас, узи-уршилиси, шанги-жамигІятлис, юлдаш-тянишлиси ва гъалав валхІелули, бегІ гъалав къаршиикибсилесра бархли.

– ВегІлис вайдеш барибсилесра булан?

– Ге, илисра балли... Вайдеш барибсилес гІяхІдеш барадли, яхІла вегІ

пашманкайрар, яхI агарличи – тIалабра агара. Адамлис гIяхIдеш барни дигалли Аллагъла гъалаб дурхъаси саби, дигалли гIяхIла хабар бахъхIи кавлан, дигалли вегIла кулпетлис багалабирар. Ишар нуни гъандикахъира ГIяхIмадхан Абу-Бакарла назмула къяяни:

ГIяхIдешла лерти сари
Мякъира къялубира,
Вавнадирхъути сари
ГIяхIдешла галгубира...

– Гъайгъайра, барибси гIяхIдеш я вегIличи яра дурхIначи чарбулхъниличи вирхусири ит пергер адам ва пагъмукар писатель.

– Хиу бахъал адамти хъар-хIерси халаси хIякимли катадри, хIела арилиуб-тачи сегъуна хъарбаркъличил дугъаилзади?

– Дила арилиув чилра виубли хIейгахъаси наб. Амма ну дугъаилзулра: «ГIяхIдешли делгIеная, адамти» или.

– Рашид викIусири: «Гъели делгIеная адамти!» – Рашидли гъатIира мурхъли бурули сай, сенкIун гъе, ризкъилацун ахIенну, гIяхIдешлара диэс дирар.

Ламуслис, гIяхIдешлис дарганти-ургаб машгъурти саби Хъар СирхIяла халкъ. Ахъушала районна НецIала шилизивадси гIядатла дубурлан Амирбекра илди къ依ликъуни дихуси пергер адам сайри. ГIядатла хъубзара хъалибарг-лизив ятимли халаваибси, сунела яхIличилра, къайгъначилра, къасличилра гIилмула гъуйчи кайзур; учебникуни, методикала пособиеби цаладяхъили, халкъла багъуди гъалабяхI башахъес икъалавиуб.

ЦацабехI гIяхIти адамти мицIирли лебалли къиматлахIебирути анцIбукъуни къаршидиркули дирар. ЦацабехI илдигъунти гIяхIти адамти гIямрулизибад арбякъи гIергъи нуша къакъадикIулра, ил къиматлаварес заманаличир шакхIедикни багъандан нушаб нуша дургъулра. Илдигъунти адамтазивад ца сайри Амирбек КъадибяхIяммаевра.

Ишдус ил акIубхIейчирад 80 дус диркули сари. Дила хъулир илала къулбасуначилти чумилра жуз лер. Гъаман илди кайсули рирус. Хиулбала гъалаб ил пергер адамла шаласи сипат мицIирбирар.

ВегIла миллатла гIямруличила, историяличила жузлизивадван ахIи, писательла белкIаназибад ункъли багъес вирули сай. Нуни ил чебиулра А. КъадибяхIяммаевла повестуни ва хабурти дучIухIели.

Чула произведениеби дучIули лебалцадхIи, писательти мицIирли бирути саби.



Дагъиста халкъла поэт
Аминат ГІЯБДУЛМАНАПОВА



ЧИЛРА ВА СЕЛРА ХЪУМАРТУРЛИ АХІЕН

ДУБУРТАЗИБ АКІУБТИ ХАБАРЛА ИГИТУНИ

Халкълизиб бурули бирар «Аллагъла балга чуйна тикрарбаралра буркъби-русси ахІен» или. Наб бурес дигулра дургъбала игитуначила, чумли ва чуйна белкІалра, ил белкІра буркъбирусси ахІен. Ишди бурхІназир нушани гІуррара сагали садяхъира Сталинградла, (бусагІят Волгоградла) дургъбала бяхІяни, чумал бархІи телевидениелизирра чедаахъиб илди кахти дургъбачила фильма-би. Дургъбани нушала улкаличи, халкъличи сегъунти балагъуни дяхІдарибал гІяхІил балехІе, хаслира чула бегІти: уршби, узби, дудешуни, хала дудешуни къяраибтани сегъуна децІ чІямбарибал. ЦІали бигубси, палда бетаурси ванза секъййда мицІирбарили, бебкІализибад дурхІнира берцахъили, улка гъалабахІ арбукес багъандан сецад къиянти чедаибал къия халкъли. Иличила хъумартес асубирусив гъари? Алхунтала хІябрагІиб умцІули лебал гІуррара нушала адамти. Къел-хІерзи агарли бебкІибтачила цІумбикІули лебал чула дурхІни, сабира дудешуни ва хала дудешуни бетаурли биалра. Амма пахру хІебарес хІедирехІе нушани, Германияла фашистунас ахир кабибхъибти, Чедибдешла бархІи нушачи бакІахънилис, ил гъамбарес чула ахІер жан дедибтачиб. БегІлара нушаб мягІничебси ва дурхъаси бархІили бетарули саби Чедибдешла бархІи 9- ибил май. АлкІуси наслули мурталралис багъес чевкъули саби, сегъуна багъали сархібсил ил бархІи. Миллионти солдатунни, офицерти ВагІан багъандан алхунти биъни чисалра дигІяндеш ахІен. Нушала солдатунани жан къурбандариб Россияла улкацун ахІи, Украина, Прибалтика, Польша ва дахъал цархІилти улкнира фашистунала арилизирад азаддатахъес. БусягІятла замана, гъайгъайра, нушачи бугъганти чедирхъутира дакІубулхъули саби. Чула улкни далтахъули алхунти солдатунас гІашдатурти памятникуннира далли гъятІкай-ули сари. Нушала улкала, чебяхІси Россияла халкъ, саби кабизурхІейчибад чичилра чебухъунти хІебиалра, Россияличи чебухъес чумра хъулбиуб ва черабухъун, амма нушала игитунала цІакъдешли, уржибдешли, гъабзадешли чисалра лявкардеш хІедариб я мукІурхІебакІиб. ЧІумабикІаб гІуррара нушала ЧебяхІси ва цаси улка, дикІехІе нуша ва иличиб пахрубирехІе.

Сецад дусми ардукъялра бебкІаагарси Чедибдеш мурталралис кавлуси саби. Нушала цаси улкала халкъли, Россияла бургъантачил узбиван уржили

бургъули калунти дубурлантала черяхІти гъунарти, илдачиб тІашси саби, ишбархІла гъарилра секІайзиб гъалабахІ арбякъунси, чисалра урехи агни чедаахъибти игит халкъанани белшунси Улка. ХІяжиев МяхІяммад Имадутдинович, ил лебилра дургъбала игитуназивад цаибсили халварибсири итхІели.

Илала гъунартачила Россияла улкализир ва Северный флотла гІяскуртазир легендаби тІинтІдиубтири.

ГЪАНБИКУНАЛА ДУРХЪАДЕШ

Гъунибла районнизибси МемухІла шила бекІ Исрапил МяхІяммадовличирад набчи дакІибти зангъли ну лергІер тамашариахъубра ва гъалаксаурли архІяличи дурарухъахъунра. Россиялизир ва Дагъистайзир сунела гъунартани хабардерхахъурси, душмайчилти дургъбазив машгъуриубси, Игит МяхІяммад ХІяжиев акІубхІейчирад 110-дус дикнила шадлихъличи МемухІла шилизи ну раира. Гъайгъайра, дагъистанлантала пахрули ветаурси ил гъабза акІубси бархІла байрамличи МяхІячкъалализибад, Ахъушабад, Первомайсклизибад, Къаякентла ва Дахадаевла районтазибад бахъал гІяхІли бакІилри. Ил халаси байрамличи нушала республикала адамти цалабикни тамашала анцІбукъ ахІенри. Тамашабареслири Северлизибад, Мурманскла областьлизибси Гаджиево шагъарлизибад гІяхІцад хІурматла гІяхІли бакІниличи. Илди сабри: капитан-лейтенант, шинна удиб башуси гамила капитанни гІяхІцад дусмазив узули калунси, гъанна Гаджиево шагъарла бекІла къуллукъуни дузахъуси Кауров Семен Михайлович, жагъилтала политикала отделла начальник Кузнецова Светлана Ивановна, шинна удиб башуси гамила командирла заместитель Александр Георгиевич Мельник, ГЭОЧЕЭС-ла начальник Бекреев Александр Матвеевич, шагъарла гъалавла бекІ Владимир Ашотович Мусатян ва цархІилти.

Ил гІебшниги галгубала кІари жагали рангдарибси манзил сабри. Ил бархІи дурхъати гІяхІлас шалабикІахъес ва ванабикІахъес хъарбарибсиван, берхІира ваналири. АркъухІели, гъар-чинаралра жагати мерани хІясибдирулри. Илдани дила тилади хІясибли, чумра мерличи машина тІашаиб – Сулахъ хІеркІла дублаб, ГЭС-ла мякълаб. Пергер мер-мусаличила суратунира касес хъумхІертурра. Тамашала тІабиГятли хІяйранбарилри гІяхІлира. Илди дубурлантачила пахруличил гапбикІулри. «Илдигъунти мераначиб акІубти МяхІяммад ХІяжиевгъунти игитунни бетарни тамашала анцІбукъ ахІен», – буриб Гаджиево шагъарла архитектор Сергей Лебедевли.

Ахирра Гъуниблизи даира. Шила халкъли гІяхІлас гІяхІти гІяхІялдеш дариб. «Цуба къургъи» бикІуси памятникла гъалаб гъайбухъун гІяхІлира шила хІякимтира, дурхІнани назмурти делчІун, делхъ дариб. ГІяхІлани илкъяйдали чула архІяличила, дявила игит М.ХІяжиевличила, илала гъунартачила хабурти дуриб.

– Илала гъунарли сарра нуша иша даахъибти ва хІушачил гъалмагъдикахъибти, – викІи С.Кауров.

ГІяхІлала къадар гъатІиралра имцІабиуб МемухІла шилизибхІ гъайбарибхІели. Гъуниблизибадра бахъал адамти бархІикиб. Ахирра даира нуша игитла биштІаси МемухІла шилизи. Клубла гъалабси диркъси майдайчир игитунала памятникунни тІашлири – М.ХІяжиевла ва М.ХІямзатовла. Ил биштІаси шила шантани халаси пахруличил бурулри шилизиб авал игит

акИниличила: кЕл – дургъбала, кЕл – бузерила. Илдала суратунира клубла бяхИличи черяхИкахъилри. ГЯхИлани памятникуначи вавнала халуби кадихъиб. Шила бекИ Исапил МяхИяммадовли гЯхИлас Северлизибад дубурла гъарахъти мер-мусаличи бакИнилис баркалла багъахъур.

– МемухИла шилизивадси МяхИяммад ХИяжиевла у чула шагъарлис беднилис, ил у пахруличил бихнилис нушала разидешлис ахир агара, – иб Исапили.

Клублизир гЯртистунани далуйти зайдухъахъун, делхъ демжахъур. ГЯхИлани чучил дарх тамашала савгъатунира хилри мемухИентас – шагъарла герб, Гаджиево шагъарличила жузи, М.ХИяжиевла суратуначилти медальонти. МемухИентанира М.ХИяжиевла суратличилти кьалтинти пешкешдариб илдазивад гъариллис. Илаб урусла ва даргантала узидешла хъумхИертеси байрам бетерхур. Ши-алавти шурми, дубурти хъатдикИутиван гъанарулри ил узидешла байрамлис. Балбуцличиб гъайбухъун Ахъушала районна бекИ ГЯхИмад МяхИярамов, Дахадаевла районна бекИ Жаруллагъ ГЯмаров, Къаякентла районна бекИ МяхИяммадимин Темирбулатов, МяхИячкъалала М. ХИяжиевла уличилси заводла директор ГЯбдулвагъаб Папалашев, ФГБУ-ла директор Залкип Къурбанов ва цархИилти.

ИГИТ ВЕБКИЛРА, ГЪУНАР БУБКИУСИ АХИЕН

ХИяжиев МяхИяммад Имадутдинович акIубси сай 1907 ибил дусла октябрьла 20-личив, Гъунибла районна МемухИла шилизив. Илала дудеш Имадутдин дарган сай, неш Хурбиче – булеги. Илала авал гъатИи узира лебтири. ВиштIали левай МяхИяммад бегIтазивад дигIянали ХIунтIена ГЯрмиялизи арякьунсири. Басмачуначилти дургъбазив ургъули калунсири. БегI гъалаб Каспий урхъу чебаибси уршила паргъатдеш бетахъиб. Илала гъуцI сабри урхъначив, Каспила флотилиялизив узес. Илала къасани гъардизур ва ил Темир-Хан-Шурализивад цаэсил урши сайри военно-морскоела училищелизи вархъибси. Шула къиматуначил Ленинградлизибси училище таманаили, Черноморский флотла гамила командирла кумекчи ветаур. Дальний Востокла флотлизив, Тихоокеанский флотлизив командир ветаур, илар дарибти къуллукъуни багъандан Правительствоа шабагъатуначил ва Ленинна орденничил шабагъатлавариб. Дагъистайзивад М. ХИяжиев цаибил сайри илгъуна орден сархибси. 1936 ибил дуслизив 3 ибил рангла капитан М. ХИяжиев дявила-урхъула Академиялизи керхур. 1940 ибил дуслизив гамила капитанвариб. Илис «Катюша» бикIусири. М. ХИяжиевла хъунуйсра Катюша бикIи. Дургъбала замана М.ХИяжиевлайчи адикести гъунарти сархибси адам левси ахIенри. Илис «дургъбала адам» ибси чеу бихъибсири. М.ХИяжиевли цалис гIергъи-ца кърдирули, душма дахъал гамурби панадариб. БегIла гIергъиси 800 тоннала гами урхъула лутIилизи бархъиб. ГIурра фашистунала 27 гами кягIяхъиб ва 10 гами кагIяхъес гъалмагъунасра кумекбариб. Ца дусла духIнар сархибтири илди гъунарти. Северла флотла командир А.Головколи сунела дневниклизи белкIун: «Дубурлан урши М.ХИяжиев Советский Союзла Игитла уличи лайикъикили сай».

Шинна удир дашути гамурби кягІяхъили гІергъи, урхънала чеди ахъбиахъ-убли сунела гамиличил М.ХІяжиевли, урхънала чедирти гамурбира кягІяхъес бажардиикиб. БегІ гъалаб М.ХІяжиевли сабри илгъуна журала дергъ, гамурби кърдируси тяхІяр пикрибариси. Шинна удибси гамили чедиртира кягІяхъ-утири. Сепайда, илала гами хІясиббариб душама самолетунани, урхъула ухІна кацІайчи закирад бомбаби лайдакІиб ва илала гами шинна гъркъбиахъуб. Илгъуна, селизивадалра урухІекІуси, серхурси, игит сайри М.ХІяжиев.

1942 ибил дуслу октябрьла 23-личиб душмайчилти дургъбазир сархибти гъунартас, вебКили гІергъи, М. ХІяжиевлис «Советский Союзла Игит» ибси у бедибсири. Илала гъунарти хъумуртули ахІен дубурлантани, шила шантани, ил ургъули калунси Северла флотла морякунани. Гъаннара М. ХІяжиевла гами кагІяхъибси мерличи тІашбизурли флотла бургъантани ила вавнира калкъули бирар.

ГАДЖИЕВО ШАГЪАР АКИНИ

Баренцла урхъула дайлаб мерлабиубси саби ил шагъар. Тамашала саби илабси тІабигІят. Хебла замана дяхІи пасбикІули бирар. Гебшни биалли – дуцІарти бурхІни дашар. ЛебГеб жагаси ва жагъси шагъар саби Гаджиево. БарХехъуназир чедаэс вирар ахъти хъулрала улкъайтазирад хугІла шалми, умути ва дягІути, жагали делшунти къакъурби, разили шадиб дурабухъунти жагъилти. «БегІлара дурхъаси шагъар» бикІути суратуначил балкъаахъурси жузра дуракаиб илдани. 60 дус биубли саби ил шагъар. Ил байрамличи Дагъистайзибад мемухІенти ва гъунибланти чуйнара гІяхІлад бякъун.

Гъаланачи ил шагъарла у «Шурмачир» ибси сабри. Дявила шагъар биъни багъандан, илала у гІурра барсбариб. ХІурматла гражданин ибси цаибти къ-янази белкІун М.ХІяжиевла ура. Шагъар дусличибад дусличи халабикІулри. Шагъарла бекІла ва илаб хІербирути адатала къайгъначибли шагъарлис ахирра «Гаджиево» ибси у чарбатур. 1981 ибил дуслизиб РСФСР-ла Верховный Советла хІукму хІясибли, «Скалистый» бикІуси шагъар мурталралис «Гаджиево» бетаур. БусягІятла замана ил шагъар Северный флотла урхънала удибси флотла мягІничебси шагъар саби.

Лебилра Россияла халкъла паргъатдеш балтахъуси ва къарауйчибси флот мерлабиубси шагъар саби «Гаджиево».

2000 ибил дуслизив урхънала удирти гамурбала хІял умцІес Россияла Президент В.В.Путин вякъунсири. Гъаннара илабси Северный флотла гамурбани дунъяла океантазир гІяхІцад умцІлаби дурадуркІули сари. Илаб хІербирути морякунни чуйнара хІукуматли шабагъатлабариб.

Нушалара пахру саби «Гаджиево» шагъар лебни. «Гаджиево» шагъар 60 дус биънила халаси байрам бетерхур. Дагъистайзибадра гІяхІли бакІиб ва уруслантаннира дубурлантаннира узидешла ва уржибдешла байрам чумал бархІи даимбариб. Урхънала удир дашути гамурбас хасбариси военныйтала шагъарли бетаур «Гаджиево». БусагІятра ил шагъарла къакъурба уми диху-ли сари дургъбала игит, фашистунала гамурби кагІяхъибси Лунин Николай Алексеевичла, илра 1-рангла капитан сайри. ГІяхІцад машгурти адатни

хІербирули саби илаб. 2-ибил рангла капитан ва Россияла писательтала Союзла член Александр Попов, Елена Леонова, Россияла журналистунала ва писательтала Союзла член. Шагърлис ва илаб хІербирутас хасдарибти назмурти делкІун илинира.

«Славянский хор» бикІуси экспедицияли архІя дураберкІиб ил шагърлизи, Мурманск-Москва – Мурмансклизир Россияла писательта, журналистуна, гІялимта ва Патриарх Алексей 11-ибилли бутІакъяндеш дариб. «Гаджиево» шагър нушала хІукуматла хасси хІерудилиуб саби. Ила хьулухъунси вашахъуси ахІен, дявила гамурбас хасбарибси база илаб биъни багъандан мяхІкамдешлис. Илцадра нушала хІукуматла мягІничебси шагърли, дарган игит М. ХІяжиевла у бихуси биъниличи нушара разилира. ХІебиалли нушала игитуначила чеалкІуси наслулира багъес хІяжатси саби, илдачи мешутили бетаэс багъандан

Ну МяхІячкъалала Насрутдиновла къакъализирад рашусира. Ил къакъала кІелра бяхІличи дургъбала игитунала халати суратуни даршили сари. Автобусличир хъайгІи чаррулхъухІели илди игитуначибад хІули чебхІейсули, илдачила пикририкІули рирус ва илди, нушала ВагІан ва нушаб шалати, паргъатти гІямру багъандан алхунтала чебла севан ихъусира или пикририкІус. Амма, хІебалас, чили сарил илди суратуни гъярдердахъили сари. Ил баркъудили лебилра шалгІеббулхъути гъузгъалдибирахъу.

Фашистунала цІакъ ва чичилра селичилра уркІецІи хІебарили, мискин адамти, бухънаби ва хъяшни бялчІули, дунъя палакатбирули гъаргъли дураберхурси «машина» дячІун нушала игитунани.

А. Амет-Хан Султан Советский Союзла Игитла уличил кІийна шабагъатлаварибсири. ЦацабехІти игитунни, чус лайикъти орденти кахІесили, илдачи лайикъли биъни хІебагъурли алхунтири. Игитуназивад урибси сайри МяхІяммад ХІяжиев.



Замана ва нуша



**Патимат
МАЛЛАЕВА**

ЗАБЛИУБАД БЕБШИЛИ...

...Ца бархИла духИнар хИабал анцЉукъ децЉагили, абзур дуги пикрумазир, русаэс хИериубра. Цаибил сабри, Сириялизиб Россияла летчиклис бетаурси: самолет къачагъуна кабикахъибхИели, вайнукъябала някъбази хИейкес граната баргаили, алхнила. КИибил – Дагъистайзибад авал хала хИяким, такъсирчиби сабливан, буцили арбукни. ХИябъибил –рахъИиличирад ралуси, разиси, къ-угъаси хъалибаргла регІ жагъил хъунул адам, сунени сунес бебкІа баргили, гИямрулизирад аррукъни.

Пикриухъалли, адам къайгъилизив сай арадеш бихИес, зягИипикалли – жяв-жявли сагъиэс, хъуликЉули сай гИяхИси тухтурличи ваэс, кумекдиэсти дармунти даргес. Илбагъандан аргъес къиянни саби ара-сагъси, жагаси хъунул адамли сунела сунени гИямру къябаънила анцЉукъ, –кабихъили ахирагарси децІ дурхИнасра, узи-рузисра, лебилра гъамтасра. Сецад пикририкІаслира, илгъуна баркъуди марбареси сабаб хИебаргира.

«Илгъуна урехила мерличи хъарбаркъ таманбарахъес штурмовикуни цали ца датахъесли чумал дарх сен хИедархъибтирира? ВегІли се балуси иларти тяхИяр-къяйдаличила, чула чули далули дургар» или маслигІяткариубра.

Республикализібад буцили арбикутала хИекълизир жура-журала белкІани дагъардулхъули сари интернетлизир. Разибиубтира леб, «ГІяйиб чучиб саби, чули багъес гИягІнилири илгъуна бетаэс асубирни» бикЉутира леб. Илдала бархъси ахИен викІесра хИейрар. Урусла айту лебси саби: «ДукаркІес виригу, висесли хИебиалри» ибси.

«ВатІан» радиолизібад гъаман ишгъуна пикри бурули бирар: «ХИези шайтІан гъирбикІар вайси барахъес, верхИел сабабра гъала хили, – хИуни дарга верхИцали сабаб – илини гІеббуруси хИебарес!» Адам гъамадли шайтІайс гІергъи аркъули, арцлис виргІявируси виъни гъанна ахИен гІячихъбиубси, – инсаният акЉублара илгъуна тяхИяр буили саби. Арцличилти аварализи бархибти дигалли дурала улкназиб суданази биркули саби, дигалли Россиялизиб. Губернаторти, министрти, цархИилти жавабла хИянчизарти гИяйиблизи бурцули саби. Гъалар, советский манзиллизир, илдигъунти хабурти хИедири, Совет хИукуматла замана дахъал арц ургардитІес хИейри. Илдигъунти тяхИяр-къяйда гИяхИти ахИен или урдахъили, демократуни сарра бикЉутани сегъунти-дигара къалпанас гъундури гъаргдариб. Бурала лебсигу. «Заблиувад вебшили, шиндирлиу викиб» ибси. Илгъуна бетаур нушала улкалисра.

Къалпанази, хъям-къацлизи ахъибтасра се бетарулил чебиухели, нушала хала хЯкимти дебали пикричебли биэс, хатлахебикес къайгъиличил бузес гЯгИнитири. Хебалулрив, гъаги, илдани чула халкъла аги сегуна сабил, сецад лебал яшавлизиб нукъсанти, хЯнчи агарти? Чум адамлис хЯнчила мерани аклахъес вири, эгер илди миллионти дархъли харждарибти диалри! Р. ГЯбдуллатиповли бурсури шилизив хЕрируси адам хЯнчи агара виклес асухебирар, ванзала бутла леб биалли – илра хЯнчи саби или. Гъайгъай, ванзала бутлаличив сецад-дигара узес вирар, амма узули замана беркИнила дурабад селра гЯхИдеш лябкъули хЛебиалли, се гЯхИдеша? Дегунти даклахъес аргъла шуртГри диргаладулхъули, дегунти даклалра –дицес хЛебирули, зарултази биркули, адапти инжитбирули биъниличила хЛебалули биэс бирару республикала жавабла хЯнчизартани! Хебалули биалли – илра чула гЯйиб саби! Асубусив вегличилацун пикрииклес, веглис гЯхИл биубли Гергъи, халкъличила хъумкартес!

Гязиз Иминагаевла назмулизир дурутигунти гЯмруличил азирти адапти хЕрбирухели «хИнтгин цали дигаб гъишди мискиндиш» или, халкъ бихЯхъес кабатурти чус гЯхИсиличилацун пикрибикИнилис бархъси саби виклес вирару?

Чули чус хЯнчи аклахъес бузули, кредит касили, чеблумази бикили бехИ-бихъибти баркъудила адапти зигарбикУли саби къуруш барес гЯмалбирахъули аХен или гъар шайчибад ахтардибикУтани. Сен агартира илкъяйдали чекабизурли ахтардибикУти пачалихъла миллионти чина диркулил! Дагъиста биаб, цархИлти мераначибти биаб, гЯйиблизи буцибтала чебкад бурухели даршани миллионти сари гъандуршуту. Илдицад арц чина дикибтил заманаличиб сен хЕрхЕбикУтил аргъес хЕйрар. Бюджетла арц селис харждирулил сен хЕрхЕибсира республикала Бекли, Дагъиста прокурорли?!

Гергъити хЯбцали дусличибра имцали Дагъиста бахъал адапти гЯмрули къакъабаклахъалли аХенси, разибариб виклес хЕйрар. УрчIемцалиибти дусмазиб цахИнабли улкализиб тИнтIбиубси социальный бархъагардешли Дагъистайчи хаслира халаси асар бариб, иличибли бахъал адамтала гЯмрула даража нукъсанбикиб.

Октябрьла революция бетаурхели, хъяблабяхъниличила бурули саби. ИлхЕйчирад чум дус ардякъи диалра, гЯмрула тяхЯр-къяйда гЯхИдиубли сари виклес хъулчи леб или гъанбиркули аХен. Се бетаура гЯрабла улкназиб? США-ли цахИнар улкни хИлизи ва къарциндешлизи гЕладушиб. Илгуна барес пикри саби Россиялизибра.

...ГъанкI агарси дуги беркИли, савли телевизор алкахъунра ва вахъИла учительличила бурсури передачаличи рархъризурра.

«Марлира, талихIчевси адам сай учитель, – пикрирухъунра ну, – лебси баахъили ууси! Илала хъулри умцIесра чилра хЯкъян, сайра някъби гЕла дигъи ватхЕрхъахъу.

Се гЯхИдеш леба гъанна миллионтазибад – зак чехЕбиуйхИ сабира арбякъи, гЕлаб калунтас кахЕдурхути анцIкъи-децI датнила дурабад!



Кел хабар



Набигулагъ
СУЛАЙБАНОВ

ДЯХЪНУШАЧИБ...

Базарличирад Муъминат жявли чаррухъун. Мурул Мичигъич хъехИкIу-ли чумал бархИи виублири. Тухтуртачи вашули, дармунта гIяхIдеш бирули ахIенри. Мичихичлизи Муъминат рикIар: бахъал адамти арабирусияя, секIал балуси Биханат бикIуси дяхънуша хъунул адам лерли сари Дербент шагъарлизир. Иличи бахъал адамти башули саби. Ваши ца бархИи хIура нура иличи гъардикIехIе. Хапли бекI изесбирхIули, буруси-бирусила дазуагарли урулхъулра гIергъиси замана нура. Илини бегI гъалаб сунечи дугъабизур-тазирад арцра сайсули ахIен, бикIар.

– Гъу, буруси каберхуру? ХIела бекI изуси, дила Муъминат, дахъал гъай дирухIели саби. Иличила, хIела неш-дудешлицун ахIи, унрубанира гIяхIил балули саби. Дяхънушачила. Илдачи, ну гъаннала тухтуртачиван, вирхуси ахIенра. Иткъяйда, шагъарлизиб къуллукъ лебли биалли, чеббикIа бархИи, аркури шагъарлизи, – иб паргъатли Мичихичли хъунуйзи.

– Илкъяйда викIнилисра баркалла. Амма аргъа, дила бекI дахъал гъайли ахIен изахъуси, хIугъунти барскъабази секIал аргъахъес хIерирухIели саби, тIакъабекI. Ну ралкъаурхIейс машина хIядурли биахъа, – Муъминат къала-барикиб. «Сеннира хIу нуни, Мичихич, дяхънушачи аркури» ибси пикри Муъминатла бекIлизиб тамай берцIиб.

Шагъарлизи гIянручIлизивал дураулхъни гIядат саби. Мичихичра Муъминатра унруби чебсаргъайчи гъунчибри.

«Нуша, дила ахIерси, гъаланачи ярга буцес дяхънуша хIеррируйхИи аркъехIе, гIур – шагъарла базарличи, иларад – Биханатличи. БархIехъ хъули чардулхъехIе, – рикIар Муъминат.

– Баиб мурулра хъунулра Дербентлизи. Ца кIел адам баргиб Бахинатличи бакIибти. Илаб учерра буцили, Муъминатли ца ухънази хъарбаиб:

– Адавзи, бегI гъалаб дяхънушачи аркъусини се бихули? ДацIти някъбачил къалли лагизес балхIебиркур...

– Дила рузи, иш юртла итил шайчиб тукен теб? Итар дурхъати кампетуни тер. ИмцIагигъунтани илди дихули саби.

Базарличирад исутира асили, кабизахъурси заманализиб Мичихичра Муъминатра дяхънушачи бакIиб. Ярга сабаибхIели, Муъминат хIянани чебаахъибси тукейзи дуцIрухъун ва кампетуначил чаррухъун.

– ХIу дурарухъайчи, ну дурав каласну, арацIи! – иб Мичихичли.

Хъунул дяхънушачи рархъили, къунзикъули левли, баягъи туке мякълаб сегъуна-сабрил лямцъ гъанаур Мичихичлис. Гъяхъил хъеризургу, уркъухъун. Сунела хъунуй кампетуна бицъили дяхънушас бухибси пакет саби лебсиван, тукейзи архуси рурси хъясибриуб. «Камлил-имцъалил битакъес архули бургар», – или пикриикъули левли, дяхънушачи ацъахъес сунезира жииб.

Ила айцъухъели, дураулхъуси хъулкъуси хабчаб цугрикиб. «Вари, уркъигъаргли гъайикъен. Хъейкъадра хъечила илини лерил секъал дурусли дуру. Ацъи, ацъи!», – гъуни бедиб хъунуй.

Биханатличи Мичихич пикриличил лехъахъиб, насихъятуначилси кагъарра, дармунтас или дедибти къарла пакетунира касиб.

– Дубуртачир багалати къар къаршидиркути сари. Илди даргили, пайдаладирен, – рикъуси дяхънушас баркаллара багъахъурли, Мичихич иличивад дуравхъун. Машинала мякълар сунечи хъерси хъунуйчи виули левли, хабарра агарли, сагадан тукейчи хъулби дархъдизур. Баягъи пакетличил тукейзирад чаррулхъули ит рурси чераиб.

– Селичи риштъаси рурсиличи авъяхъилри? Се буриба? Се рикъи? Дармунти сегъунти делкъил, гъари, биха кагъар, –иб Муъминатли.

– Хъулир яра гъунчир чедиид, гъайбирехъе. Кари, – Мичихичли машина гъайбариб.

Дяхънушани къилисалра делкъунти дармунтала халаси декъардеш аги. Цаибил бархъилизибал мурулра хъунулра чус чедаахъибти къаранала дармунтази ахъиб. Амма Мичихичли гъачамалра пакетличила, туке мякълаб чебаибси суратличила хъунуйзи гъаналра хъебушиб. «Ца базли гъурра нуша Биханатличи аркъутира. Илхъели лерил секъал якъиндирар», – сунези сай маслигъятикъулри Мичихич.

Баз дикиб. Биханатхъайчи дурабухъайчи, Мичихичли Муъминатлизи иб: «Хъези нуни итаб ца гъажаибси сурат чебиахъис. Ну хатъахъеркули виасли, хъу тамашарируд. Мар-марли викъулра».

Баиб шагъарлизи Биханатхъайчи. «Иш яргализив тукейзира ну аркъяс, дяхънушачира гъалав айцъус. Хъу, Муъминат, ну иличи ацъибмад, ит тукейчи, ила башу-арбашутачи хъеррикъен, – иб чъумали Мичихичли.

Муъминат ва мурул викъуси бирули, машинала мякъла ташризурут. Мурул Биханатличи ацъибмад, хъунуй хъер тукейчибад тядихъебиресрииб. «Иш се анцъубукъа, Мичихичли дяхънушачи бухибси кампетунала пакетличил лаг-лагризурутси рурси тукейзи арацъиб, хъулбала гъалар регъуб. Багъалали селра хъебиубсиван, Муъминатра тукейзи арацъиб. Гъажаибси сурат чебаиб илини: – ит рурсили пакетлизирти кампетуни ящиклизи дацъидирулри. Пакет бацъибарибси рурси хъули липъла заманализир ретахъиб.

Уркърухъунси, изМуъминатли лумачила хъумкартур.

БИКЪРУМИ

Пенсия буртъуси Зайнабла хъулбала гъала Хъясанбегли кагъарла бутъа гъабуциб.

– Дила рузи, иш кагъарлизи къулбасбарагу.

– Ацци, ацци! Хъу сейкъулри? Се или къулбасбируси хъела кагъар! – саремцъур Зайнаб.

– Хъуни наб пенсияла арц дархъли гири. Вари, гъанмабиркахъид ну виргъа-

виргили сайра викѳули или. Гибти арцла хѳябал кѳапѳи азир-азир кѳурушла сари. Сарив?

– Сари! Чехѳедиулрив?

Гѳергѳиси замана, дила риштѳал рузи, ишдигѳунти арцла кагѳурти, кѳалптили урдулхѳули сари. Ил багѳандан нуни илдала номерти лукѳула. Ишди хѳуни гибти диѳни марбируси кѳулбас саби хѳяжатси, хѳела жан дат.

– Хѳебиалли нуни кѳалпти арц дуртѳули раланра! Баркалла агартира хѳуша, пенсионерти! Хѳули раѳили, пенсия лугухѳелира, разиагарли саби. Хѳебирус нуни сегѳуналра кѳулбас! – чѳумали каризур Зайнаб.

– Вари, вари, дила рузи, илкѳяйда чурхмарируд. Хѳуни илди арц банклизирад касибти ахѳену? Сари. Сейрида, ухѳна адам инжитварили? Бара кагѳарлизи кѳулбас. Абикиб кѳуллукѳ! – маслигѳятбариб Хѳясанбегла унраличирси Зайнабла уртахѳли.

Уртахѳ хѳунул адамла маслигѳятли шайтѳунти бушиндарибси Зайнабли арцла номерти делкѳунси кагѳар кѳулбасбариб.

Хѳясанбег разивиуб, баркалла багѳахѳур. Кѳалпла арцличила хабурти имѳѳадиубхѳейчирад, районна администратор викѳес гѳаларти бурхѳназив азир-азирла кѳуруш лугули сунела кандидатлис тѳама бицахѳес дугѳаизурсири. Номер белкѳахѳес бурибхѳели, гѳела дуруб бурхѳубсиван вакѳибси ветахѳниличила бусягѳятра шилизиб хабар-бурули бирар. Ва, хѳерая, Хѳясанбегли пенсия кайсухѳелира арцла номерти лукѳни гѳядат бетаахѳурли сай, кѳулбасбирахѳули сай.

Хѳясанбегла илгѳуна баркѳудили гѳаланачи ши уркѳаибсири. Багѳла-багѳлали шанти иличи пикри бяхѳчихѳейанбиуб.

Пенсионерли халати гѳяшаначилти кигѳми адилкѳулри. Илини Гѳяяла базарличир таджикунала жинсла мазара кигѳмира асиб. Илдала жинсла вецѳличир имѳѳали кигѳа декларли дихѳули, далхули цѳерхѳдирахѳулри

Гѳачам Хѳясанбег сунела Саятханумлизи викѳар:

– Дуббуцарла баз гѳамбикѳули саби. Илис гѳергѳи Кѳурбан байрам, Хѳяж бирути. Аркѳяс шагѳарлизи, исис се бикѳара итдас? Хѳед лерхис палтар ицан машина, хѳасупѳ.

– Мехѳурмайруд, чидил-биалра уршиличи хѳардара. Хѳу хѳули кайили, лерху, – маслигѳятбариб Саятханумли.

– Цаибилгѳуна, наб шагѳар чебаѳс дигулра. Уршба мурад хѳебиру хѳейкѳус. Амма рахли ну викѳуси хѳесили, цархѳил асали. . . Иргѳули рургуд. Ишбархѳи –жумягѳ бархѳи саби. Алхѳят бархѳи аркѳяс.

– Кигѳми дицес базарличи чи аркѳяна?

– Чилра хѳякѳян. Нушалагѳунти ахѳмакѳ кигѳмала шагѳарла багѳа багѳесра дигулра, – викѳуси Хѳясанбеглис Саятханумли кѳаршидеш хѳедариб.

Хѳясанбег шагѳарлизи аркѳнила хабар унра-хунрала хѳебагѳурли кахѳелун. Бархѳехѳ Хѳясанбегхѳайчи рурибси базриган, сунела вачар-чакарличилра шагѳарла хасмушуначилти бархѳасуначилра руруси Рабигѳят араѳиб.

– Хѳу шагѳарлизи аркѳниличила аргѳира. Нура хѳечил рарх ляркѳяс. Унрачил архѳя ункѳли гѳунчибиркур, Хѳясанбег.

– Хѳу рикѳуси гѳяхѳси саби. Дила архѳя хѳелайчил цугбикесара? Цалис ца диргалахѳедухѳишара? – Хѳясанбеглис унрала пикри гѳяхѳбизурли ахѳенри. Амма, «Хѳечил шагѳарлизи хѳякѳяс» викѳес вирару?

– Рабигѳятли шагѳарлизиб балути бахѳал лебти саби. Илини шагѳарра

хІуничиб ункъли бала. ХІед кумекра рирар. Арцличил мяхІкамли ви. Гъуни-хІекълис ца камти някъ чебашуси кисализи кадихъа, гІурилти мурхъли дигІяндара, – архІяличи валкъаурси муруйс насихІят буриб Саятханумли.

– ХІехара ургус. Нуни хІебалули! – разиагардеш аргъахъиб ХІясанбегли.

– Биалра, мяхІкамли ви. Гъаннала хъулкнала авара дахъ декІартигу. Ил-дачила газетаби вьвдикІули сари.

Шагъарлизи кабиухІели РабигІятли мобильник касиб, бузесаиб:

– Аркуша, чинав леврив? Баркалла. Ге, вяГдаладиубливан, – рикІуси илини, ХІясанбегличи ласванряхъили, машина хІерли биъни багъахъур.

Марлира, машина лебри. РабигІятли гъаланачи саби «Электроника» тукейзи букили дигни багъахъур.

– Момент! – бизахъур Аркушани.

Машина гъайбарили, вецІал метр хІехъили лебай, хІябал жагъил гъала-бизур.

Нушара дукабаягу, – тиладибухъун илди.

– Нуша аркъуйхІи аркъути саби. КабалтехІев? – дугъайзур Аркуша РабигІятличи, хІули линкІванбарили.

– Кабати. ХІед къалли чеимцІа арц диргалахІедулхъан, – рикІар ил, гъамбалгъунти жагъилти машиналичи кабирухІели.

Баиб мерличи. ХІябалра гъамбал тукейзи абацІес къасла адамти ахІенри. Илди хІули липІла заманалис бетахъиб. ХІушаб хІяжатхІели льякъяс бизахъурли, Аркушара арякъун. «АрхІяличиб хІякъуси лебси ахІен» викІуси ХІясанбегли машинала номер бекІлизи белкІун.

Гъарзаси, умуси, масана гарчкабарибси тукенкад къунзбикІули, ХІясанбегра РабигІятра бахъхІи кахІелун. КІиллра хІяжатти масани чердикІиб. ХІясанбегли асес декІардарибти масанала багъа 30 азирличи абикиб.

– Ишди секъяйда дубурлизи диахъутира? – дурабикиб илала суал.

– Маршруткала вегІлис арц дедахІелли, лерил секІал гъунчидиркур, – рикІар РабигІят.

Багъа бухес кассализи гъайиубси ХІясанбегли дигІяна кисализи някъ бухиб. Агара бергараг! Пенсионер бара хІилхІи калун аргъайзивад улхъули... «ХІечи бакІибси урхІличи мабакІаб!» Сунес сунени маслигІятбарили, тукенчичи чариуб.

– Масани архухІели арц гес асухІебирусира? – хъарбаиб тукенчизи ва иличил хІя-хІярикІуси РабигІятличи хІеризур.

– Гъайгъай, бирар.

ХІебиалли илди декІарли кадихъа, – ХІясанбег РабигІятличи ласяхъиб. – Гъанна ну мицІираг дирцуси базарличи аркъясра. ХІуни хІела исути аса. ГІур ишар, тукейзир, къаршидиркехе, – ванзала уди керхес хІядурси ил тукейзивад дуравхъун. «ВяхІ, цахдеш ахІену? Марлира, бекІбяхъ уилра. БухънабиухІели цархІилти духубирар, ну – мехІурирулра. Агъ, тІакъа бекІ... Юх, РабигІят, дукархІерирхІуд хІу. ХІебалахъис хІези нуни дила арц детахъни. Балуте саби нуни хІушагъунти къехІбуни».

ХІясанбег къакъала ца шайчив тІашизур. Ита-иша хІеризурли, мобильник кисалабад дурасиб, чинарил зянгъдяхъиб.

– Шамхал. Сен сайри, арадеш? Ге, ХІясанбег сайра. БусяГІят льякъясра.

– ХІу левси мерличив уэн. Машина бурхъулра, – викІулри Шамхал.

ВахъхІагарли ХІясанбег унра шилизивадси уртахъла урши Шамхайчил,

милицияла майорличил ихтилатлизи ахъиб. Лебилра биубси бехІбихъудличи-бад архирличи бикайчи буриб. ХъумхІертур сай тукейзи ваахъибси машинала номер буресра.

– ХІясанбег-ацци, хІу духуси адамри. МухІли буца, – викІуси Шамхалли арц дурасиб. – РабигІятли чедиули хІуни кадихъахъибти масани аса. Дати тІама-гъама! ВиубхІели чардирид.

– Баркалла, дила урши, мицІирагла базарличи ваахъили дигахъаси. ХІясанбеглис хІяйванти дирцуси шагъарла базар гІяхІхІебизур. Дуресцад я хала хІяйванти, я мазала мас аги илар, базарличиб адамти бахъалри мицІирагличиб.

– Мискиннигу хІушала базар, – викІар сунела гІямрула адамлизи ХІясанбег.

– Бирцуси-исуси лебу? Гъалав чехІеибсигъунари, – викІар илизи ша-гъарлан.

– Базарла тяхІяр-къяйда далас или вакІибсири. Хабарлизир дурестигъунти халал гІяшла дегІти шел кигъа лер дила.

– Кадука, гъатИ. ХІед кумекиубли дирцеХІену.

– Къурбан байрамлис гъалабси бархІи кадука. ИтхІели багъа ахъбирар. ХІед ца гІяхІси хайри биркур. ХІуни дурутигъунти диалли кигъми, ца нунира исисра.

– ГІяхІси. Баркалла...

Бурибси заманалис ХІясанбег тукейзи вакІиб. Иличи РабигІят хІерсигъунари. «Се бедили ХІясанбегли декІардарахъибти масани асесара?» рикІусигъуна унра, ил чеибмад гъинчІризур. Тукенчизи чекра сагадан белкІахъи, кассализи арц дедиб. РабигІятли бакІахъибси баягъи машиналичир масани автостанциялизи даахъиб. Иларад – дубурлизи.

Арц детахънила хабар чизилра хІебурибси ХІясанбег Шамха хъарбаркъ таманбарниличи разилира сайри, сунечи сай – гІясилира. Илис имцІали декІ-бикІулри чебла. Къурбан байрамла бархІи, кигъми дицибмад чебла ихъисра. «Гъанмабикаб ХІясанбег чеблалиув уар или. Кигъми нуни кІийнали дурхъали дирцис, зарал чебирцІахъис», – ибти пикрумазивси мазала мас цІерхъдирахъути дармунти дархли асили, дуги-хІери хІейкІули дярхълизиври. Саятханум, мура хІяракатличи тамашариулихъар, хъар-хъархІядяхъиб. ГІергъиси замана мурул биштІаси секІайра жиндралавирули чейухІели, лехІкахъибсигъунари.

ХІясанбег сунечи хІерси байрам гъамбикІулри. Илди бурхІназир РабигІят рикІар:

– Къурбан, байрамлис лугъуси бугъа леб. Ил хІези белгъахъасли ахІенси.

«Агъ, ца бархІилра камалъ! Илис ахІенри хІу набчи ракІибси» или пикри-лизив левли, Саятханум ургарухъун:

– Ил бархІи ХІясанбег шагъарлизи аркъян. Хъулив хІейрар. Кигъми хІе-дицес гІямал агара.

– ХІела ГІямзила кариили руэн. Я укъиша шагъарлизи, я хІевкъиша. Хъулив каласли, сеннира хІела мурад гъунчибиркахъис. КъакъамарикІуд. Белгъеси лебли гІергъи, ил белгъесира камхІейрар, – бурили, хъунул адамла мякълавад гъарахъикиб ХІясанбег.

Хъаршан Залибегла ГІябдулхІямидла дехла «Газельличи» шел кигъара чедатурли, тах шагъарла базарличив дакІуухъун ХІясанбег. Гъарли мякълав вагъариуб сунес икъалачили ветаурси базриганра.

– Чидил-дигара арбука. ВецІал азирлис ца, – буриб багъа ХІясанбегли. –

– Нуни исула, – базригай арц дурадигъун.

– Хи набчи гЯйибта маркъуд, уртахъ, арцла номерти делкИ, илдала гЕла къулбасбара, хЕла адресра белкИен, – иб илизи ХИясанбегли. Базригай дубурлан викЛуси барра бариб.

Шагъарлизиб цали барибси итилли хЕбарили хЕбалта. Кигъми дурхъали сари бикЛути леблихъар, илди асес дигути бахъбаиб. Илдачил вачуртавиркъуси ХИясанбегли Шамхал хИясибвариб. КИлилра цалис цали лишанти дариб. ХИябъибил кигъа бицибХЕли, баягъи гъалаб къаршибикибти кЕл гъамбал гЕлабад башахъуси вабза дакЛуухъун.

– Буца, дурхИни ишала ца кигъа. Машиналичи! – хамли иб илини ва арц дурадитЛун. Лерилра азир азирла!

– Таш! Дила узи, чевверхи. Ну дахъал хЕдалуси дубурлан сайра. Ишди арцла номерти делкИайчи тИашизи, – тиладибариб ХИясанбегли ва къалабали номерти лукЕс вехИхъиб.

– Ил се хабара?! Гъа?! Вашен гъалавад! – чевхъун ХИясанбегличи вабза.

– Вархъли сай иш. Нушани дедибталара арцла номерти делкЛун, адресунира, – паргъатвариб вабза базарла агълули.

Илдачи тамашавиубси илини ХИясанбег викЛуси бариб.

Кигъми дицибси ХИясанбегра Шамхалра арц хЕрдирнилизиди ахъиб. Столличир арцла шел бутИа лерри. Шелра чула къулбасуни ва адресуни лерти кагъурта алавдарибти. ХИясанбегли сунела бекИбарХИла арцла «сияХИра» бакИахъиб. Арцла номерти хЕрдирес бехИбихъиб. Вабзали кигъалис гибти арцла номерти ил сияХИлизир лерли урдухъун.

– Нуша дахъИи сарри ГИяхИмадпашала къукъялигИир умЦули. Амма хасмушуни буцес имканбикЛули аХИенри. Гъанна дила някълизив сай ил, – викИар Шамхал.

ВахъИагарли ГИяхИмадпаша майорла кабинетлизи аЦИиб. Чурхли. БекИ буцили.

– Хиуни кагъалис дедибти азир-азирла къуршмала номерти иш ХИясанбеглайчил цугдуца. Дахъал тИама-гъама хЕдарили, – илди илала гъала кадихъиб.

– Кигъалис дедибти арц дила аХИен!

– Гъари бакИахъа итил хъулибти бикъруми, ХИясанбегла царХИилти кигъми асибти, – хъарбариб Шамхалли.

АбаЦИиб авал шагъарлан. Илди чебаибмад ГИяхИмадпаша лехИкахъиб, сай мукЛуракИни багъахъур.

– Хиушала ралликъяна РабигИятра леркеХЕ. Гъаланачи иш ухънала, хЕла гъамбалта дурадитЛунти 30 азирра къалабали чардара! – Чумали иб майорли.

ГИяхИмадпашали чинарил зангъдяхъиб, арцличил адам вакИахъиб.



Поэзия



**Муртузали
МУРТУЗАЛИЕВ**

Муртузалиев Муртузали Бибалаевич акГубси сай Дахадаевла районна Трисанчила шилизиев.

Шила школа таманбарили, ил Дагъиста началихъла университет-лизи керхур ва филологияла саниГят касиб. Лавашала урга даражала школализиив учительли узахъес вархъиб. Илаб чумал дус хІянчи барили , КПСС-ла Лавашала райкомлизи инструкторли шурватур, кІинайс орготделла заведующийли катур.

Илис гІергъи Муртузали сунела шилизиев администрацияла бекІли узули калун. 1994 ибил дуслизиев ил РФ-ла транспортла инспекцияла Дагъистайзибси управлениелизи шурватур. Чумал къуллукъличив кали гІергъи, ил управлениела начальник вариб.

Муртузали литература дебали дигуси адам сай. Илини бахъал поэтунала гІяхІцад назмурти уркІиличир дала. Илала рухІла дунгъялис бегІла гъамси саби Лермонтовла, Есенинна, Батирайла поэзия.

Гъаман-гъаман илини суненира къалам кайсули вирар ва сунела пикруми кагъарла кІапІилизи лукІа. Амма илди белкІани кадяхъес къа-лабахІейкІар.

Даргала литература гІеббурцуси илини «Гъалмагъдеи» журналра къулбасбирули вирар. Литературала вечертачир жигарла бутІакъян-деи диру. Ииуди назмуртира илини жъявли делкІунти сари ва журналлизи кадяхъяхъес нуни хІилхІи разиикахъира.

Къасумбег МИГЪРАБОВ,
Дагъиста халкъла писатель

ДИЛА ШИЛИС

**Дусми аркъуцад уркІи
ШилизибяхІ гъуцІбикІар,
Гъаладилзули сарну
Даим хІулбас цІули ва къар.**

**Ургуба, шанта хІентІби
Лушули чедиула,**

**Гелешмешуни къяйда
ТІашти хурми дургулра.**

**Илдада удив чуйна
ТІяхІуваррал цІуэрли,
Мазала нусличил
Укунрал ну цІулхІели.**

Гинзурба чуйна шинни
Вахунрал ну сархашли,
Илдала тIем итхIели
ХIебалира хьяшали.

ИшбархIи, неш-дудешван
Ужулра мехI бириули,
Сен цIумбулхьанал уркиИ
Илди гьалабилзули.

Кьукьуби, хьутри чуйна
Дуцибал дяхьурбани,
ДуцIлицун ихьирану
Шила кьакьурби нуни.

ТIякькавхьи дири кIунтIби
Дигубли цIулцла шинни,

Разити дири гIямру
ХIерхIейрасра эркинни.

Шили гьунивватурра
Ну шадли дуньяличи,
ИтхIели гIяшси тIама
Аргьира: «Вашен набчи...»

КьянахIейубра илис,
Вашули вирус гьаман,
Шили сабну картIибси
Дила рухIлизи иман.

Кьисматла дякь мурт чинаб
ХIебалас кьябударал,
Амма, дила Трисанчи,
Ну хIечи чарулхьасра.

ЮЛДАШУНИ

Юлдашунни дахьхIила,
Юлдашунни сагати,
Сецад гьаладизурал
ЗугIлуми ур агарти.

Бехьуб улка авадан,
Барскабиуб махлукьат.
Уркибачи чекабихьун
Деци-цIумла зугьаси кьат.

Давлуми, мас-хазнурби
Байрахь детаур бахьлис,
Чум лебал се-дигара
Асес дигути арцлис.

Адабла, яхI-хIяяла
Дазурби кьакьадиуб,

Ил дуньялаб хIушачил
Дила минара биуб.

Се-дигара бикIабгу
Ил авидла дурабти,
Нушала дуньялизиб
Илдани мер хIебургу.

Юлдашунни, диаба
ГьатIира черяхIтили.
Гьамадли саб уркилис
ХIуша лерни балули.

Дерхьяб хьура гIямрура
ХIушала, юлдашунни.
Чумра деза дуриша
ГIуррара хIушаб нуни.

ТАРЗАН ХIЯРИБИРХЬУЛИ...

Кьакьал чялила духIнар,
Рахажличил хьябличиб
ГIямру ардякьун хIела,
Тарзан, чебберхи набчи.

Юлдашличиван сайри
Ну хIечи хIерикIуси.
ХIебарира цайналра
Баркьуди хIед хIейгуси.

Нуни букуси бири
Хурег хЕдра лугуси,
ХЕчи адамличиван
Сайри ну хЕрикIуси.

Чуйна уркIи бурирал,
ХЕрикIули хIулбази.
ХIунира хЕла дунъя
Гъаргбирадигу набзи.

ХатIа буилри дила
ХIу чялилизиб бихIни.
Ил багъандан къантIдиуб
Дургар гIямрула бурхIни.

ГIяярличи, бяхIяхъес
ХЕбикири урхIливан.
ХЕрбарес дигулрину
АхIерли, тят дурхIниван.

ХЕла гIясидеш даим
ДубкIахъади азбарлар.

Дамсайчи чIумал къяшми
ХЕбикули гъаргала.

Гъанбирки, хЕд гIягIниси
Наб дигуси саб или.
Гъанна Каспила дублав
Ташлира хIу сабабли.

Бисуси уркIиличил
Кабирхъулри хIяблизи.
ГIур иргъхIергъис хЕла гъям
Я яни, я хЕблизир.

Балулрив, чуйна, чинар
Хяла гъямла аргъасра,
УркIи дила цIумбулхъан,
ХЕйгибилзан аргъайсра.

Чебберхи, дила Тарзан,
ГIяйиб набчибра бургар.
БихIис нуни уркIилаб
Гъабзачилаван хабар.





Даргада писательлѣтѣ, позгунѣ ва гѣлимтѣ С. Гѣябдуллаевла юбилейлѣтѣчѣ аркѣули гѣуйчѣб

ISSN 0235 - 0149

Индекс годовой 31176
Индекс полугодовой 73892

